

**O'ZBEKISTON RESPUBLIKASI FANLAR AKADEMIYASI
TARIX INSTITUTI**
RESPUBLIKA TA'LIM MARKAZI

O'ZBEKISTON HUKMDORLARI

*Tarixiy adabiyotlarni nashrga tayyorlash va chop etish
bo'yicha davlat ekspert guruhi hamda Respublika
Ta'lim Markazi tarix fani o'quv-metodik kengashi
tomonidan nashrnga tavsiya etilgan.*

Tuzuvchi — mualliflar:
Farhod Sultonov,
Farruh Bozorboyev

Tarix fanlari doktori, professor
D.A. Alimova ilmiy tahriri ostida

Toshkent
Alisher Navoiy nomidagi
O'zbekiston Milliy kutubxonasi
nashriyoti
2007

KIRISH

Uzoq tarix silsilasidagi ulug' insonlarning o'tmishda tutgan o'rni va egallagan mavqeい haqida fikr yuritish hamma zamonlarda ham murakkab kechgan. Zero, insoniyat tarixida jamiyatni o'z qo'li ostida boshqarib, hayotning yana boshqa sohalarida faoliyat ko'rsatib o'chmas iz qoldirgan tarixiy shaxslar haqida atroficha so'z yuritish har qanday muallifdan chuqur ilmiy mushohada va salohiyatni, keng va teran tafakkur egasi bo'lishni, shu bilan birga xolislikni talab etadi. Ayniqsa, o'zbek millati tarixida zalvorli o'rin egallagan Ismoil Somoniy, Amir Temur, Abdullaxon II, Sh. Rashidov, I. A. Karimov kabi buyuk tarixiy shaxslar hayotiga jamiyat taraqqiyotining hozirgi cho'qqisidan turib baho berish, ularning qilgan ishlarini tasvirlash uchun ko'plab ishonchli manbalarga murojat etishga to'g'ri keldi.

Sizning qo'lingizdagi ushbu enseklopedik ma'lumotnomma O'zbekiston hukmdorlari va hukumat boshliqlariga bag'ishlangan bo'lib, so'nggi yillarda e'lon qilingan adabiyotlardan keng foydalilanigan. Bu kitobda mamlakatimiz boshida hukmronlik qilgan shaxslarning biografik ma'lumotlari jamlangan. "O'zbekiston hukmdorlari"da Qadimgi Turon zaminidagi massaget qabilasining malikasi bo'lgan To'marisdan tortib Mustaqil O'zbekistonimizning 1-prezidenti I. A. Karimovgacha bo'lgan ona vatanimiz hududidagi yerlarga rahbarlik qilgan tarixiy shaxslar haqida bayon etilgan. Har bir tarixiy shaxsga bag'ishlangan ma'lumot nafaqat hukmdorning biografiysi, balki o'sha davrning hususiyatlari ham batafsil yoritilgan. Bir vaqtning o'zida o'quvchiga hukmdor haqida tasavvur hosil qilishga harakat qilingan: uning tarbiyasi, ma'lumoti, harakterining asosiy chiziqlari haqida ham to'xtalib o'tilgan. Undagi har bir hukmdorga berilgan ma'lumot xronologik tartibda yozilgan.

Mazkur ma'lumotnomma O'zbekistonning barcha hukmdorlari haqida nashrdan chiqqan ilk risola bo'lgani uchun u, shubhasiz, ayrim nuqson va kamchiliklardan xoli bo'lmasligi mumkin. Siz aziz kitobxonlardan uzr so'ragan holda qo'llanma haqida fikr-mulohazalaringizni kutib qolamiz.

O'yaymizki, ushbu "O'zbekiston hukmdorlari" o'quv qo'llanmasi o'quvchilarning kitob javonlaridan o'ziga munosib o'rin egallaydi.

**O'ZBEKISTON HUDUDIDA
HUKMRONLIK QILGAN SULOLALAR VA HUKMDORLAR**

Qadimgi Xorazm davlati

(qadimgi davrdan XIII asr o'rtalarigacha)
(siyovushiyalar, afrig'iylar, ma'muniylar, oltintoshular, anushteginiyalar)

Qadimgi xorazmshohlar (siyovushiyalar)

- **Kayxusrav** (taxminan mil. avv. 1200-1140)
- **Saksafar** (taxminan mil. avv. 519-517)
- **Farasman** (taxminan mil. avv. 329-320)
- **Xusrav** (taxminan mil. avv. 320)

Afrig'iylar (IV-X asrlar)

- **Afrig'** (IV asr boshi)
- **Abu Abdulloh Muhammad** (?-995-yil, sulolaning so'ngi vakili)

Ma'muniylar sulolasi (995-1017)

- **Ma'mun ibn Muhammad** (995-997)
- **Ali ibn Ma'mun** (997-999)
- **Ma'mun ibn Ma'mun** (999-1017)

Oltintoshlar sulolasi (1017-1041)

- **Oltintosh** (1017-1032)
- **Said ibn Ma'sud** (1032 -?)
- **Ismoil Xandon** (?- 1041)

Qadimgi Baqtriya davlati (O'rta Osiyo)

Ahamoniyalar sulolasi (mil. avv. 530-329)

- **Smerdis** (mil. avv. 530-522)
- **Dadarshish** (mil. avv. 522-486)
- **Ariamen** (mil. avv. 486-480)
- **Masist** (mil. avv. 480-465)
- **Artabon** (mil. avv. 465-423)
- **Bess** (mil. avv. 335-329)

Yunon-makedonlar

- **Aleksandr Makedonskiy** (mil. avv. 329-323)

Salavkiylar hukmronligi (mil. avv. 312-250)

- **Antiox I** (mil. avv. 293-260)

Yunonlar sulolasi (mil. avv. 250-130)

- **Diodot I** (mil. avv. 250-238)
- **Diodot II** (mil. avv. 238-212)
- **Evtidem** (mil. avv. 212-199)
- **Demetriy** (mil. avv. 199-167)

- **Evkratit** (mil.avv. 167-155)
- **Geleokl** (mil. avv. 155-130)

Kushonlar (I-III asrlar)

- **Kudzula Kadfiz** (15-51)
- **Vima Kadfiz** (51-78)
- **Kanishka** (78 -123)
- **Vasishka** (123-127)
- **Xuvishka** (127-159)
- **Vasudeva I** (159-193)
- **Kanishka III** (193-222)
- **Vasudeva II** (222-244)

Xiyoniylar (tahminan 470-590)

(Sirdaryo bo'yalaridan Amudaryo havzasigacha bo'lgan hudud)

- **Grumbat** ...

Kidariylar (420-456)

(Amudaryo havzasi va janubi-g'arbiy Sug'd)

- **Kidar** ...

Eftaliylar (V asrning 2-yarmi - VI asrning 60-yillari)

- **Vaxshunvar** ...

Ashinaliylar (Turk xoqonligi) (VI asr o'rtalari - 657)

- **Istemi** (553-576)
- **Qora Churin** (576-609)
- **Taman** (609-611)
- **Sheguyxon** (611-618)
- **To'nyobg'uxon** (618-630)
- **Sibirxon** (630-631)
- **Irbis**
- **Bo'lunyobg'uxon** (631)
- **To'ng Alp Duluxon** (631-634)
- **To'ngshad-Ishbara To'lisshad** (634-639)
- **Elqutluqshad Irbisxon** (639-640)
- **Bahodur-Irbisyobg'uxon** (640-641)
- **Irbis Sheguyxon** (641-651)
- **Ishbaraxon** (651-657)

Somoniylar (875-999)

- **Nuh ibn Asad** (819-842)
- **Ahmad ibn Asad** (842-864)
- **Nasr I ibn Ahmad** (865-892)
- **Ismoil ibn Ahmad** (874-907)
- **Ahmad ibn Ismoil** (907-914)
- **Nasr II ibn Ahmad** (914-943)
- **Nuh I ibn Nasr** (943-954)

- **Abdumalik ibn Nuh** (954-961)
- **Mansur I ibn Nuh** (961-976)
- **Nuh II ibn Mansur** (976-997)
- **Mansur II ibn Nuh** (997-999)
- **Abdulmalik II ibn Nuh** (999-1000)
- **Ismoil ibn Nuh** (1000-1005)

Qoraxoniyalar (927-1212)

Yirik vakillari:

- **Abdulkarim Sotuq Bug'roxon** (859-955)
- **Muso ibn Abdulkarim** (955-970)
- **Hasan ibn Sulaymon** (977-992)
- **Ahmad ibn Ali Arslonxon** (998-1017; hokimiyat amalda ukasi **Nasr ibn Ali** qo'lida bo'lgan)
- **Mansur ibn Ali** (1017-26)
- **Ibrohim ibn Nasr Tamg'achxon** (1040-70)
- **Arslonxon Muhammad ibn Sulaymon** (1102-30)
- **Usmon ibn Ibrohim** (?-1212)

Anushteginiyalar, xorazmshohlar (1097-1231)

- **Qutbiddin Muhammad** (1097-1128)
- **Otsiz** (1128-1156)
- **El Arslon** (1156-1172)
- **Sultonshoh Mahmud** (1172)
- **Takash** (1172-1200)
- **Muhammad** (1200-1220)
- **Jaloliddin** (1220-1231)

Temuriylar (1370-1500)

- **Amir Temur** (1370-1405)
- **Xalil Sulton** (1405-09)
- **Ulug'bek** (1409-49)
- **Abdullatif** (1449-50)
- **Abdullo Mirzo** (1450-51)
- **Abu Said ibn Sulton Muhammad** (1451-69)
- **Sulton Ahmad Mirzo** (1469-94)
- **Sulton Mahmud Mirzo** (1494-98)
- **Sulton Ali Mirzo** (1498-1500)

Shayboniyalar (1500-1601)

- **Shayboniyxon** (1500-1510)
- **Ko'chkunchixon** (1510-1530)
- **Abu Saidxon** (1530-1533)
- **Ubaydullaxon** (1533-1539)
- **Abdullaxon I** (1539-1540)
- **Abdulazizzxon; Buxoroda** (1540-1550)
- **Abdulatif; Samarqandda** (1540-1551)
- **Navro'z Ahmadxon - Baroqxon** (1551-1556)
- **Pirmuhammadxon** (1556-1583)

- **Abdullaxon II** (1583-1598)
- **Abdulmo'minxon** (1598-1599)
- **Pirmuhammadxon II** (1599-1601)

Ashtarxoniyilar (1601-1756)

- **Boqimuhammadxon** (1601-1605)
- **Valimuhammadxon** (1605-1611)
- **Imomqulixon** (1611-1642)
- **Nadrmuhammadxon** (1642-1645)
- **Abdulazizzon** (1645-1681)
- **Subhonqulixon** (1681-1702)
- **Ubaydullaxon II** (1702-1711)
- **Abulfayzzon** (1711-1747)
- **Abdulmo'minxon** (1747-1751)
- **Ubaydulloxon III** (1751-1754)
- **Sherg'ozi** (1754-1756)

Buxoro amirligi (mang'itlar sulolasi) (1756-1920)

- **Muhammad Rahim** (1756-1758)
- **Doniyolbiy otaliq** (1758-1785)
- **Shohmurod** (1785-1800)
- **Haydar** (1800-1826)
- **Nasrulloxon** (1826-1860)
- **Muzaffar** (1860-1885)
- **Abdulahad** (1885-1910)
- **Olimxon** (1910-1920)

Xiva xonligida shayboniyilari sulolasi (1511-1570)

- **Elbarsxon** (1511-1516)
- **Sulton Hojixon** (1516)
- **Husaynqulixon** (1516)
- **So'fiyonxon** (1516-1522)
- **Bujaqaxon** (1522-1526)
- **Avaneshxon** (1526-1538)
- **Alixon** (1538-1547)
- **Aqatoyxon** (1547-1556)
- **Yunusxon** (1556-1557)
- **Do'stxon** (1557-1558)
- **Hoji Muhammadxon** (1559-1602)
- **Arab Muhammadxon** (1602-1621)
- **Habash sulton va Elbars sulton** (1621-1623)
- **Asfandiyorxon** (1623-1643)
- **Abulg'ozixon** (1644-1663)
- **Anushaxon** (1663-1687)
- **Xudoydodxon** (1687-1688)
- **O'zbekxon-Arnakxon** (1688-1690)
- **Jo'ji Sulton** (1694-1697)
- **Valixon** (1697-1699)
- **Shohniyozxon** (1699-1690)

- **Shohbaxxon** (1702-1703)
- **Sayid Alixon** (1703-1705)
- **Musaxon** (1705-1706)
- **Yodgorxon** (1706-1713)
- **Sherg'ozixon** (1714-1728)
- **Elbarsxon** (1728-1739)
- **Tohirxon** (1739-1740)
- **Abulxayrxon** (7-8 kun)
- **Nuralixon** (1740-1742)
- **Abulg'ozixon II** (1742-1746)
- **G'oyibxon** (1746-56)
- **Qoraboyxon** (1756-1757)
- **Temurg'ozixon** (1757-1764)
- **Xudoydodxon** (1764-1765)
- **Shohg'ozixon** (1766-1767)
- **Abulg'ozixon III** (6 oy)
- **Nuralixon** (1768)
- **Jahongirxon** (bir yil)
- **Bulakayxon** (1770)

Xiva xonligida qo'ng'irotlari sulolasi (1770-1920)

- **Muhammad Amin inoq** (1770-1790)
- **Avaz Muhammad inoq** (1790-1804)
- **Eltuzarxon** (1804-06)
- **Muhammad Rahimxon** (1806-1825)
- **Olloqulixon** (1825-1842)
- **Rahimqulixon** (1842-1845)
- **Muhammad Aminxon** (1845-1855)
- **Abdullaxon** (1855-1856)
- **Qutlug'murodxon** (1856)
- **Said Muhammadxon** (1856-1864)
- **Muhammad Rahimxon II** (1864-1910)
- **Asfandiyorxon** (1910-1918)
- **Said Abdullaxon** (1918-1920)

Qo'qon xonligida minglar sulolasi (1709-1863)

- **Shohruxbiy** (1709-1721)
- **Abdurahimbiy** (1721-1733)
- **Abdulkarimbiy** (1733-1750)
- **Abdurahmonbiy** (1750)
- **Erdona** (1751-1752; 1753-1762)
- **Bobobek** (1752-1753)
- **Sulaymon** (1762-1763)
- **Norbo'ta** (1763-1798)
- **Olimxon** (1798-1810)
- **Umarxon** (1810-1822)
- **Muhammad Alixon** (1822-1842)
- **Sheralixon** (1842-1844)
- **Murodxon** (1844)

- **Xudoyorxon** (1845-1858; 1862-1863; 1865-1875)
- **Mallaxon** (1858-1862)
- **Sulton Sa'idxon** (1863)

Turkiston general-gubernatorligi (1867-1917)

- **K. P. fon Kaufman** (1867-1881)
- **G. A. Kolpakovskiy** (1881-1882)
- **M. G. Chernyayev** (1882-1884)
- **N. O. Rozenbax** (1884-1888)
- **A. B. Vrevskiy** (1889-1898)
- **S. M. Duxovskoy** (1898-1901)
- **N. A. Ivanov** (1901-1904)
- **P. N. Tevyashov** (1904-1905)
- **D. I. Subbotich** (1905-1906)
- **N. I. Grodekov** (1906-1908)
- **P. I. Mishchenko** (1908-1909)
- **A. B. Samsonov** (1909-1913)
- **Flug** (1913-1915)
- **Martson** (1915-1916)
- **A. N. Kuropatkin** (1916-1917)

BXSR (Buxoro Xalq Soviet Respublikasi) (1920-1924)

- **A. Muhibdinov** (1920.09 - 1921.09) - Umumbuxoro inqilobiy qo'mitasi raisi.
- **F. Xo'jayev** (1920.09 - 1924.10) - BXSR xalq nozirlar raisi.
- **U. Po'latxo'jayev** (1921.09 - 1922.08) - BXSR MIK raisi.
- **P. Xo'jayev** (1922.08-1924.11)- BXSR MIK raisi.
- **M. Aminov** - BXSR MIK raisi.

XXSR (Xorazm Xalq Soviet Respublikasi) (1920-1924)

- **M. Sultonmurodov** (1920.02 - 1920.03) - Xorazm inqilobiy qo'mitasining raisi.
- **P. Yusupov** (1920.27.04 - 1921.06.03) - XXSR xalq nozirlar raisi.
- **J. Qo'chqorov** (1921.03 - 1921.05) - Xorazm inqilobiy qo'mitasining raisi.
- **M. Olloberganov** (1921.05 - 1921.09) - XXSR MIK raisi.
- **O. Muhammadrahimov** (1921.09 - 1921.11) - XXSR MIK raisi.

Rossiya Muvaqqat hukumati tarkibida Turkiston

- **N. N. Shchepkin** (1916. 07.04 - 1917. 01.11) - Rossiya Muvaqqat hukumatining Turkiston komitetining raisi.

Sovet Rossiyasi tarkibida Turkiston (1917-1918)

- **F. I. Kolesov** (1917-1918) - Turkiston HKS raisi.

TASSR (Turkiston Avtonom Sovet Sotsialistik Respublikasi) (1918-1924)

Turkiston ASSR Markaziy Ijroiya Komiteti (MIK) raislari

- **P.A.Kobozev** (1918-1919) - Turkiston MIK raisi.
- **F. Solkin** (1918. 30.04.) - Turkiston MIK hamraisi.
- **Votinsev** (1918-1919.19.01) - Turkiston MIK raisi.

- **Kozakov** (1919.28.01 - 1920) - Turkiston MIK raisi.
- **N. To'raqulov** (1919) - Turkiston MIK hamraisi.
- **T. Risqulov** (1920.01 - 1920.07) - Turkiston MIK raisi.
- **Rahimboyev** (1920-1922) - Turkiston MIK raisi.
- **Xidiraliyev** (1922-1924) - Turkiston MIK raisi.

O'zSSR (O'zbekiston Sovet Sotsialistik Respublikasi) (1925-1991)

O'zbekiston Kompartiyasi MKning 1-kotiblari:

- **V. Ivanov** (1925-1927)
- **N. Gikalo** (1929)
- **A. Ikromov** (1929-1937)
- **U. Yusupov** (1937-1950)
- **A. Niyozov** (1950-1955)
- **N. Muhitdinov** (1955-1957)
- **S. Kamolov** (1957-1959)
- **Sh. Rashidov** (1959-1983)
- **I. Usmonxo'jayev** (1983-1988)
- **R. Nishonov** (1988-1989)
- **I. Karimov** (1989-1991)

O'zbekiston Respublikasi (1991-yil 1-sentabr).

O'zbekiston Respublikasi Prezidenti:

- Islom Abdug'aniyevich Karimov

- QADIMGI XORAZM HUKMDORLARI -

TO'MARIS (mil. avv. VI asr)

Turon xalqlarining *ahamoniylar* bosqiniga qarshi kurashiga rahbarlik qilgan jasur sarkarda. Qadimgi yunon tarixchisi *Gerodotning "Tarix"* (mil. avv. V asr) asarida yozilishicha, *Ahamoniylar davlati* asoschisi *Kir II* mil. avv. 530-yilda Turonga bostirib kirganida, To'maris massagetlar qabilasining malikasi bo'lgan. Massagetlar bu paytda Amudaryo (Araks) bo'ylari va Qizilqumda yashashgan. To'maris massagetlar podshosining xotini bo'lib, u erining vafotidan so'ng davlatni boshqargan. Erondan kelgan bosqinchilar qo'shini bilan massagetlar o'tasida shiddatli janglar bo'lgan. Dastlabki jangda To'marisning o'g'li *Sparangiz* (*Sparganis*) boshchiligidagi massagetlar g'olib chiqqan. Biroq keyingi jangda forslar hiyla yo'lli bilan Sparangiz va ayrim massagetlarni asir olishganda, or-nomusga chiday olmagan Sparangiz o'zini o'ldirgan. To'maris o'g'lining halokatidan esankirab qolmay, o'z xalqining manfaatini o'ylab, *Kir II* dan massagetlar yurtidan chiqib ketishini so'raydi. Biroq forslar shohi rad javobini bergach, ikki o'ttada ayovsiz jang bo'lgan. Gerodot massagetlar va forslar o'tasidagi jang tafsilotlarini o'z asarida quyidagicha tasvirlaydi: "*Mening bilishimcha, bu jang varvarlar o'tasidagi barcha janglardan ham dahshatli bo'lgan. Avval har ikkala qo'shin bir-birini uzoq masofadan turib, kamondan o'qqa tutdilar. Kamon o'qlari tugagach, ular nayza va qilich bilan kurashdilar. Jang uzoq vaqt davom etdi. Ko'p qon to'kildi. Nihoyat, massagetlar g'alaba qozondilar. Fors qo'shinlarining asosiy qismi, jumladan, Kir II ham jang maydonida halok bo'lgan. U to'liq 29 yil shohlik qilgan edi. Kir II ning jasadi topilgach, malika (To'maris)ning buyrug'i bilan uning kesilgan boshi inson qoni bilan to'lg'azilgan meshga solingan*".

FARASMAN

Siyovushiyilar sulolasidan bo'lган Xorazm podshosi (mil. avv. IV asr). Farasman haqida uzuq-yuluq ma'lumotlar saqlanib qolgan. Mil. avv. 328-yil *Makedoniyalik Aleksandrning O'rta Osiyoga yurish chog'ida* Farasman 1500 kishilik otliq qo'shini bilan Aleksandrning qarorgohi joylashgan *Baqtra* shahriga kelgan va u bilan ittifoqchilik bitimi tuzgan. Farasman Aleksandrga Shimoliy Qora dengiz sohillariga, u yerdan Kolxidaga birgalikda harbiy yurish uyushtirishni taklif qilgan, biroq uning loyihasi qabul qilinmagan.

AFRIG', Ofrig'

Milodiy IV asr boshida Xorazmda hukmronlik qilgan xorazmshoh, *afrig'iylar sulolasi* asoschisi. Qadimgi Xorazmdagi ko'plab qal`alarning bunyod etilishi Afrig' nomi bilan bog'liq. 305-yilda xorazmshoh Afrig' o'z qarorgohini *Kat* shahriga ko'chiradi. Kat qayta tiklanib, Al-Fir qal`asi ichida shoh o'ziga yangi saroy qudiradi. Xuddi shu vaqtdan boshlab Xorazmnning Afrig'iy shohlari betiga shoh va orqasiga suvoriy tasvirlari tushirilgan kumush tangalar zarb etib, mamlakatning ichki va tashqi savdo munosabatlarida mustaqil bo'lib oladilar.

**- SOMONIYLAR DAVLATI HUKMDORLARI -
(875-999)**

NUH IBN ASAD

(? - 842)

(819-842)

Somoniylardan bo'lgan Samarqand hokimi. *Tohiriylardan Abdulla ibn Tahir* bilan birga xalifalikdan mustaqil siyosat yurgazishga intilgan, *Istaxriy* va *Ibn Havqalarning* yozishicha, xalifa *Mu'tasim* (833-842) bundan norozi bo'lib *Abdulla ibn Tohir*ga noma yuborib, uni koyigan. *Abdulla* bu xatni Samarqandga jo'natgan. Nuh ibn Asad o'zining javobida Movarounnahrda 300 ming qishloq borligini, har bir qishloq bitta sarboz va bitta navkar berishga qodir ekanligini ko'rsatib o'tadi. Bu bilan u xalifadan qo'rqlik kerak emasligi, chunki faqat Movarounnahrning o'ziga 600 ming sarboz va navkardan iborat qo'shin to'play olishini bildirgan. Bu davrda ko'chmanchi turkiy qabilalar Shoshga ko'p hujum qilib turardi. Shosh *Yah'yo ibn Asad* ixtiyorida edi. Uning iltimosiga ko'ra, Nuh ibn Asad 840-yil Isfijobning turkiy qabilalaridan bo'lgan hokimiga qarshi qo'shin tortgan. Bu urush Nuh ibn Asadning g'alabasi bilan tugagan. *Baloziyning* yozishicha, bu vaqtida Nuh ibn Asad ekinzorlar, tokzorlar, bog'lar, qishloqlar va shaharlarni ko'chmanchilarining hujumidan saqlaydigan katta mustahkam devor qurishni buyрган.

AHMAD IBN ASAD

(?-865)

(842-864)

817-yildan Farg'ona va 842-yildan Samarqand amiri bo'lgan. Somonxudotning nabirasi. *Rofe ibn Lays* qo'zg'oloni paytida Ahmad ibn Asad o'z birodarları *Nuh, Yahyo* va *Ilyos* bilan Sug'dda qo'zg'oloni bostirishda xalifalikka katta yordam bergen. Buning evaziga xalifa Ma'munning ko'rsatmasiga ko'ra Xuroson hokimi *G'asson ibn Abbad* (813-821) 817-yilda Ahmad ibn Asadni Farg'onaga, akasi *Nuh ibn Asadhi* esa Samarqandga, Choch va Ustrushonaga Yahyoni, Hirotg'a Ilyosni amir qilib tayinlaydi. Akasi Nuh vafotdan keyin (842) Ahmad ibn Asad Samarqand amiri bo'lib qoldi. 875-yilda xalifa *Mu'tamid* (870-892) Ahmad ibn Asadning o'g'li *Nasr ibn Ahmadhi* butun Movarounnahr amiri etib tayinlaydi. Ahmad o'z nomidan mis chaqalar zarb etadi. Ahmad Somoniy asta-sekin Movarounnahrni o'z oilasi boshchiligidagi birlashtirishga kirishadi. Tohiriyalar Ahmadning bu faoliyatiga qarshilik ko'rsata olmadilar.

NASR IBN AHMAD
Nasr I ibn Asad Somoniy
(taxm. 848-893)
(865-892)

O'zbek davlatchiligidagi *somoniylar* sulolasining boshlig'i, Samarqand hokimi (865-892). Somoniylar davlati hukmdori. Nasr ibn Ahmad Norin daryosi bo'yidagi Haylam qishlog'ida tug'ilgan. Otasi *Ahmad* vafotidan (865-yil) keyin u Samarqandni markazga aylantiradi. Buxoro vohasi, Naxshab (Qashqadaryo), Chag'onrud (Surxondaryo) vodiylaridan tashqari Movarounnahrning barcha viloyatlarini birlashtirish va uni Xurosondon ajratib olish choralarini ko'radi. Tohiriyalarining davlatining barham topishi bilan vaziyat tubdan o'zgarib, istiqlol uchun qulay sharoit paydo bo'ladi. O'z holiga

tashlab qo'yilgan Buxoro ahli hatto safforiylarga tobe bo'lishni xohlamaydi. Shahar zodagonlari somoniylarga murojaat qilib, Samarqandga Nasr huzuriga elchilar yuboradilar, undan Buxoroni o'z qo'l ostiga olishni va somoniylar xonadonidan bir kishini Buxoroga hokim qilib yuborishni so'raydilar. Nasr bu taklifni mammuniyat bilan qabul qilib, ukasi *Ismoil* (874) Buxoroga noib qilib yuboradi.

Shundan so'ng Nasr ibn Ahmad o'zini butun Movarounnahr boshlig'i deb bilgan (875) va kumush dirhamlar zarb qildirgan (ilgari dirham tangalar zarb qilishga faqat tohiriyarlarning huquqi bor edi). Ismoil bo'lsa, akasiga itoat etmay qo'ygan va ular o'rtasida 888-yil to'qnashuv bo'lib Nasr ibn Ahmad qo'shinlari butunlay tor-mor keltirilgan.

ISMOIL SOMONIY
Ismoil ibn Ahmad Somoniy
(849-yil, Farg'ona – 907-yil, Buxoro)
(874-907)

O'zbek davlatchiligi tizimida hukmronlik qilgan *somoniylar* sulolasining yirik vakili. Unga "amiri-moziy" - "dunyodan o'tgan amir" degan laqabni berganlar. Abbosiy xalifa *Mu'tamid* (870-892) *Rofe ibn Lays* qo'zg'olonini bostirishda yordam bergen sulola asoschisi *Somonxudotning* o'g'illaridan *Nasr I ibn Ahmad* Movarounnahrga noibi (873-893), Ismoil Somoniyni esa Buxoroga hokim etib tayinlagan. Ammo aka-uka o'rtasida ixtilof paydo bo'lib, ular ikki bor o'zaro urush qilgan. Birinchisi sulh bilan yakunlangan, ikkinchisida Ismoil Somoniy g'olib kelganiga qaramay, akasining hokimiyatini tortib olmagan.

893-yil *Nasr I* vafot etgach, xalifa *Mu'tazid* (892-902) Ismoil Somoniyni uning o'rniiga Movarounnahrga noib qilib tayinlagan. U shu yiliyoq Taroz shahrini egallagan, 899-yil xalifaning Xurosondagi noibi *Amr ibn Lays* qo'shinini tor-mor keltirib, uning tasarrufidagi yerlarni bo'ysundirgan. 902-yil esa u Tabariston, Ray, Qazvin va Daylamni zabit etib, o'zini xalifalikdan mustaqil hukmdor deb e'lon qilgan. U 907-yil vafot etgach, o'rniiga o'g'li *Ahmad ibn Ismoil* hokimiyat tepasiga kelgan.

Ismoil butun Movarounnahri o'z qo'l ostida kuchli bir davlat qilib birlashtirdi. Xurosonda tashkil topgan Safforiylar davlatiga barham berdi va uni o'z davlatiga qo'shib oldi. Natijada poytaxti Buxoro shahri bo'lgan zamonasining eng yirik mustaqil o'rta asr davlati tashkil topdi. Bu davlatni somoniylar xonadonidan bo'lgan hukmdorlar – amirlar X asr oxirlarigacha idora qiladilar.

Ismoil Somoni, tarixiy ma'lumotlarga ko'ra, oqil, odil va ulamolarga homiy hukmdorlardan bo'lib, markaziy hokimiyatni mustahkamlash, kuchli qo'shin tuzish, itoatsiz amirlarni bo'ysundirish yo'lida qattiq kurashgan. U mamlakat obodonchiligiga ham katta e'tibor berib, ko'plab me'moriy inshootlar qurdirgan. *Narshaxiy* bergen ma'lumotga ko'ra, Ismoil Somoniyning hukmdorlik muddati 30 yil bo'lib, shundan 20 yili Xuroson amiri ham edi. Uning davrida Somoniylar sulolasidan chiqqan hamma amirlar Buxoroda turadigan bo'ldilar. Undan oldingi Xuroson amirlarining hech biri Buxoroda turgan emas.

AHMAD IBN ISMOIL AS-SOMONIY
(? - 914)
(907-914)

Movarounnahrda hukmronlik qilgan *somoniylar* amiri. *Amiri shahid*. Uning davrida bir qancha qo'zg'olonlar bo'lib o'tdi. Xususan amakisi *Is'hoq ibn Ahmad* Samarqandda, Ray va Seyiston hokimlari isyon ko'tardilar. Bu isyonlar shafqatsizlik bilan bostirildi. Ahmad uzoq vaqt hukmronlik qilmadi. Davlatni idora etishda arab tilini qayta tiklanishi ko'pgina mahalliy zodagon va Turk

g'ulomlarining noroziligini uyg'otdi. 914-yilda u Turk g'ulomlari tomonidan o'ldiridi. Taxtga Ahmadning 8 yoshli o'g'li **Nasr ibn Ahmad** (914-943) o'tirdi. Saroyning ruxsati bilan davlat ishlarini vazir **Abdullo Jayhoniy** boshqargan.

NASR IBN AHMAD
Nasr II ibn Ismoil Somoniy, Amiri Sa'id (Saodatlik)
(taxminan 906-943)
(914-943)

Somoniyalar davlati hukmdori. Davlatni 8 yoshli Nasr ibn Ahmad nomidan vazir **Jayhoniy** boshqargan. Uning davrida Buxoroning Registon maydonida podsho qasri qarshisida devonlar uchun saroy qurilib, davlat mahkamasi mana shu maxsus binoga joylashgan edi. Uning hukmronligi davrida somoniylar davlati hududlarida karmatlar harakati ancha keskin tus oldi. Nasr ibn Ahmad *shia mazhabini* qabul qilganidan norozi bo'lgan sunniy ruhoniylar turk gvardiyasi yordamida Nasr ibn Ahmadga qarshi fitna uyushtirishgan. Bundan xabar topgan Nasr ibn Ahmad fitnani fosh etib, o'z o'g'li **Nuh** foydasiga taxtdan voz kechgan.

NUH IBN NASR
Amiri Hamid, Abu Muhammad
(?- Buxoro - 954)
(943-954)

Somoniyalar davlati amiri, amir **Nasr II ibn Ahmad**ning o'g'li. Otasi 30 yil hukmronlik qilgach, tiriklik paytida taxtni unga topshirgan (943-yil 10-aprel). Buxoro qozisi, fiqh ilmining bilimdoni **Abulfazi Marvaziy** (946-yil vafot etgan) uning vaziri bo'lgan. Nuh ibn Nasr mamlakatda keng yoyilgan qarmatiylar harakatini bartaraf etish choralarini ko'rgan. Movarounnahrdagi bu harakat rahbari **Muhammad ibn Ahmad Narshabiyni** Buxoroda dorga ostirdi. Biroq Somoniylar davlatining moliyaviy ahvoli og'irlashganligi uchun u soliq va turli turmushlarni ko'paytirishga majbur bo'lgan. Mamlakatda isyon va g'alayonlar kuchaygan. Narshaxiyning yozishicha, hatto uning amakisi **Abu Ishoq Ibrohim ibn Ahmad** Iroqdan kelib, Nishopur amiri **Abu Ali Sag'oniy** yordamida Buxoro taxtini egallab olgan (947). Oradan ko'p o'tmay Nuh ibn Nasr Samarqanddan qaytib, taxtni qaytarib olgach, markaziy hokimiyatga qarshi isyon ko'targan qarindosh-urug'lарini jazolagan, Marvdagi isylonlarni ham bostirgan. Ammo u **Abu Ali**ni avval Chag'oniyon, so'ngra Xurosonga hokim qilib (952) tayinlashga majbur bo'lgan. Somoniylar davlati inqirozini to'xtatishga harakat qilgan. **Narshaxiy** o'zining "Buxoro tarixi" asari (943-944)ni unga bag'ishlagan. Og'ir kasallikdan so'ng Buxoroda vafot etgan.

ABDUMALIK IBN NUH
Amiri Rashid
(944-961)
(954-961)

Somoniyalar amiri. Otasi **Nuh ibn Nasr** vafot etgach 10 yoshida taxtga o'tirgan. **Nuh ibn Nasr** davrida buvayhiylar bilan boshlangan urush Abdumalik ibn Nuh davrida (956) yarash bilan yakun topadi. Abdumalik ibn Nuh davrida davlatni idora qilishda lashkarboshilarning mavqeい baland bo'lgan. Masalan, hojiblik mansabiga tayinlangan **Alpteginning** obro'si oshib ketganidan xavfsirab, uni

mansabidan chetlamoqchi bo'lgan, biroq uddasidan chiqa olmagan. Abdumalik ibn Nuh chavgon o'ynab, otdan yiqilib halok bo'lgan.

MANSUR IBN NUH I
Abu Solih, Amiri Sadid
(?-976)
(961-976)

Somoniylar davlatini boshqargan hukmdor. *As-Sadid* ("dond", "tadbirkor") laqabi bilan mashhur bo'lgan. Davlatni mustahkamlash maqsadida bir qator tadbirdarni oshirgan. Bu ishda unga vazirlari *Bal'amiy* va *Utbiylar* yordam bergan. Buvayhiylar, Ziyoriyalar bilan kurash olib borgan. Buvayhiylar ustidan qozongan g'alabasi uning shuhratini oshirgan. Uning topshirig'iga ko'ra, *Bal'amiy* Tabariyining "*Tarix ul-anbiy va-l-r-rusul va-l-mulk va-lxulaf'a*" ("Payg'ambarlar, podshohlar va xalifalar tarixi") nomli asarini arab tilidan fors tiliga tarjima qilgan va boyitgan.

NUH IBN MANSUR
Amiri Rashid
(963 - Buxoro - 997)
(976-997)

Somoniylar davlatining amiri, amir *Mansur ibn Nuh*ning o'g'li. Otasining vafotidan so'ng taxtga o'tirdi (976-yil 26-sentabr). Siyosiy va harbiy sohada islohotlar o'tkazgan. *Muhammad ibn Abdulloh ibn Aziz* vazir, *Abulhasan Simjuriy* sipohsolor (bosh qo'mondon) bo'ldi. Siyosiy jarayonlarda turk lashkarboshilarining mavqeい kuchaygan. Nuh ibn Mansurning lashkarboshisi *Foyiq* Raboti Malik yaqinida bo'lgan jangda ataylab yengilgan va qoraxoniyalar hukmdori *Bug'roxon* (Horun ibn Muso) Buxoroni urushsiz ishg'ol qilgan (992). Biroq, *Bug'roxon* kasallik tufayli Qashqarga qaytib ketayotganda yo'lida vafot etgan (992). Nuh ibn Mansur Amul (Chorjo'y)dan qaytib, Buxoroni qayta egallagan. Bu paytda Somoniylar davlatiga qarashli Xuroson *Abu Ali Simjuriy* (Abulhasan Simjuriyning o'g'li) va *Foyiq*, G'azna va Hirot viloyatlari *Sabuktegin* qo'lida bo'lgan. Nuh ibn Mansur bilan *Sabuktegin* o'rtaida Kesh va Naxshabda o'zaro uchrashuv bo'lib, unda *Sabuktegin* somoniylarni qo'llab-quvvatlashga va'da bergen. *Gardiziying* yozishicha, Sabuktegining 20 ming kishilik qo'shini *Abu Ali Simjuriy* (997-yil vafot etgan) va *Foyiq* askarlariga O'trot atrofida kuchli zarbalar bergen. Nuh ibn Mansur Buxoroga qaytgan. Biroq uning Somoniylar davlatini tanazzuldan saqlab qolish yo'lidagi harakatlari o'z natijasini bermadi. Qoraxoniyarning Buxoroga 996-yil qilgan hujumlari oqibatida *Sabuktegin* bilan *Bug'roxon*ning vorisi *Nasr Illoqxon* o'rtaida Nuh ibn Mansurning ishtirokisiz muzokaralar o'tkazilib, somoniylarga Movarounnahrning faqat markazi qoldiriladi. Nuh ibn Mansur saroyida shoir *Daqiqiy* ijod qilgan. Mashhur tabib *Abu Ali ibn Sino* 16 yoshida Nuh ibn Mansurni davolab, o'sha davrda Sharqdagi eng boy kutubxona sanalgan Somoniylar davlatining kutubxonasida mutolaa qilish imkoniyatiga ega bo'lgan.

MANSUR II IBN NUH
Abu Horis
(?-999)
(997-999)

Somoniylar amiri. Uning davrida mamlakatda parokandalik, ichki nizolar (Mansur bilan

lashkarboshilar o'rtasida) tashqi xafv (qoraxoniyarning hujumlari) kuchaygan. Ayniqsa, qoraxoniyalar tomoniga o'tgan xoin lashkarboshilardan *Foyiq* saroya nisbatan uyuştirgan fitnalarda faol qatnashadi. 999-yilning fevralida *Foyiq* turk g'ulomlariga suyangan holda Mansurni taxtdan ag'darib, ko'zini ko'r qiladi. Taxtga Mansurning ukasi *Abdumalik ibn Nuhi* o'tkazishdi. Bu kuchsizlanib qolgan somoniylar sulolasiga payt poylab berilgan kuchli zarba edi. *Mahmud G'aznaviy* 999-yilning may oyida Mansur uchun o'ch olish shiori ostida Movarounnahrga qarshi qo'shin tortdi. U somoniylar qo'shinini tor-mor qilib katta o'ljalar bilan G'aznaga qaytdi. Jang oqibatida Xuroson *Mahmud G'aznaviy* qo'liga o'tadi. Yuzaga kelgan bu vaziyatdan qoraxoniyalar hukmdori *Elik Nasr* ham foydalanishga harakat qilgan. Shu yili Movarounnahr qoraxoniyalar tomonidan egallangan.

ABU IBROHIM IBN NUH

Amiri Muntasir

(? - 1005)

(1000-1005)

Somoniylar sulolasiga mansub bo'lgan somoniylar amiri. Sulolaning oxirgi hukmdori *Abdulmalik ibn Nuhi* (999-1000)ning birodari. Qoraxoniyalarga qarshi muvaffaqiyatsiz kurash olib boradi. Somoniylarning so'nggi vakili bo'lgan Muntasir somoniylarning avvalgi shon-shuhratini tiklay olmaydi. Muntasir *Sulton Mahmud*ning noibi *Mahruyning* buyrug'i bilan o'ldiriladi. *Al-Utbining* yozishicha, bu voqeа 1005-yilning boshlarida ro'y beradi va u Maymurg' qishlog'ida ko'miladi.

**- QORAXONIYLAR DAVLATI HUKMDORLARI -
(999-1212)**

NASR IBN ALI

Nasr Eloqxon

(?-1012, O'zgan)

(999-1012)

Movarounnahr ilik xoni. *Qoraxoniylardan*. Hokimiyat tepasida rasman hukmdor akasi **Ahmad ibn Ali Arslonxon** edi. 996-yilda qoraxoniylarning Movarounnahrga hujum qilganida boshchilik qilgan. Buxoroni egallah bilan Movarounnahrning bosib olinishini nihoyasiga yetkazgan (999-yil oktabr). Somoniylar amiri **Abdumalik ibn Nuh** va uning qarindosh-urug'larini asir qilib, O'zgandagi zindonga tashlangan. Shu tariqa qudratli bo'lgan somoniylar sulolasi qulagan. 1000-1005-yillarda ilik **Nuh ibn Ali** somoniylar hokimiyatini tiklashga harakat qilgan **Muntasirga** qarshi kurashgan va g'alaba qilgan. 1000-yil **Mahmud G'aznaviy** Nuh ibn Ali bilan o'z yerlari o'rtasidagi chegaralarni belgilash to'g'risida bitim tuzgan, unga ko'ra, Amudaryo asosiy chegara qilib belgilangan. Natijada somoniylar davlati o'rnda ikkita yangi davlat tashkil topgan: birinchisi – Qashqardan Amudaryogacha cho'zilgan, Sharqiy Turkistonning bir qismini, Yettisuv, Shosh, Farg'ona va qadimgi Sug'd hududini o'z ichiga olgan *qoraxoniylar*, ikkinchisi – Shimoliy Hindiston chegarasidan tortib Kaspiy dengizining janubiy qirg'oqlarigacha cho'zilgan, hozirgi Afg'oniston va Shimoli-Sharqiy Eron viloyatlarini o'z ichiga olgan *G'aznaviyalar davlati*. Biroq Nasr ibn Ali Xurosonni bosib olish niyatidan butunlay voz kechmagan edi.

1006-yil va 1008-yillarda qoraxoniylar Xurosonga ikki marta yurish qilganlar. 1006-yildagi yurish chog'ida **Mahmud G'aznaviy** Hindistonda edi. Qoraxoniy qo'shinlari Balx, Tus va Nishopurni bosib olganlar. Biroq **Mahmud** Hindistondan qaytib kelib, ularni quvib yuborgan. 1008-yildagi Balx yaqinidagi jangda Mahmud qo'shinida 500 ta fil bor edi. Nasr ibn Ali qo'shini tor-mor etilib, qoraxoniylarning Amudaryoning janubidagi hududlarini egallah yo'lidagi harakatlari shu tarzda to'xtatilgan.

Nasr ibn Ali nihoyatda jasur va dovyurak, imon, e'tiqodli shaxs bo'lib, u haqda ko'plab rivoyatlar to'qilgan. *Jamol Qarshiyining* yozishicha, Nasr ibn Ali buyuk nomdor xoqon, juda ko'p fazilatlar sohibi bo'lgan va hijriy 402-yil (1011-1012)da O'zganda vafot etib, o'sha yerda dafn etilgan.

ALITEGIN IBN HUSAYN

(?-1035)

(1025-1034)

Movarounnahr ilikxoni. *Qoraxoniylardan*. Movarounnahrni samoniylardan tortib olishda ishtirok etgan (999-1012). *Nasr ibn Ali* vafoti (1013)dan so'ng taxt uchun kurash chog'ida arslonxonlardan *Muhammad ibn Ali* tomonidan asir olingan. Taxminan 1025-yilda asirlikdan qochib Buxoroni egallagan va saljuqiylardan *Arslon ibn Saljuq* bilan ittifoq tuzgan. Aliteginga qarshi ilikxon **Mansur ibn Ali** qo'shin tortib kelgan, biroq mag'lubiyatga uchragan. Shundan so'ng Alitegin Mavorounnahrni markaziy qismi (Samarqand, Buxoro, Qashqadaryo vodiysi) ilikxon bo'lgan. Aliteginga qarshi Mahmud G'aznaviy va qoraxoniylarning Sharqiy Turkistonagi xoqoni Qodirxon Yusuf harbiy ittifoq tuzib (1025) Samarqand yaqinida Alitegin qo'shini bilan to'qnashgan. Alitegin Samarqand va Buxoroni tashlab cho'lga chekingan, xotini va qizi raqiblari qo'liga asir tushgan. Biroq Mahmud G'aznaviyining asli maqsadi Aliteginni zaiflashtirish bo'lgani sababdan biroz vaqtidan so'ng Movarounnahrni tashlab chiqqan. Alitegin yana o'z mulkini qaytarib olgan.

1032-yil xorazmshoh Oltuntosh sulton Mas'ud G'aznaviyining topshirig'iga ko'ra, Alitegin yerlariga

hujum qilib Buxoroni egallagan, biroq Dabusiya yaqinidagi jangda yarodor bo'lib, vafot etgan. Xorazm qo'shini sulu tuzib yurtiga qaytib ketgan.

IBROHIM IBN NASR
Bo'rtegin, Tamg'achxon Ibrohim
(?-taxminan 1070)
(1040-1070)

Movarounnahrdagi G'arbiy qoraxoniylar xoqonligi asoschisi. *Qoraxoniylardan*. Otasi **Nasr ibn Ali**. Iloq hokimi (1017-1021). U yerda **Bo'rtegin**, amir va malik unvonlari bilan tangalar zarb ettirgan. Qoraxoniylar beklaridan **Alitegin** turkmanlar yordamida Movarounnahrn bosib olgan paytda (1025) Ibrohim ibn Nasr uning farzandlari qo'liga asir tushgan. 1037 yilda asirlikdan qochib Xo'jandni egallagan. Biroq, akasi, Farg'ona hukmdori **Muhammad** bilan chiqisha olmay, janubga yo'l oldi va 1038-yilda Amudaryo bo'yli viloyatlari Xuttalon, Vaxsh va Chag'oniyonni bosib oldi. U yerda kuch to'plab Movarounnahrn markaziy hududlariga bostirib kirgan va Kesh, Samarqandni egallagan(1040). Ko'p vaqt o'tmay u Movarounnahrn va Farg'onani o'ziga bo'ysundirib, mustaqil siyosat yurita boshlaydi. Natijada qoraxoniylar ikki mustaqil davlatga ajralib ketadi: Biri poytaxti *Bolosog'un*da bo'lgan **Sharqiy qoraxoniylar**, ikkinchisi markazi *Samarqandda* bo'lgan Movarounnahrdagi *Qoraxoniylar davlati* edi.

Ibrohim ibn Nasr o'zini **Tamg'achxon** deb e'lon qilgan va mustaqil davlat birlashmasi - *G'arbiy qoraxoniylar xoqonligiga* asos solgan. Bu g'alabalardan so'ng Ibrohim Tamg'ach "bug'roxon" unvoniga sazovor bo'ladi. Ibrohim ibn Nasr 1041-1042 yillarda Buxorni egallagan. 1043-yilda Chag'oniyonni g'aznaviylar, so'ngra bir oz vaqtadan keyin saljuqiylar bosib olgan. Ibrohim ibn Nasr saljuqiylar bilan Termiz va Balxga egalik qilish uchun kurashgan. XI asr o'rtalarida Sharqiy xoqonlikni qamrab olgan o'zaro janjallar, nizolardan foydalaniib Ibrohim ibn Nasr Farg'ona, Shoh, Isfijob, Taroz va hatto Qoraxoniylarning Chu vohasida joylashgan asosiy poytaxti Bolasog'unni ham egallab olgan. Biroq, shunga qaramasdan u Samarqandni o'z poytaxtligicha qoldirgan. Umrining oxirida falaj bo'lib qolgan Ibrohim hokimiyatni og'li **Shamsumulkka** topshirgan.

Tamg'achxon Ibrohim o'qimishli, aqli va tadbirkor xoqon bo'lgan. O'z siyosatida ulamolarga tayanib ish yuritgan. U Samarqandda tartib-osoyishtalik o'rnatish va uning xavfsizligini ta'minlash tog'risida alohida g'amxo'rlik qilgan, og'rilik va talonchilik uchun qattiq jazolagan. Qurilish ishlariga katta e'tibor bergen. Masalan, 1066-yilda uning buyrug'i bilan **Qusam ibn Abbas** maqbarasiga yaqin joyda *madrasa* qurilgan, shuningdek, Samarqandda qasr ham qurdirganligi ma'lum.

ARSLONXON MUHAMMAD IBN SULAYMON
(?-1130)
(1102-1130)

Qoraxoniylardan bo'lgan Movarounnahr hukmdori. To'liq ismi *Muhammad ibn Sulaymon Dovud Kuchtegin ibn Tamg'achxon Ibrohim*. Barqiyoruq vassali **Sulaymontegim**ning o'g'li. 1102-yil Samarqand taxtiga Arslonxon unvoni bilan o'tqazilgan. 12 ming mamlukdan iborat qo'shin tuzib Dashti Qipchoqqa bir necha bor harbiy yurishlar qilgan. Umrining oxirida falaj bo'lib qolgani tufayli taxtni o'g'llari - dastlab **Nasr**, so'ng **Ahmad** bilan boshqargan.

Samarqand saljuqiylar tomonidan egallangach (1130-yil 13-mart), Arslonxon Balxga jo'natilgan va o'sha yerda ko'p o'tmay vafot etgan. U Marvdagi o'zi qurdirgan madrasaga dafn etilgan. Arslonxon davrida madaniy hayot birmuncha rivojlangan. Buxoro va uning viloyatida ko'plab binolar qurilgan. Masalan, *Jarqo'rg'on minorasi* va *Masjidi kalon* yonidagi minora hozirgacha saqlangan.

**- XORAZMSHOHLAR DAVLATI -
Anushteginiyalar sulolasasi
(1097-1231)**

QUTBIDDIN MUHAMMAD

(? - 1127)
(1097-1127)

Anushteginiyalar sulolasidan bo'lgan Xorazm hukmdori. *Anushteginning* o'g'li. Yoshligida Marvda yaxshi ta'lif olgan, ilmi adab va din ilmlarini o'rgangan. Otasi vafotidan keyin saljuqiylarning Xurosondagi isyonkor noibi amir **Dodbek Habashiy** tomonidan Xorazm noibi etib tayinlangan va xorazmshoh unvonini olgan (1097). Anushteginiyalar - xorazmshohlar sulolasining tarixi aslida Qutbiddin Muhammaddan boshlanadi.

1100-yil saljuqiylar sultoni **Barqiyoruq** va ukasi **Sanjar Dodbek Habashiy** isyonini bostirgan. *Sanjar* Xurosonni qo'lga kiritgach, Qutbiddin Muhammadni Xorazm hokimligi mansabida qoldirib tasdiqlagan. Qutbiddin Muhammad sulton Sanjarga sadoqat bilan xizmat qilgan, har yili ikki marotaba shaxsan sulton saroyiga borib turgan, Sanjar olib borgan janglarda o'z qo'shini bilan qatnashib, xiroj, o'lponlarni o'z vaqtida to'lab turgan.

Qutbiddin Muhammad olimu fuzalolarga homiylik qilgan adolatli hukmdor bo'lgan. **Jurjoniyning** tabobatiga oid "Zahirayi xorazmshohiy" asari Qutbiddin Muhammadga bag'ishlangan.

OTSIZ

Otsiz ibn Qutbiddin Muhammad ibn Anushtegin
(1097-1156)
(1128-1256)

Anushteginiyalar sulolasidan bo'lgan Xorazm hukmdori. Otasi vafotidan so'ng taxtga o'tirgan, *saljuqiylar* sultoni **Sanjam**ning vassali bo'lgan. Lekin u Xorazmni mustaqil davlatga aylantirishga intilgan. Otsiz *Sanjam*ning ruxsatsiz avvalo Jand va Mang'ishloqni egallab va Turkistonning ichkari tumanlariga yurish qilish bilan o'z hokimiyatini mustahkamlab olgan. Shundan so'ng u o'zini mustaqil deb e'lon qilgan, Biroq 1138-yil Hazorasp yaqinida Sanjar qo'shini tomonidan mag'lubiyatga uchrab, mamlakatdan quvg'in qilingan. Sanjar o'zining jiyani **Sulaymon bin Muhammad**ni xorazmshoh etib tayinlangan, lekin kelasi yili Otsizni Xorazm aholisi chaqirib olgan, shahzoda esa quvib yuborilgan. 1141-yil mayda Otsiz Sanjarga tobelik izhor etib, umrbod unga sadoqat bilan xizmat qilishga qasam ichgan, lekin bir necha oydan so'ng Sanjar qoraxitoylardan yengilgach (1141-yil 9-sentabr), qasamini buzgan. Otsiz o'sha yili kuzida kuchli qo'shin bilan Xurosonga yurib Marvni egallab olgan; kelasi yil bahorida Nishopurni tobe etgan, biroq Sanjar tomonidan darhol quvib yuborilgan.

1143-44-yillarda Sanjar yana Xorazmga yurish qilgan, Otsiz kuchi ozligi tufayli unga tobelik izhor qilgan. Shundan so'ng bir oz vaqt o'tgach, Otsiz 3-marta isyon ko'targan va Sanjarning elchisini (shoir **Adib Sobir**) Amudaryoga tashlab yuborishni amr qilgan.

1147-yil noyabrda Sanjar 3-marta Xorazmga yurish uyuشتirgan, 2 oylik qamaldan so'ng Hazorasp shahrini olgan va Gurganjga yaqinlashgan, 1148-yil iyunda sulton bilan shaxsan uchrashuv chog'ida garchand o'zini takabburona, gerdaygan holda tutgan bo'lsa-da, Otsiz sultonga tobelik bildirgach, o'z lavozimida qoldirilgan. 1153-yil Sanjar o'g'uzlar qo'lliga asir tushib qolgan. Otsiz bu safar sultonning sodiq xizmatkori va himoyachisi sifatida yana Xurosonga yurish qilishga shaylangan va o'ziga **Amul shahrini** berishni talab qilgan, biroq rad javobini olgan. 1156-yil u Nisoga kelib asirlikdan qochgan Sanjarga o'z sadoqatini bildirgan, lekin shu yilning 30-iyulida Habushon (hozirgi Kuchan)da 59

yoshida vafot etgan.

Otsiz Kaspiy dengizi sohillaridan to Sirdaryoning o'rta oqimiga qadar bo'lган yerlarda, keyinchalik buyuk davlat sifatida shuhrat topgan Xorazmshohlar davlatining poydevorini barpo etgan edi.

ELARSLON
(?-1172-yil 17-mart)
(1156-1172)

Anushteginiyalar sulolasidan bo'lган Xorazmshohlar davlati hukmdori. **Otsiz** xorazmshohning o'g'li. Elarslon avval, saljuqiylar sultoni **Sanjarga** itoat etishini bildirib, noma va sovg'a-salomlar yuborgan. Sultan Sanjar Elarslonni xorazmshoh deb e'tirof qilgan. **Sulton Sanjar** vafotidan so'ng saljuqiylar taxti uchun kurash avj olgan. 1163-yil Elarslon saljuqiylar amirlari ichida eng kuchlisi **Muayyid Oy-Aboga** qarshi Nishopurga yurish qilgan, shaharni uzoq vaqt qamal qilib ololmagan, sulk tuzib Xorazmga qaytgan. Elarslon qo'shinlari Dehistonni egallagan. 1166-yil Elarslon yana Nishopurga qarshi otlangan. Bistom yaqinidagi jangda birlashgan saljuqlar va **Otabek Eldegiz** qo'shini bilan Elarslon qo'shini o'rtasida jang bo'lib o'tgan. Har ikki taraf biron natijaga erishmagan. Ammo xorazmshoh qo'shinlarning bir qismini Bayhaq va Sabzavor shaharlariga jo'natib, ularni egallagan (1167-yil may). Elarslon Nishopurni zabit etgan. 1167-yil Xorazm qo'shinlari Raydan o'tib, Sova shahriga yaqinlashgan, sulton **Arslonshoh** va **Otabek Eldegiz** o'g'li **Jahon Pahlavon** yetakchiligidagi saljuq qo'shinlari bilan jangga kirib, g'alaba qilgan. So'ngra Eron Ozarbayjoniga bostirib kirib, Abxor, Zanjon va Qazvinni egallagan. Elarslon, shuningdek, Movarounnahr voqealariga ham aralasha boshlagan.

Qoraxitoylar vassali Samarqand hokimi **Jaloliddin Ali Chag'rixon** 1158-yil qarluqlarni tor-mor keltirgan. Qarluqlar yetakchisi **Lochinbek** bir qism qo'shini bilan Xorazmga qochib borib, Elarslondon yordam so'ragan. 1158-yil iyulda Elarslon katta qo'shin bilan Samarqandga yurish qilgan. Zarafshon daryosining bo'ylaridagi janglarda xorazmshoh zafar quchgan. 1171-yil qoraxitoylar qo'shini Amudaryodan o'tib, Xorazm sarhadlariga kirib kelganda Elarslon to'g'onlarni ochib, poytaxt yaqinidagi yo'llarni suvga bostirishga farmon bergan. Qoraxitoylar xorazmshoh qo'shinlarini yengib, amir **Ayyorbekni** asir olib Samarqandga qaytganlar. Xorazmshoh poytaxti Gurganjga qaytgan va xastalikdan vafot etgan.

SULTONSHOH XORAZMSHOH
Sultonshoh Mahmud, Jaloliddin Mahmud Sultonshoh
(? – 1193-yil, 19-sentyabr)
(1172-1193)

Anushteginiyalar sulolasidan bo'lган Xorazmshohlar davlati shahzodasi. **Elarslon** va Turkon xotunning kenja o'g'li. Sultonshohning akasi **Takash** Jand viloyatida voliy bo'lib turgani uchun otasi o'limi oldidan Sultonshohni valiahd etib tayinlagan. Ammo, davlat va harbiy ishlarga uning onasi **Turkon xotun** bosh bo'lgan. Takash Sultonshohga bo'ysunishdan bosh tortgan, u *qoraxitoylar* yordamida Gurganjga qo'shin tortgan. Sultonshoh onasi bilan Nishopurga qochib borib, **Muayyid ad-davla Oy-Abo** huzuridan panoh topgan.

1172-yil 11-dekabrda Takash rasman Xorazm taxtiga o'tirgan, biroq Sultonshoh bilan Takash o'rtaidagi kurash yana 20 yil davom etgan. Sultonshoh Xurosondagi bir qancha viloyat, shaharlarni egallab, Marv shahrini o'ziga qarorgoh qilgan. U Takashga qarshi kurashda goh qoraxitoylardan, goh quriylardan ko'mak olib turgan.

TAKASH
Alouddin Muhammad Xorazmshoh
(taxm. 1152-1200-yil 3-iyul)
(1172-1200)

Xorazmshohlar davlatida hukmronlik qilgan *anushteginiyalar* sulolasini vakili. To'liq ismi Alouddin Takash ibn Elarslon ibn Otsiz ibn Anushtegin.

Takash otasi Elarslon vafoti arafasida Jand viloyati voliysi bo'lib turgan. Shuning uchun Elarslon kenja o'g'li **Sultonshohni** valiahdi qilib tayinlaydi va Sultonshoh taxtga o'tirgan (1172-yil). Takash Sultonshohni tan olmasligini aytgach, Sultonshoh unga qarshi onasi maslahati bilan qo'shin jo'natgan. Takash esa qoraxitoylar malikasi **Chen Tiyon** (1164-1177-yillar)ga har yili o'lpon to'lab turishi haqida va'da berib, o'gay ukasi Sultonshoh bilan kurashish uchun harbiy yordam so'ragan va undan olgan qo'shin bilan Gurganch (Ko'hna Urganch)ga yurish qilgan. Sultonshoh va onasi **Turkon xotun** Xurosonga qochgan. Gurganchni qo'lga kiritgach, Takash 1172-yil 11-dekabrda xalqning madadi bilan rasman Xorazm taxtiga o'tirgan. Lekin, ukasi bilan Xorazm taxti uchun yana 20 yil kurash olib borishga majbur bo'lган.

Sultonshoh vafotidan so'ng Xurosonning Toliqon - Marvirud - Hirot yo'nalishidagi yerlar Takashga o'tgan. U o'g'li **Nosiruddin Malikshohni** Marvga, boshqa o'g'li **Qutbiddin Muhammad II** ni Nishopurga voliy qilib tayinlagan. Shundan so'ng Takash Sharqiy Eronga o'z ta'sirini o'tkazish bilan birga, G'arbiy Eron ishlariga ham aralasha boshlagan. Takash Sultonshohga qarshi kurashayotgan vaqtida (1172-1193-yillar) *g'uriylar, saljuqiylar* va *abbosiylar*, hatto ba'zan *qoraxitoylar* bilan ham yaxshi munosabatlarni saqlab ular bilan do'stona maktublar yozishib turgan (bu maktublar mazmuni saqlanib qolgan).

1192-93-yillarda saljuqiylar sultoni **To'g'rul III** Takash bilan yaxshi munosabatni saqlash uchun uning o'g'li **Yunusxonga** o'z qizini bergen va sulh shartnomasini tuzgan, bunga ko'ra Ray xorazmshoh mulki deb tan olingen. Lekin, To'g'rul III shartnomani buzgan. To'g'rul III ga xalifa **an-Nosir** ham qarshi bo'lib, u Takashga maktub yozib To'g'rul III ga qarshi kurashda yordam so'ragan. Takash 1194-yil 4-martdagи jangda To'g'rul III qo'shinlarini mag'lubiyatga uchratib, unga qaram yerlarni o'z tasarrufiga qo'shib olgan, lekin, xalifaga o'ljadan hech narsa tegmagan. Bu ular o'rtasidagi munosabatlarning buzilishiga olib kelgan. To'g'rul III vafot etgach, Eron va Iroqi Ajam yerlari Xorazmga o'tadi, saljuqiylar sulolasini barham topadi.

Takash o'sha yildan e'tiboran "**sulton**" unvonini qo'llay boshlaydi. U 1195-yilda Kirmonni o'ziga bo'ysundirgan. Umrining oxirgi yillarda *ismoiliylar* bilan muvaffaqiyatli kurash olib borgan. 1200-yil xalifa bilan munosabati yana yomonlashgan Takash Bag'dodga yurish qilgan, lekin yarim yo'lda Nishopur va Xorazm oralig'idagi Shahriston shahrida vafot etgan. Takashning jasadi Gurganchga keltirilib o'zi qurdirgan katta madrasa qoshidagi maqbaraga dafn qilingan.

O'rta asr mualliflarining yozishicha, Takash adolatparvar, iqtidorli, buyuk diplomat va lashkarboshi bo'lган. Takash musiqani sevgan, udni juda yaxshi chalgan, hozirjavob bo'lishi bilan birga siyosiy ahvolni to'g'ri baholab, harbiy kuchdan to'g'ri foydalana olgan. Takash qipchoq xoni **Jonkishin**ning qizi Turkon xotunga uylangan. Uning bilan birga kelgan qipchoqlar keyinchalik mamlakat tanazzuliga sabab bo'lган. Takash davrida Xorazmshohlar davlati kuchaygan. U o'g'li **Qutbiddin Muhammadga** markazlashgan mustahkam davlat va tashkiliy jihatdan qudratli qo'shinni meros qoldirgan.

MUHAMMAD XORAZMSHOH
Muhammad II Alouddin, Alouddin Muhammad
(taxm. 1182-1220-yil dekabr)
(1200-1220)

Anushteginiyalar sulolasidan bo'lgan Xorazmshohlar davlati hukmdori. To'liq ismi **Qutbiddin**

Muhammad ibn Takash ibn Elarslon ibn Anushtegin. Otasi – **Takash** xorazmshoh, onasi **Turkon xotun** qipchoq xoni *Jonkishin*ning qizi. Muhammad 1193-yil dekabrda otasi tomonidan Nishopur shahriga voliy (hokim) qilib tayinlangan.

Muhammad davrida sultanat ham hududiy, ham kuch-qudrat jihatidan o'zining yuksak cho'qqisiga yetgan. Muhammad davrida Xorazmshohlar davlati shimolda Orol, g'arbda Kaspiy dengizigacha, janubda Iroq va G'aznagacha, sharqda Yettisuvgacha kengaygan. U mamlakatni kengaytirish siyosatini olib boradi. Dastavval u Hirot va uning atroflari hamda Xurosonning Xorazm davlati tasarrufiga kiritilmagan viloyatlarini zabit qilishga kirishadi. Ayniqsa, u qoraxoniylarga zarba berib, Mavarounnahrni ular qo'lidan tortib olishga harakat qiladi.

1218-yil **Chingizzon** Muhammad huzuriga shaxsiy vakili **Uhuna** boshliq 500 tuyadan ortiq elchi va savdogarlar karvoni O'trorga kirib keldi. O'tror hokimi **Inolchiq** karvonni ushlab, elchilarni qatl ettirgan. Muhammadning davlatini yaxshi o'rgangan Chingizzon Xorazmga qaram xalqlarning noroziligidan, lashkarboshilar orasidagi nizolardan, Muhammadning onasi Turkon xotun qarindoshlari orasidan chiqqan amaldorlardan foydalanishi hamda Muhammadning mo'g'ullar hujumi xabarini amalga oshirgan noto'g'ri tadbirleri (har bir shahar o'z-o'zini himoya qilishi; raiyatdan 1 yil uchun 3 barobar xiroj yig'ishi) sababli muvaffaqiyatga erishdi.

Chingizzon Xorazmga yurish qilib O'tror (1219), Buxoro va Samarqand (1220)ni bosib oldi. Muhammad Mavarounnahrni tashlab Xuroson tarafga qochdi. Chingizxonning 20 minglik qo'shinining tinimsiz ta`qib qilishi Muhammadga o'z kuchlarini qayta to'plab, nafasini rostlashga imkon bermadi.

Kaspiy dengizingin Ashur oroliga borib qolgan Muhammad qattiq betob bo'lib qoldi va umrining oxirida oldingi qarorini o'zgartirib, o'g'li **Qutbiddin O'zloqshoh**ning o'rniiga **Jaloliddin Manguberdi**ni valiahd deb e`lon qildi. O'sha orolda vafot etdi va shu yerda dafn etildi. Keyinchalik Jaloliddinning farmoyishiga ko'ra, Muhammadning jasadi Isfaxondagi xorazmshohlarning xotirasiga qurilgan maqbaraga ko'mish uchun Ardahn qal`asiga keltirilgan.

JALOLIDDIN MANGUBERDI
Jaloliddin ibn Alovuddin Muhammad
(1198-1231)
(1220-1231)

Xorazmshohlar davlatining so'nggi hukmdori, mohir sarkarda. *Anushteginiylardan*. Xorazmshohlardan **Muhammad**ning katta o'g'li. Onasi – **Oychechak** turkman kanizaklaridan bo'lgan. Jaloliddin burnida holi (mank) bo'lgani uchun **Mankburni** nomi bilan atalgan. Keyinchalik bu nom talaffuzda o'zgarib "**Manguberdi**" nomi bilan mashhur bo'lib ketgan. Jaloliddin voyaga yetgach, otasi uni G'azna, Bomiyon, G'ur, Bust, Takinobod, Zamindovar va Hindiston hududlarigacha bo'lgan yerlarda hokim va taxt vorisi etib tayinlangan (1215). Biroq **Turkon xotun** va qipchoq amirlarining qat`iy noroziliqi sababli **Qutbiddin O'zloqshoh** foydasiga vorislikdan mahrum etilgan. Jaloliddin otasining harbiy yurishlarida ishtirok etib, o'zining jasur jangchi, iqtidorli sarkardalik qobiliyatlarini namoyish etgan (qadimgi Irg'is daryosi bo'yidagi jang).

Chingizzon boshchiligidagi mo'g'ul qo'shinlari Mavarounnahrga bostirib kirib birin-ketin shaharlarni egallab, Samarqandga yaqinlashganlarida xorazmshoh **Muhammad** Kaspiy dengizi bo'yida joylashgan Obeskun shahri yaqinidagi *Ashur ada orol*idan panoh topgan. Og'ir bemor bo'lgan Muhammad o'g'llarini yoniga chorlab, so'nggi damda Jaloliddinni o'z o'rniiga xorazmshoh etib tayinlangan. Jaloliddin Manguberdi ukalari **Oqshoh** va **Qutbiddin O'zloqshoh**lar bilan birga Urganch mudofaasiga oshiqadi. Lekin Urganchdagi qipchoq amirlari **Turkon xotun**ning akasi **Xumortegimi** sulton deb e`lon qilib, Jaloliddin Manguberdiga qarshi suiqasd uyushtirmoqchi bo'ldilar. Bundan xabar topgan Jaloliddin Manguberdi **Temur Malik** boshchiligidagi 300 kishilik suvoriyalar bilan o'z vatani – Xorazmni tashlab Xurosonga ketishga majbur bo'ladi. Niso shahri yaqinida uni 700 nafar mo'g'ul suvorysi kutardi. Jaloliddin Manguberdi shiddatli jangdan so'ng ularni tor-mor keltirib, Nishopurga

keldi. Bu yerdan u barcha viloyat hokimlariga qarshi birlashishga da`vat etdi, bir oydan so'ng G'azni tomon yurdi. Yo`lda unga Hirot voliysi, qaynotasi **Aminalmulk** 10 ming kishilik qo'shin bilan kelib qo'shildi. Qandahorni qamal qilib turgan mo'g'ul qo'shnlari bilan 3 kunlik jangda Jaloliddin Manguberdu ularni tor-mor keltirgan. U G'aznaga 1221-yil keldi. Bu yerda unga xalaj qabilasi boshlig'i **Sayfuddin Ig'roq**, Balx voliysi **A`zam malik**, afg'onlar sardori Muzaffar malik, qarluqlar boshlig'i **Hasan Qarluq** kelib qo'shildilar. Ularning har biri ixtiyorida 30 minglik qo'shin bor edi. Jaloliddin Manguberdining o'zidagi kuchlar esa 60 ming suvoriy edi. Jaloliddin Manguberdi **Valiyon qal`asini** qamal qilayotgan **Takajuk** va **Malg'ur** boshchiligidagi mo'g'ul qo'shiniga hujum qilib, 3 kunlik jangdan so'ng ular tor-mor keltirgan, 1000 dan ortiq mo'g'ul askari o`ldirilgan, omon qolgan qismi Panjshir daryosidan o'tib, ko'priki buzib tashlashgan. Bu Jaloliddin Manguberdining mo'g'ullar ustidan qozongan dastlabki yirik g'alabasi edi.

Chingizzon Jaloliddin Manguberdiga qarshi **Shiki Xutuxu** no'ytonni 45 minglik qo'shin bilan jo'natadi. G'azna yaqinidagi **Parvon jangida** Jaloliddin Manguberdi mo'g'ullar ustidan ajoyib g'alabani qo'lga kiritadi. Jangda harbiy taktika tarixida birinchi bo'lib, Jaloliddin dushman suvoriylariga qarshi ot yonida turib piyoda jang qilish uslubini qo'llaydi. Mo'g'ullarning Ushbu jangdagi mag'lubiyati to shu vaqtgacha jiddiy zARBAGA uchramagan Chingizxonning asosiy kuchini urushga solishi va harbiy harakat rahbarligini o'z qo'liga olishga majbur etadi. Biroq jangdan so'ng Jaloliddin Manguberdining lashkarboshilari o'lja ustida o'zaro janjallahib qolib, oqibatda **Sayfuddin Ig'roq**, **A`zam malik** va **Muzaffar maliklar** Jaloliddin Manguberdini tark etganlar. Jaloliddin Manguberdining yonida faqat **Aminalmulk** o'z lashkari bilan qolgan, xolos.

Chingizzon katta qo'shin to'plab Jaloliddin Manguberdiga qarshi shaxsan o'zi otlangan. **G'ardiz qal`asi yaqinida** Jaloliddin Manguberdi Chingizzon qo'shinining ilg'orini tor-mor keltiradi va kuchi ozligi sababli Sind (**Hind**) daryosi tomon chekinadi. Chingizzon qo'shini Jaloliddin Manguberdini daryodan o'tishiga imkon bermay qurshab oladi. 1221-yil 25-noyabrda bo'lgan tengsiz jangda (**Sind daryosi bo'yidagi jang**) mag'lubiyatga uchragan Jaloliddin Manguberdi 4000 jangchisi bilan Sindning o'ng sohiliga suzib o'tib, cho'l ichkarisiga kirib ketdi (Bu cho'l hozirda ham cho'li **Jaloliy** deb ataladi). Chingizzon Jaloliddin Manguberdining bu jasoratidan hayratda qolib, o'z o'g'illariga qarab: "*Ota o'g'il mana shunday bo'yishi lozim!*", degan. Endilikda Chingizzon O'ziga teng raqibga duch kelganini yaxshigina tushunib, Jaloliddinning katta kuch to'plashiga xalaqit berish uchun barcha choralarни ko'radi.

Oradan bir necha kun o'tgach, Jaloliddin Manguberdi qo'shini soni 7 mingga yetdi. Unga **Ko'bars bahodir**, **Kabkuh** va **Sa'diddin Ali ash-Sharabdar** kabi lashkarboshilar o'z kishilari bilan kelib qo'shildi. Jaloliddin Manguberdi Shimoliy Hindistonning notanish cho'lida och, juldur kiyimli jangchilari bilan sargardonlikda qoldi. Uning bu hoidan foydalanmoqchi bo'lgan Shatra viloyati rana (shoh) si Jaloliddin Manguberdiga hujum qilgan. Jaloliddin Manguberdining merganlik bilan otgan kamon o'qidan rana halok bo'ladi, qo'shini esa parokanda bo'lib qochadi. Jaloliddin Manguberdi katta o'ljani qo'lga kiritadi. Bu g'alabadan so'ng Sind, Uchcha, Mo'ltan, Lohur va Peshavor hokimi **Nosiriddin Qubacha** (1205-1227)ning Nandana va Sakundagi noibi **Qamariddin Karmoniy** Jaloliddin Manguberdiga o'zini xayrixohligini izhor etib, sovg'a-salomlar jo'natgan. **G'iyosiddin Pirshohdan** ajralib ketgan amirlardan **Sanjoqonhon**, **Elchi pahlavon**, **O'rxon**, **Soyircha**, **Tekjoruq Xonkishlar** o'z lashkarlari bilan kelib Jaloliddin Manguberdiga qo'shildilar. Jaloliddin Manguberdi Kalor shahri, Parosravar, Tarnuj qal`alarini qo'lga kiritdi. Mulklarining katta qismidan ajralgan Qubacha 10 ming otliq qo'shini hamda mamluklar sulolasidan bo'lgan Dehli sultonni **Shamsuddin Eltutmish**dan olgan qo'shimcha kuch bilan Jaloliddin Manguberdiga qarshi jang qilgan, biroq mag'lubiyatga uchragan, uning xazinasi, qurol-yarog'lari o'lja tushgan.

1222-yil Chingizzon Jaloliddin Manguberdi izidan **To'rbay To'qshin** va **Bola no'yomi** 20 minglik qo'shin bilan jo'natadi. Lekin ular Mo'ltonga qadar borib, shaharni ololmay, jazirama issiqqa dosh berolmay qaytishadi. Jaloliddin Manguberdi o'ziga qarshi mo'g'ul qo'shnlari jo'natilgani xabarini **Parosravar qal`asini** olgandan so'ng eshitgan. Jaloliddin Manguberdi Mo'ltan tomon yo'l olib Qubacha

mulklaridan Uchcha, Sadusan, Xatisor, Deval va Damrillarni qamal qiladi, qo'shini uchun tuyalar zarurligi tufayli Gujarat viloyati markazi Nahrvalga **Xosxon** boshchiligidagi qo'shin jo'natadi. Shamsuddin Eltutmish Jaloliddin Manguberdi ustiga katta qo'shin (30 ming otliq, 100 ming piyoda, 300 ta fil) tortadi. Jaloliddin Manguberdi mardonavorlik bilan raqibiga qarshi chiqadi. Jaloliddin Manguberdining **O'zbek Toy Jahon Pahlavon** qo'mondonligi ostidagi ilg'ori Eltutmish ilg'ori bilan to'qnashib raqibidan ustin keladi. Eltutmish Jaloliddin Manguberdi huzuriga elchisini yuborib sulk so'raydi. Jaloliddin Manguberdi Hindistonda o'z nomidan kumush va mis tangalar zarb qiladi, unga tobe hind mulklarida uning nomi xutbaga qo'shib o'qilgan. Biroq vaziyat borgan sari murakkablashib bormoqda edi. Eltutmish, **Qubacha**, shuningdek, Hindistonning boshqa viloyat hokimlari o'zaro til biriktirib Jaloliddin Manguberdiga qarshi ittifoq tuzmoqchi ekanliklari ayon bo'lib qoldi. Jaloliddin Manguberdining lashkarboshisi **Yazidak pahlavon** va **Sunqurjiq Toysi**lar xiyonat qilib Eltutmish tomoniga o'tganlar. Qiyin vaziyatdan qutulish uchun Jaloliddin Manguberdi harbiy kengash chaqirgan. Amirlarning ko'pchiligi Iroq tomon yurish qilib, uni **G'iyo'siddin Pirshoh**dan tortib olishni taklif qiladi. Iroqda siyosiy parokandalik hukm surardi. Iroq tomon ketishga qaror qilinadi. Jaloliddin Manguberdi o'zining Hindistonda zabit etgan mulklariga **O'zbek Toy Jahon Pahlavoni**, G'ur va G'azni viloyatlariga **Hasan Qarluq**ni noib sifatida qoldirib, Iroqqa yo'l olgan. Cho'lu biyobonlarni kesib o'tishda Jaloliddin Manguberdining ko'p jangchilari nobud bo'lgan, nihoyat u 4 ming jangchisi bilan Kirmonga yetib kelgan. **G'iyo'siddin Pirshoh**ning Kirmondag'i noibi **Baroq hojib** Jaloliddin Manguberdiga tobelik izhor qiladi. Shundan so'ng Jaloliddin Manguberdi Fors viloyati markazi Sherozga kelgan. Fors hokimi otabek **Sa`d ibn Zangiy** va Yazd hokimi otabek **Alouddavla ibn To'g'onshoh** unga tobelik bildirishadi. Jaloliddin Manguberdi Isfahonga kelganda aholi uni katta tantana bilan kutib oladi, qo'shini qurol-aslaha bilan ta'minlanadi. Bu hol G'iyo'siddin Pirshohga yoqmaydi, u akasiga qarshi 30 ming otliq qo'shin bilan yo'lga chiqadi. Biroq Jaloliddin Manguberdi unga sovg'a-salomlar bilan miroxur Odekni elchi sifatida jo'natgan va o'zaro nizoni tinchlik bilan hal etgan. Qo'shin boshliqlari Jaloliddin Manguberdi tomoniga o'tgan. 1225-yil Jaloliddin Manguberdi Ozarbayjonga yurish qiladi. So'ng Bag'dodga qarshi yurishga hozirlik ko'radi. Xalifa **Nosirgacha** elchi jo'natib, mo'g'ullarga qarshi birlashishga chaqiradi. Bunga javoban Xalifa Jaloliddin Manguberdiga qarshi o'zining mamluki amir **Jamoliddin Qushtemir** boshliq 20 minglik qo'shin jo'natdi. **Basra yaqinidagi jangda** Xalifa qo'shinnari tor-mor keltirildi. Xalifa Bag'dod mudofaasi bilan mashq'ul bo'ladi. Jaloliddin Manguberdi Bag'dod atrofida 12 kun turgach, Ozarbayjon tomon ketadi. Ozarbayjon va Arron otabegi **O'zbek** ichkilik, maishatga berilib davlat ishlarini o'z holiga tashlab qo'ygan edi, davlatni amalda uning xotini **Malika xotun** boshqarardi. 1225-yil mayda Jaloliddin Manguberdi Marog'a shahrini jangsiz qo'lga kiritadi. Damashq, Erbil hokimlari u bilan ittifoq tuzishga rozi bo'ladilar. **Otabek O'zbek** Tabrizni tashlab Ganjaga, so'ng Alinjo qal`asi qochib o'sha yerda vafot etadi. Jaloliddin Manguberdi **Malika xotunga** uylanadi. Tabrizda bir necha kun turgandan so'ng o'z qo'shinini Gruziya tomon boshlaysdi. 1225-yil avgustda Garni qal`asi yaqinida gurjilarning **Ivane Mxargdzeli** boshliq 60 minglik qo'shinini tor-mor keltiradi va Tiflisga qarab yuradi. Gruziya malikasi **Rusudana** Kutaisiga ko'chib o'tgan. Jaloliddin Manguberdi Dvin, Lori shaharlarini egallaydi, Surmari shahri hokimlari o'z tobeliklarini bildirishgan. 1227-yil sentabrda Isfahondan 30 chaqirim sharqdagi Sin qishlog'i yaqinida Jaloliddin Manguberdi mo'g'ullarning **Taynol no'yon** boshliq qo'shinini yenggan.

Taynol no'yon Jaloliddin Manguberdi haqida: "Zamonasining haqiqiy bahodiri ekan, o'z tengqurlarining sarvari ekan", degan. Jaloliddin Manguberdining Ko'niya sultonı **Alouddin Kayqubod**, Jazira hokimi **al-Malik al-Ashrof Muzaferiddin Muso**, Damashq hokimi **al-Malik al-Muazzam Sharafiddin** Is va Misr hokimi **al-Malik al-Komil Muhammad**ga nomalar yozib, ularni mo'g'ullarga qarshi kurashish yo'lida birlashtirish yo'lidagi xatti-harakatlari behuda ketdi. Ustiga ustak **Alouddin Qayqubod** muxolif kuchlarni Jaloliddin Manguberdiga qarshi birlashtirishga muvaffaq bo'ldi.

1230-yil 10-avgustda Arzinjon yaqinidagi jangda Jaloliddin Manguberdi kuchlari mag'lubiyatga

uchradi. Jaloliddin Manguberdining kuchsizlanganidan foydalangan mo'g'ullar katta qo'shin bilan Ozarbayjonga bostirib kirib Marog'a, Tabrizni egallab (1231) Jaloliddin Manguberdi ta`qib etishgan. Mayofariqin viloyatidagi qishloqlardan birida mo'g'ullar tungi hujum natijasida Jaloliddin Manguberdining oz sonli qo'shinini tor-mor keltirdilar, Jaloliddin Manguberdini o'zi esa ta`qibdan qutulib Qurdiston tog'lariiga chiqib ketgan. Bu yerda qaroqchi kurdalar qo'liga asir tushib, fojiali ravishda halok bo'lgan.

Jaloliddin Manguberdi haqida uning shaxsiy kotibi, tarixchi **Nasaviy** shunday yozadi: "Jaloliddin qorachadan kelgan, o'rta bo'yli, turk lafzli odam edi. Fors tilini ham yaxshi bilardi. Uning botirligiga kelganda shuni aytish kerakki, sulton arslonlar orasidagi eng kuchli sher edi. Bir so'zli, kek saqlamaydigan, ochiq ko'ngil, to'g'ri odam edi. U jiddiy shaxs edi. Hech qachon kulmasdi. Juda nari borsa jilmayib qo'yardi. Uadolatsizliklarni yomon ko'rardi. Jaloliddin o'ta qat'iyatli, nihoyatda irodali, murakkab vaziyatlarda, taqdirning qaltis sinovlarida o'zini yo'qotib qo'ymaydigan favqulodda mard va botir sarkarda edi. O'zbekiston hukumati Jaloliddin Manguberdining mo'g'ul bosqinchilariga qarshi kurashda ko'rsatgan mislsiz jasorati, vatanga va o'z xalqiga sadoqat va cheksiz muhabbatini qadrlash va uning porloq ruhini abadiylashtirish maqsadida "Jaloliddin Manguberdi tavalludining 800 yilligini nishonlash haqida" qaror qabul qildi (1998). Qarorga ko'ra, uning yurti Xorazmda Jaloliddin Manguberdiga haykal o'rnatildi, yirik ko'cha, maydon, jamaa korxonalari va boshqalarga uning nomi qo'yildi. Jaloliddin Manguberdining harbiy yurishlarida hamroh bo'lgan tarixchi **Nasaviy** Jaloliddin Manguberdiga bag'ishlab "Siyrat as-sulton Jaloliddin Manguberdl" ("Sulton Jaloliddin Manguberdining holati") nomli asar, Maqsud Shayhzoda esa "Jaloliddin" (1943-yil) dramasini yozgan. Jaloliddin Manguberdi haqida video film, doston, p`esa va boshqalar yaratilgan. 2000-yilning 30-avgustida "Jaloliddin Manguberdl" ordeni ta'sis etilgan.

- MOVAROUNNAHRDA AMIR TEMUR VA TEMURIYLAR DAVLATI -
(1370-1500)

AMIR TEMUR

Temur, Temurbek

[1336-yil 9-aprel Kesh (hozirgi Shahrisabz) shahri yaqinidagi Xoja ilg'or qishlog'i (hozirgi Yakkabog' tumani) - 1405-yil 18-fevral O'tror shahri, Samarqandda dafn etilgan]
(1370-1405)

To'liq ismi Amir Temur ko'ragoniy ibn Amir Tarag'ay ibn Amir Burqul bo'lган bu buyuk tarixiy shaxs o'rta asrning yirik davlat arbobi, buyuk sarkarda, kuchli va markazlashgan davlat asoschisi, ilm-fan va madaniyat homiysidir. Yozma manbalarda u *Temurlang*, Yevropa adabiyotida *Tamerlan* nomlari bilan ta`riflanadi. Amir Temurning onasi *Takinaxotun* buxorolik mashhur faqih *Toj ash-sharia* (shariat toji) taxallusi bilan mashhur bo'lган *Ubaydulla ibn Mas`ud*ning avlodni (1350-yil vafot etgan) edi. Uning otasi *Amir Tarag'ay* barlos urug'ining oqsoqolilaridan bo'lib, Chig'atoy ulusining e'tiborli beklaridan hisoblangan. Uning ajdodlari esa Chig'atoy saroyi mulozimlari qatoridan o'rinn tutgan. Ular Kesh va Nasaf viloyatida o'z mulklariga ega bo'lган va bu yurtda hokimlik qilgan. Shu boisdan Amir Temurning otasi *Amir Tarag'aybek* ham yilda bir marotaba Ili daryosi bo'yida xon tomonidan chaqiriladigan el-yurt bek va biylarining umum qurultoyiga taklif etilar va bunday yig'lnlarda qatnashardi. Amir Temurning yoshligi ona yurti Keshda kechdi. Yetti yoshga to'lgach, otasi uni o'qishga beradi. U yoshlik chog'laridanoq chavandozlik va ovga ishqiboz bo'lib, kamondan nishonga o'q uzish, ot choptirish turli mashq va harbiy o'yinlar bilan mashg'ul bo'lishni yoqtirar edi. Shu asnoda Amir Temur tulporlarni saralab ajrata oladigan mohir chavandoz va dovyurak bahodir sifatida voyaga yetadi. Uning atrofida bolalikdag'i do'stlari va maktabdoshlari to'planishib, birgalikda mashq qilar, musobaqalarda ishtirok etishar, asta-sekin navkar bo'lishib, harbiy guruhga birlashib shakllana borishadi. Bu guruh orasida *Abbos Bahodir, Jahan Shohbek, Kimori Inoq, Sulaymon Shohbek, Sayfuddinbek* va boshqalar bo'lган. Keyinchalik ular Amir Temurning safdoshlariga aylanib, uning qo'shinida lashkarboshilik darajasiga ko'tarilganlar. Amir Temur tabiatan og'ir, bosiq, teran fikrli va idrokli, samimiyatni tezda fahmlab oladigan inson bo'lган. Shu tufayli o'spirinlik chog'laridayoq tengqurlaridan sadoqatli do'stlarni atrofga jalb qila olgan. O'zining ilk harbiy faoliyatini Amir Temur qo'l ostidagi navkarlari bilan ayrim viloyat amirlariga xizmat qilishdan boshlagan. Ularning o'zaro kurashlarida mahorat va oliyhimmatlik Amir Temurning shuhratini oshirib, uning dong'i butun Qashqadaryo vodiysi, xususan Kesh viloyatiga yoyilgan.

Amir Temur aql-zakovati, shijoati va jasorati to'g'risidagi shuhrat uni Movarounnahrning nufuzli amirlaridan avval *Joku Barlos*, so'ngra *Amir Qazog'on* (1346-1358) bilan yaqinlashtirgan. Otasi Amir Temurni avval (1352) Amir *Joku Barlos*ning qizi *Turmish Og'o*ga uylantiradi. 1362-yilda Amir Temur Qazog'onning nabirasi, *Amir Husayn*ning singlisi *Uljoy Turkon Og'oni* o'z nikohiga oladi. Keyingi nikoh tufayli Balx amiri bilan bog'langan qarindoshlik aloqalari shubhasiz Amir Temur bilan Amir Husayn o'rtasidagi ittifoqni yuzaga keltirdi va Mo'g'ullarga qarshi jiddiy kurash boshlandi.

Amir Temurning Movarounnahrni birlashtirish yo'lidiagi dastlabki harakati XIV asrning 60-yillar boshlaridan boshlangan. XIV asrning 50-yillari oxirida Movarounnahrda amirlarning o'zaro kurashi kuchayib, *Amir Qazag'on* o'ldirildi. Oqibatda mamlakatda siyosiy parokandalik vujudga kelib ulus bir qancha mustaqil bekliklarga bo'linib ketadi. Yettisuv va Sharqiy Turkistonda hukmronlik qilayotgan mo'g'ul xonlari Movarounnahrdagi siyosiy vaziyatdan foydalanib, bu yerda o'z hokimiyatini o'rnatishga harakat qiladilar. Jeta xonlaridan *Tug'luq Temur* va uning vorisi *Ilyosxo'ja* 1360-1361, 1365-yillarda Movarounnahrga bir necha bor bostirib kiradilar. Biroq Movarounnahr aholisi mog'ullarga qarshi kurashga jur'at eta olmaydilar. Kesh viloyatining hukmdori *Hoji Barlos* Xurosonga qochadi. Mana shunday og'ir pallada Amir Temur maydonga kiradi. Kuchlar teng emasligini hisobga olgan Amir

Temur 1360-yilning boshida Tug'luq Temur tomonidan Keshga yuborilgan beklar bilan kelishadi. Sharoit taqozosi bilan xon xizmatiga o'tib, uning yorlig'i bilan o'z viloyatining dorug'asi etib tayin etiladi. Biroq, ko'p o'tmay Mavarounnahrning humdori etib tayinlangan **Ilyosxo'ja** bilan Amir Temur murosasi kelishmay qolishi natijasida 1361-yilning oxirida mamlakatni tark etib, Xorazmga yo'l oladi. U yerda amir **Husayn** bilan uchrashadi va mog'ullarga qarshi kurashda ikkovlon birlashib, kuch toplashga kirishadi. Dastlab ular, **Tug'luq Temurxoming** farmoniga binoan Amir Temurni ta'qib qilishga kirishgan Xiva dorug'asi **To'qol** (Tavakkal) bilan jang qildilar. So'ngra 1362-yilning kuzida Seistonda viloyat hukmdori **Malik Outbiddim**ning tarafida turib, mekroniyalar bilan bo'lgan to'qnashuvda, Amir Temur o'ng kifti va o'ng oyog'idan jarohatlandi. Nihoyat, **Ilyosxo'ja** boshliq Jeta lashkalari bilan bir necha marta jang qilib, mo'g'ullarni Mavarounnahr hududidan 1364-yil oxirida quvib chiqarishga muvaffaq bo'ladi. Biroq, **Ilyosxo'ja** 1365-yili bahorida Turkiston ustiga qo'shin tortadi. Toshkent va Chinoz o'rtasida sodir bo'lgan "*Loy jangi*"da amir **Husayn**ning hiyonati oqibatida Amir Temur qo'shnlari mag'lubiyatga uchraydi.

Samarqandni o'z qo'liga olgan mo'gullarga qarshi xalq ko'tarilib, shahar mudofasini o'z qo'liga olgan sarbadorlar mog'ullarni mamlakatdan butunlay haydab chiqardi. Bundan xabar topgan amir **Husayn** tomonidan sarbadorlar boshliqlari qatl ettiriladi. Natijada, 1366-yili amir **Husayn** Mavarounnahrda hokimiyatni o'z qo'liga oladi, ammo ko'p o'tmay amir **Husayn** va Amir Temur o'rtaсидаги муносабат кескинлашиб очиқдан-очиқ низоғ аяланади. Улар о'rtaсида 1366-70-йillardа bir necha bor to'qnashuвлар bo'lib o'tadi. Amir **Husayn**га qarshi Balxga yo'l olayotgan Amir Temur Termiz yaqiniga kelganda makkalik shariflardan **Sayyid Baraka** Amir Temur faoliyatini qo'llab quvvatlab, unga oliy hokimiyat ramzi katta nog'ora – *tabi* bilan *yalov* - bayroq tortiq qiladi. 1370-yili 10-aprelda Balx shahri Amir Temurga taslim bo'ladi. Amir Husayn qatl etiladi. Bu g'alabadan so'ng Amir Temur chingiziyardan bo'lgan **Qozonxoming** qizi **Saroymulkxonim**ni o'z nikohiga oladi va "ko'ragon" unvonini olishga tuyassar bo'ladi. Garchi sultanat taxtiga, an'anaga ko'ra dastlab nomigagina **Suyurg'at mish** (1370-1388), so'ngra uning vafotidan keyin **Sulton Mahmud** (1388-1402) o'tqazilgan bolsa-da, amalda markaziy hokimiyatni Amir Temurning o'zi boshqarar, viloyatlardagi hokimiyatni o'g'illari, nabiralari va yaqin amirlari orqali idora qilardi.

1372-yilda Amir Temur Xorazmga yurish qilib, uni egallaydi. Biroq tarixiy voqealarning taqozosi bilan Amir Temur Xorazmga besh marta harbiy yurish qildi. Xorazm 1388-yilda uzil-kesil Temur davlatiga qo'shildi. Amir Temur Mavarounnahr va Xorazmda tarqoqligiga va o'zaro nizolarga zarba berib, Sirdaryo vohasidan to Orol dengizigacha bo'lgan yerlarda yashovchi xalqlarni yagona davlat tasarrufida birlashtiradi. Amir Temur davlatiga Mog'uliston davlatining doimiy hujumini bartaraf etish uchun yigirma yil (1371-1390) mobaynida Mog'ulistonga yetti marta yurish qilib, Mo'g'ul hukmdorlari **Anqoto'ra** va **Qamaruddin** ustidan g'alaba qozondi. Shu zaylda Amir Temur Mavarounnahr va Xorazmda hukm surgan tarqoqlikka, o'zaro nizo va Mo'g'uliston tomonidan bo'lib turgan tazyiqqa chek qo'ydi. Sohibqiron bu bilan qanoatlanmay, qo'shni davlatlar ustiga yurish qilib, ularni o'ziga bo'ysundirish va markazlashgan buyuk sultanat barpo etishni o'z oldiga maqsad qilib qo'ydi. Sohibqiron harbiy yurishni Xurosandan boshlaydi. 1381-yili Amir Temur Hirotni egallaydi. Saraxs, Jom va Qavsiya shaharlari jangsiz taslim bo'ladi. 1381-1384-yillar davomida Eronning katta qismi bo'ysundiriladi. Avval (1381) *Kalot*, *Turshiz* va *Sabzavor*, keyin (1383) Seistonning *Zireh*, *Zova*, *Farah* va *Bust* qal`alari, 1384-yilda esa *Astrobod* viloyati va Ozarbayjonning *Omul*, *Sori*, *Sultoniya* va *Tabriz* shaharlari bo'ysundiriladi. Amir Temur Eron, Ozarbayjon, Iroq va Shom (Suriya) ustiga uch marta lashkar tortdi.

Bu yurishlar tarixda "uch yillik", "besh yillik", "yetti yillik urush"lar nomi bilan mashhur. *Uch yillik* (1386-1388) harbiy yurishlar oqibatida Janubiy Ozarbayjon, Iroqning shimoliy qismi, Gurjiston va Van ko'li atrofidagi yerlar egallandi. Amir Temur shu bilan birga shimoli-g'arbdan, ya`ni Oltin O'rda tomonidan bo'layotgan tazyiqqa barham berish maqsadida **To'xtamish**ga qarshi uch marta qo'shin tortadi. 1389-yilda Dizakning *Achchiq* mavzeida, 1391-yili *Qunduzcha* jangida, 1395-yil *Tarak* daryosi bo'yidagi janglarda g'alaba qozonib, dushman qo'shinini tor-mor etdi. Amir Temurning **To'xtamish**

ustidan qozongan g'alabasi, faqat O'rta Osiyo uchun emas, balki butun Sharqiy Yevropa, shuningdek Rus knyazliklari uchun ham buyuk ahamiyat kasb etgan edi. Shundan so'ng, Amir Temur Eron, Ozarbayjon, Iroq, Shom (Suriya) ustiga uch marta askar tortadi. U *besh yillik* (1392-1396) urushi davomida G'arbiy Eron, Iroqi Ajam va Kavkazni egallaydi. Amir Temurning Hindiston ustiga qilgan g'azovoti (1398- may- 1399-yil mart) qariyb o'n bir oy davom etadi. Hindistondan u katta o'lja, shu jumladan 120 ta jangovar fillar bilan qaytadi. O'ljalarning bir qismi qo'shinga tarqatilib, qolgani Samarqand va Kesh shaharlarida olib borilayotgan qurilishlarga ishlataladi. 1399-1404-yillardagi yetti yillik urush, eng shiddatli va eng yirik janglardan bo'lib, uning oqibatida Shomning *Xalab*, *Kumis*, *Baalbek*, *Dimishq* (Damashq) kabi yirik shaharlari va Iroqi Arabning *Ubuliston* o'lkasi bilan Bag'dod, shuningdek Turkiyaning kattagina qismi fath etiladi. Natijada ikki buyuk sarkarda: Sohibqiron Amir Temur bilan sulton **Boyazid Yildirim**larning to'qnashuvi muqarrar bo'lib qoladi. Chunki tobora kuchayib borayotgan bu ikki turkiy davlatlarning har biri ikkinchisi uchun nihoyatda kuchli raqibga aylangan edi. Bir tomondan, Yevropa ritsarlariga qaqshatqich zarba berib, Bolqon yarim oroli bo'ylab, g'arbgan tomon o'z hududlarini kengaytirayotgan Usmonlilar davlati uchun Amir Temurning markazlashgan kuchli davlatini qaror topishi qanchalik xavfli tuyulsa, Kichik Osiyoda barpo etilgan qudratli Usmonlilar davlatining kuchayishidan Amir Temur ham shunchalik manfaatdor edi. Amir Temur hayot-mamot yo'lida **Boyazid Yildirim** bilan bo'ladijan jangga qariyb ikki yildan ortiq tayyorlanadi. Nihoyat Rumga yuzlanib, avval *Qamoh* qal`asini fath etadi, so'ngra *Anqara* shahrini qamalga oladi. Amir Temur bilan **Sulton Boyazid** qo'shinlari o'rtasidagi so'nggi va hal qiluvchi jang 1402-yil 20-iyulda Anqara yaqinida *Chibukobod* mavzeida sodir bo'ladi. Bu jang tarixda "*Anqara jangi*" nomi shuhrat topadi. Uch kun davom etgan bu jangda Amir Temur g'alaba qozondi. Amir Temur Usmonli turklari davlatini saqlab qoldi va Boyazid vorislari muruvvat qo'llini cho'zdi.

Shunday bo'lsa-da, Boyazid ustidan qozonilgan buyuk g'alaba bilan Amir Temurni Fransiya qiroli **Karl VI** (1380-1422), Angliya qiroli **Genrix IV** (1399-1413) hamda Kastiliya va Leon qiroli **Genrix III** (1390-1407) tabriklab, unga o'z muborak nomalarini yubordilar. Chunki Sohibqiron endigina uyg'onayotgan Yevropaga ulkan xavf solib turgan Usmonli turklar davlatiga zarba berib, butun Yevropaning xaloskoriga aylangan edi.

Kichik Osiyodan Samarqandga qaytgan Amir Temur 1404-yilning 27-noyabrida 200 ming qo'shin bilan Samarqanddan Xitoy safariga chiqdi. Biroq Xitoy ustiga yurish Amir Temurning to'satdan vafot etib qolishi (1405-yil 18-fevral) tufayli amalga oshmay qoldi. Tarixiy ma'lumotlarga qaraganda, Amir Temur vafot etganda, uning xotinlaridan to'rtasi – Saroy Mulk xonim, Tuman og'o xonim, Tukal xonim va Ruh Parvar og'o xonimlar hali hayot edilar. Shuningdek, Amir Temur vafot qilgan vaqtida undan ikki o'g'il, 19 nevara va 15 chevara, jami 36 shahzoda hayot edi. Bulardan tashqari sohibqironning kichik qizi – Sulton Baxt begin va katta qizi – Og'o beginidan tug'ilgan o'gil – Sulton Husayn Mirzo nomli nevarasi ham bor edi. Tarixiy ma'lumotlarning dalolaticha sohibqiron Amir Temur o'n sakkiz marta uylangan. Bundan tashqari u 22 nafar xos kanizaklarini ham o'z shabistoniga mahram qilgan.

Amir Temur 35 yil davomida mamlakatni boshqardi. Ko'pdan-ko'p harbiy yurishlar va jang'u jadallarni amalga oshirdi. Ko'p mamlakatlar zabit etildi. Oqibatda Hindiston hamda Xitoydan Qora dengizga qadar va Orol dengizidan Fors qo'lting'iga qadar bo'lgan g'oyat katta hududni qamrab olgan ulkan sultanatni vujudga keltirdi. Bundan tashqari, Kichik Osiyo, Suriya, Misr va Quyi Volga, Don bo'yulari, Balxash ko'li va Ila daryosi, Shimoliy Hindistongacha bo'lgan mamlakatlarni o'ziga bo'ysundirdi. Bu mamlakatlardan Amir Temur katta o'ljalar bilan bir qatorda ko'zga ko'ringan olimlar, hunarmandlar va mohir ustalarni Samarqand, Shahrisabz va Buxoroga ko'chirib olib keldi. Bu shahar va qishloqlar obod qilindi. U nafaqat Movarounnahr va Turkistonni obod qildi, balki bo'ysundirilgan mamlakatlarning shaharlarini ham qayta qurdirdi. *Bag'dod*, *Darband* va *Baylakon* shaharlarini qayta tikladi. Karvon yo'llarida rabotlar, qal`alar, ko'priklar, shaharlarda masjid va madrasalar hamda bog'-u bo'stonlar barpo etdi. Eng muhimmi Eron, Ozarbayjon va Iroqdagi tarqoqlik va boshboshdoqlikka barham berib, Sharq bilan G'arbni bog'lovchi qadimiy karvon yo'llarini tikladi. Bu bilan nafaqat

Movarounnahr, balki Uzoq va Yaqin Sharq mamlakatlarining iqtisodiy va madaniy taraqqiyotga xalqlar va mamlakatlarni bir-biri bilan yaqinlashtirishga ulkan hissa qo'shdi. Amir Temur Yevropaning Fransiya, Angliya va Kastiliya kabi yirik qirolliklari bilan bevosita savdo va diplomatik aloqalar o'rnatdi.

A

mir Temurning harbiy yurishlari, jang-u jadallarining oqibatlariga baho berilar ekan, shuni ta'kidlash kerakki, uning faoliyati qo'yilgan maqsad va rejalarini jihatidan ikki bosqichga bo'linadi. **Birinchi bosqich** (1360-1386)da Amir Temur Movarounnahrda markazlashgan davlat tuzish yo'lida kurashdi. Amir Temurning bu davrdagi faoliyati O'rta Osiyo xalqlarining ijtimoiy-iqtisodiy va madaniy hayoti taraqqiyoti yo'lida shubhasiz ulkan ijobiy ahamiyat kasb etdi. Amir Temur faoliyatining **ikkinci bosqichi** (1386-1405)da olib borilgan "*uch yillik*", "*besh yillik*" va "*yetti yillik*" harbiy yurishlarni amalga oshirib, Oltin O'rda, Eron, Iroq, Kavkaz, Kichik Osiyo, Misr va Hindistonni zabit etdi.

Amir Temur hayotlik davridayoq uning harbiy san'ati va davlat boshqarish uslubiga bag'ishlangan maxsus asar yaratilib, u "*Temur tuzuklari*" nomi ostida shuxrat topadi. Bu asar shaxsan Temurning og'zidan yozib olingen deb hisoblanadi. Unda davlatni boshqarishda kimlarga tayanish, toju taxt egalarining yo'nalishi va vazifalari, vazir va qo'shin boshliqlarini saylash, sipohlarning maoshi, mamlakatni idora etish tartibi, davlat arboblari va qo'shin boshliqlarining burchi va vazifalari, amirlar, vazirlar va boshqa mansabdolarning toju-taxt oldida ko'rsatgan alohida xizmatlarini taqdirlash tartibi va boshqalar xususida bayon etiladi. Amir Temur turk, arab va eronliklar tarixini chuqur bilgan. Amaliy jihatdan foyda keltira oladigan har qanqa bilimni qadrlagan. U davlat ishlari uchun hamma narsaning foydali tomonlarini olishga harakat qilgan. Amir Temur hayotligi chog'ida sultanatni asosan to'rt qism (ulus)gab o'lib, o'g'il, nabiralariga taqsimlab bergan: Xuroson, Jurjon, Mazon daron va Seyiston (markazi Xirot) Shohruxga, G'arbiy Eron, Ozarbayjon, Iroq va Armoniston (markazi Tabriz) Mironshohga, Fors, ya'ni Eronning janubiy qismi (markazi Sheroz) Umarshayxga, Afg'oniston va Shimoliy Hindiston (markazi G'azna, keyinchalik Balx) Pirmuhammadga suyurg'ol qilib berilgan. Amir Temur davlati o'ziga xos tartib qoidalarga asoslangan holda idora qilingan. Amir Temur asos solgan bu davlat Xuroson va Movarounnahrda XVI asr boshigacha mavjud bo'lib, Shayboniyxon tomonidan tugatilgan. Amir Temur imom **Sayyid Barakan** o'zining piri deb bilgan. **Sayyid Baraka** Temur qilich bilan nimaniki qo'lga kiritgan bo'lsa, shularni toat-ibodat hamda vatvolar berib, dugo'ylik bilan mustahkamlab berishga harakat qiladi.

Amir Temur haqidagi birinchi kitob 1553-yili Florensiya (Italiya)da chiqqan. Italiyalik olim **Perondini** qalamiga mansub boshqa shu asrda ispan tarixchisi **Pero Meksikaning "Buyuk Temur tarixi"** degan asari ham chop etildi. 1582-yili Seviliyada mashhur Ispaniya elchisi **Klavixonning "Esdaliklar"**i nashrdan chiqdi. Ingliz dramaturgi **Xristofor Morlon**ning "*Buyuk Temur*" degan sahna asari ham shu asrda yaratildi. Sho'rolar tuzumi davrida Amir Temur shaxsi va faoliyatiga adolatsizlik bilan yondashilib, bir yoqlama baho berib kelindi. O'zbekiston Mustaqillikka erishganidan so'ng, bunday qarashlarga barham berildi. O'zbekistonning birinchi prezidenti **Islom Karimov** say-harakati bilan Amir Temurning jahon tarixida tutgan o'rni o'z joyiga qo'yila boshladidi. O'zbekistonda uning faoliyatini o'rganishga va uni ommalashtirishga keng yo'l ochildi. "*Sohibqiron Amir Temur shaxsi uning ajodalari bo'lmish faqat bizning ema, balki mintaqamizdag'i barcha xalqlarning butun ma'rifiyinsoniyatning boylig'*"ga aylandi (I. Karimov). Uning nomi O'zbekistonda abadiylashtirildi. Ko'plab shahar va qishloqlardagi shoh ko'chalar, maydonlar, jamoa xo'jaliklari, muktablar, kinoteatrлar va boshqalar uning nomi bilan ataldi. Islom Karimov tashabbusi va rahnomaligida Toshkent, Samarqand, Shahrisabz va boshqa shaharlarning markaziy maydonlarida Amir Temurga haykal o'rnatildi. Toshkentdagи Amir Temur hiyobonida *Temuriylar davri muzeyi* barpo etildi (1996), "*Amir Temur*" ordeni ta'sis etildi (1996) va *Xalqaro Amir Temur jamg'armasi* tashkil qilindi (1995). Toshkent, Samarqand va xorijiy mamlakatlarda YUNESKO rahbarligida hazrat Sohibqiron tavalludining 660 yilligi keng nishonlandi (1996). Amir Temur haqida ikki qismdan iborat badiiy film, spektakllar va she'riy hamda nasriy asarlar yaratildi.

XALIL SULTON

(1384–1411)

(1405–1409)

Temuriylardan bo'lgan Movarounnahr hukmdori. **Amir Temur**ning nabirasi. **Mironshoh**ning o'g'li. **Saroy Mulkxonim** (Bibixonim) tarbiya qilgan. 15 yoshli Xalil Sulton Sohibqironning Hindistonga qilgan yurishida (1399–1400) qatnashib jasorat ko'rsatgan. Quyi tabaqadan chiqqan **Shodimulkka** uylanishi bilan Amir Temurning g'azabiga uchragan, so'ng kechirilgan. Sohibqironning Xitoya qilgan yurishida Xalil Sulton qo'shining o'ng qanoti boshlig'i etib tayinlangan. Amir Temurning vasiyatiga muvofiq **Pirmuhammadhi** taxtga o'tqizish tarafдорлари kuchli bo'lsa-da, biroq 1405-yilning 18-martida Samarqandni egallab, o'zini Movarounnahrning oliy hukmdori deb e`lon qilgan. U garchi bobosidan qolgan xazinalar vositasida Sohibqironning nufuzi a`yon va kiborlaridan ma`lum qismini o'z tarafiga og'dirib Movarounnahr taxtini egallab olgan bo'lsa-da, ammo ko'p vaqt o'tmay u Amir Temurning sadoqatli amirlari, viloyat noiblari va shahzodalarning kuchli noroziligi va isyoniga duch keladi. Birinchi bo'lib, Turkiston hamda Farg'onanening hokimi amir **Xudaydod** bilan **Shayx Nuriddin** Xalil Sultonga qarshi isyon ko'taradilar. Hatto uning o'z ukasi **Mirzo Sulton Husayn** Amudaryoning chap sohili viloyatlarida o'z hokimiyatini o'rnatmoq niyatida akasiga qarshi bosh ko'taradi. O'z navbatida Amir Temur taxtining asosiy valiahdi Pirmuhammad Amudaryodan kechib o'tib, Xalil Sultonga qarshi Nasafga tomon askar tortadi. **Amir Xudaydod** O'ratega va Shohruhiya shaharlarini osongina qo'lga kiritib, Samarqand tomonga askar tortadi. Sheroz yaqinida Zarafshon daryosi bo'yida sodir bo'lgan jangda Xalil Sulton qo'shini mag'lubiyatga uchraydi, o'zi esa asirga olinadi.

Xalil Sulton davlat xazinasini behuda sarflab, hokimiyatni boshqarishda xotinining so'zlariga amal qilgan. Saroydagi katta mansablarga tasodifiy kishilar tayinlangan. Bu boshqa temuriylarning qattiq noroziligiga uchragan. Xuroson hukmdori Shohruh katta qo'shin bilan Movarounnahrga yurish qilib, Samarqandni egallagan. Shohruh bilan tuzilgan shartnomaga (1409) natijasida Movarounnahrdan voz kechgan. Xalil Sultonga Ray berilgan. Umrining oxirigacha shu yerda yashagan. Xalil Sulton vafot etgach, **Shodimulk** ham o'zini o'ldirgan.

SHOHRUX

Amirzoda Shohrux, Mirzo Shohrux, Shohrux mirzo, Xoqoni sa'id, Abu Nasr Shohrux bahodir sulton

(1377-yil 20-avgust, Samarqand – 1447-yil 19-mart, Ray)

Amir Temurning 4-o'g'li, **Temuriylar** hukmdori. Yoshlik yillari Samarqandda o'tgan, shu yerda dunyoviy va diniy ta'lif olgan. Amir Temur 1390–91-yillar Dashti Qipchoqqa va 1392-yil harbiy mamlakatlarga 5 yillik yurishlari chog'ida Shohruxni mamlakatni boshqarishga tayinlab qoldirgan. Ko'p o'tmay, Amir Temur Shohruxni o'z yoniga chaqirib oladi va 17 yoshli Shohrux jangovar harakatlarda qatnasha boshlaydi. Amir Temur uni lashkarning *mang'lay* va *juvang'ar* qismlariga tayinlaydi, keyinroq esa, Samarqandga qaytarib, poytaxtni boshqarib turishni topshiradi. Amir Temur 1396-yil Shohruxga Xuroson o'lkasini *suyurg'o/* qiladi va tegishli qo'shin hamda elat bilan birga uni o'z mulkiga jo'natadi. Shohrux Amir Temurning 7 yillik yurishida, xususan, Yaqin Sharqdagi harbiy harakatlarda bevosita qatnashgan, lashkarning *ilg'or*, *mang'lay*, *juvang'ar* qismlarini boshqargan; janglarda shaxsiy dov-yuraklik va mahorat namoyish etgan. Uni adolatparvar, raiyat tinchligini ko'zlovchi shaxs sifatida bilganlar; qamalda qolgan shaharlar aholisi aksari hollarda sulh taklifi bilan Shohruxga murojaat qilganlar va u ham o'z yordamini ayamagan. Ba'zi hollarda, Amir Temur Shohruxni lashkarning *o'g'ruq* qismini qo'riqlashga mutasaddi qilgan. Sharafuddin Ali Yazdiy "Zafarnoma"da yozishicha, Amir Temur hayotining keyingi yillarida Shohruxning davlatdorlik sifatlariga alohida e'tibor bergen. Chunonchi,

Xitoya yurishi chog'ida, sultanat xavfsizligini ta'minlash, xususan, harbiy o'lkalarni idora etish kabi katta mas'uliyatni Shohrux zimmasiga yuklaydi va uni Xurosonda qoldiradi. Sohibqiron 1391-92-yillar mo'g'ullar bosqini davrida butunlay xarob qilingan *Banokat* shahri o'rniغا yangi shahar barpo etib, u yerga atrof yerdan aholini ko'chirib obod qiladi hamda uni Shohruxga suyurg'ol qiladi va bu shahar *Shohruxiya* nomi bilan shuhrat topadi.

Amir Temur vafotidan so'ng, 1405-yil martda Shohrux rasmiy ravishda Temuriylar sultanati hukmdori sifatida Xuroson taxtiga o'tirdi va o'z nomidan xutba o'qitib, pul (tanga) zarb qildirdi. Shohrux hukmdorligining dastlabki yillarda Temuriylar sultanatida kuchli tarqoqlik yuzaga kelib, sultanatning turli qismlarida yakkahokimlik uchun kurash boshlanib ketdi. Movarounnahrda Samarqand taxtini *Xalil Sulton* egalladi, Ozarbayjon va Ajam Iroqini *Qora Yusuf*, Arab Iroqi hududini *Sulton Ahmad* o'z qo'liga kiritdi. Eronzaminda temuriy shahzodalar o'zaro nizolashardilar, Mozandaron, Balx, G'ur va boshqa viloyatlarda ham isyonlar yuzaga keldi. Shohrux sultanatda vujudga kelgan nizolar, isyonlar, yakkahokimlik uchun chiqishlarni teran qobiliyati, mahorati, tafakkuri, olib borgan siyosati tufayli birin-ketin bostirishga muvaffaq bo'ldi.

Shohrux o'z hukmdorligi chog'ida Temuriylar sultanatining hududiy kengligi, harbiy salohiyati, kuchli iqtisodiy mavqeini saqlashga intildi. Buning uchun Movarounnahr, Eronzamin, Ozarbayjonga yurishlar qilib g'alaba qozondi; 1429-yil Shohrux Ozarbayjonda xavfli kuchga aylangan amir *Iskandar ibn Qora Yusuf* ustiga deyarli butun sultanati hududidan lashkar yig'ib yurish qiladi. Salmos cho'lida ikkala tomon o'rtasida qattiq jang bo'ladi; Shohrux o'g'llari Mirzo *Boysung'umi* lashkarning juvang'arini, *Ibrohim Sultoni* barang'arini boshqarishga belgilaydi; *Muhammad Jo'giyni* esa o'ziga tegishli bo'lgan g'ul qismida qoldiradi. Shiddatli jangdan so'ng Shohrux lashkari zafar quchadi. Shohrux Seyiston va Badaxshonga lashkar jo'natib, u yerdagi isyonlarga chek qo'yadi. 1405-yildan 7 yil davomida Xorazmni zabit etib turgan Dashti Qipchoq amirlariga qarshi Shohrux katta lashkar jo'natadi va g'olib kelib, Xorazmni Temuriylar sultanati tarkibiga kiritadi hamda viloyatni boshqarishga sarkarda amir *Shohmalikni* belgilaydi. Shohrux ko'pgina nizolarni sulh yo'li bilan bartaraf qilgan va bunda taniqli davlat arboblari va shayxlar xizmatidan keng foydalangan. Umuman, Shohrux hukmronligi davrida sharqda Mo'g'ulistonidan tortib g'arbda Misr va Rum yerlarigacha, janubda Hindistonning markaziy qismidan boshlab shimoldan to Dashti Qipchoq chegaralarigacha bo'lgan joylar Temuriylar sultanati tarkibiga kirgan.

Sultanatni suyurg'ol tizimi bo'yicha boshqargan; mamlakat hududini o'g'llari, nevaralari, qarindoshlari, xizmat ko'rsatgan sadoqatli amirlariga suyurg'ol qilib borgan. Tarixchi *Hofizi Abruning "Zubdat at-tavorix"* asarida yozilishicha, Shohrux 1443- yil Misr podshosiga elchi yo'llab Ka'ba uyiga yopinchiq kiygazishni so'raydi va rozilik oladi. Shu asosda 1444-1445-yil ka'bapo'sh tayyorlatib, uni shayx *Nuriddin Muhammad al-Murshidiy* va mavlono *Shamsiddin Muhammad Abhariy* vositasida Makkaga jo'natadi; ular ka'bapo'shni muqaddas Ka'ba uyiga yopib qaytadilar. Shohrux podshohlik devonida kundalik ishlarni doim nazorat qilib borgan; qarorlar qabul qilishda kengash va maslahatga keng o'r'in ajratgan, ko'pchilik fikrini inobatga olgan holda adolatli hukmlar chiqargan. Shuningdek, devonda diniy va dunyoviy masalalar yuzasidan yetuk allomalar ishtirokida suhbatlar, fiqh, tib, nujum, geografiya, tilshunoslik va boshqa fan sohalari bo'yicha bahs-munozaralar tashkil qilgan, o'zi ham ularda faol qatnashgan. Shohrux sultanati hududida bunyodkorlik faoliyati uchun katta imkoniyatlar yuzaga keldi. Shaharsozlik, hunarmandchilik, savdo, dehqonchilik, ilm-fan, madaniyat tez sur'atlar bilan rivojlandi. Shohrux bunyodkorlik ishlariiga, xususan, shaharlar obodonchiligi va sug'orish tizimini rivojlantirishga katta e'tibor qaratib Hirot (1405-yil), Balx (1407-yil) shaharlarini tiklashga oliy farmon borgan. *Chingizzon* yurishi chog'ida xarob qilingan (1220-yil) Marv shahrini qayta barpo etilib, unga Murg'ob daryosidan ariq qazdirib suv keltirildi. Sug'orish tizimi yaxshilandi, yangi yerlar o'zlashtirildi, ekin maydonlari kengaydi. Shaharlarda hunarmandchilik va savdo rivojlandi, ko'plab madaniy-ma'naviy muassasalar - madrasalar, masjidlar, xonaqohlar qurildi. Shohrux ilm-fan rivojiga alohida e'tibor berdi. Hirot, Samarqand, Buxoro, Mashhad, Sheroz va boshqa shaharlarda ilm-fan keng rivoj topdi. Movarounnahrda Mirzo *Ulug'bek* rasadxona barpo etib

aniq fanlar rivojlandi; Naqshbandiya ta'limoti yozma meros tarzida shakllandi va shu yo'nalishda bir qancha asarlar yozildi. Hirot va Sheroz shaharlarida tarixnavislikka katta e'tibor qaratildi. Amir Temur va temuriylar tarixiga oid bir qancha yirik asarlar yaratildi. Temuriylar sultanatida kitobat va miniyatURA san'ati yuksaldi. Hirotta Mirzo Boysung'ur va Sherozda Ibrohim Sulton bu sohalarning rivojiga katta hissa qo'shdilar.

Shohrux hukmronligi davrida Temuriylar sultanatining xalqaro miqyosdagi nufuzi ortdi; davlatlar o'rtaisdagi elchilik munosabatlariga Shohrux juda katta e'tibor bergan. Uning huzuriga Xitoy, Hindiston, Misr, Shom, Rum, Yevropa, Dashti Qipchoq hukmdorlaridan elchilar kelgani va Shohrux ham o'z elchilarini jo'natgani haqida Temuriylar davri tarixiy manbalarida ma'lumotlar qayd etilgan va ikkita elchilik haqida mukammal kundalik ham yozilgan. 1419-1422-yillar Xitoya borib kelgan safar xotirotlari, unda bevosita qatnashgan G'iyosiddin Naqqoshning kundaligi hamda 1442-1444-yillar Janubiy Hindistonga borib qaytgan elchilarning safar tafsilotlari, uni boshqargan **Abdurazzoq Samarqandiy**ning safarnomasida aks etgan. Shohruxning elchilar vositasida yo'llagan maktublarida savdo yo'llari xavf-sizligini ta'minlash va xalqaro savdo-sotiqni rivojlantirish alohida ta'kidlangan. Buyuk ipak yo'li orqali savdo va elchilik karvonlari muntazam qatnab turgan. Shohrux o'zining xalqaro siyosatida davlatlararo tinch-totuvlik va do'stona munosabatlar ta'minlanishini ustuvor yo'nalish deb bilgan. Shohruxning davlatchilik siyosatida bunyodkorlik ishlariga katta e'tibori natijasida ilm-fan va madaniyat rivojida o'ziga xos uyg'onish (renessans) bo'ldi va bu XV asrning 2-yarmida **Alisher Navoiy** davrida Xurosonda ilm-fanning yuksak rivojlanishi uchun zamin yaratdi.

ULUG'BEK

Muhammad Tarag'ay

(1394-yil 22-mart, Sultoniyah shahri, Eron Ozarbayjoni - 1449-yil 27-oktabr, Samarqand)
(1409-1449)

Ulug'bek o'zbek xalqi tarixida buyuk astronom, davlat arbobi sifatida iz qoldirgan. **Shohrux**ning o'g'li, **Amir Temur**ning nabirasidir Sohibqironning "besh yillik yurish"ida (1392-96) Iroqdag'i Mordin qal'asini qamal qilish chog'ida tug'ilgan. **Sharafuddin Ali Yazdiy** "Zafarnoma" asarida yozishicha, **Amir Temur** huzuriga chopar kelib Ulug'bekning tug'ilgani va munajjimlar bu nevara kelajakda ham olim, ham hukmdor bo'lismeni bashorat qilganlari xushxabarini yetkazadi. Sohibqiron xursandligidan Mordin qal'asi qamalini to'xtatib, uning xalqiga yuklangan to'lovnini bekor qiladi. Uning o'z nabirasiga **Muhammad Tarag'ay** va **Ulug'bek** deb ism qo'yanini ham munajjimlarning yuqorida bashorati bilan bog'lash mumkin. **Amir Temur** Ulug'bek tarbiyasiga alohida e'tibor bergan va uni davlat ahamiyatiga molik tadbirlarda qatnashtirgan. **Klavixon**ning qayd etishicha, Ulug'bek bobosining xorijiy elchilarni qabul qilish marosimlarida ishtirok etgan. 1404-yil Konigilda o'tkazilgan tantanalarda **Amir Temur** oltita nabirasining (jumladan, Ulug'bekning) nikoh to'ylarini o'tkazgan. To'yda Sohibqiron Ulug'bekka Toshkent, Sayram, Yangi (hoz. Taroz), Ashpara va Mo'g'ulistonni to Xitoy hududigacha suyurg'ol qilib bergan. Amir Temur O'trorda vafot etgan chog'da Ulug'bek ham o'sha yerda bo'lgan.

Temuriylar o'rtaida toju taxt uchun kurash boshlangan. O'trordan qaytgan Shohrux farzandlari - Ulug'bek va **Ibrohim Sulton**ni amirlar poytaxt Samarqandga kiritmaydilar, ular Buxorodan panoh topishgan. Samarqand taxtini **Xalil Sulton** egallagan. Xurosonni boshqarib turgan Shohrux Ulug'bekka dastlab Andxo'y bilan Shibirg'onni, keyinchalik Xurosonning Tus, Xabushon, Kalot, Bovard, Naso, Yozir, Sabzavor va Nishopurdan iborat qismini boshqarishni topshirgan. 1410-yil Shohrux Movarounnahrni o'z tasarrufiga kiritgach, uni idora etishni Turkiston viloyati bilan birga Ulug'bekka topshirib, Sohibqiron vasiyatini qayta tiklagan. Ulug'bek yosh (15 yosh) bo'lgani sababli amir **Shohmalik** unga homiy etib belgilangan. Lekin Shohmalikning raqibi - O'trordagi **Shayx Nuriddin** va **Muhammad Jahongir**ning Hisordagi voliyları 1410- yil bahorida Ulug'bek va Shohmalikka qarshi

chiqqanlar. Shu yilning yozida Shohrux ishtirokida bo'lgan jangda Shohmalik va Ulug'bek g'alaba qilganlar. 1411-yil sentaborda Shohrux Samarqandga kelib, Shohmalikni o'zi bilan Hirotga olib ketgan va keyinchalik Xorazmga hokim qilib yuborgan (1413).

Shu vaqtidan boshlab Ulug'bek Movarounnahrni mustaqil idora etishga kirishgan. Shohrux Movarounnahrda boshqa temuriy shahzodalarga ham mulk ajratgan edi. Chunonchi, Hisori Shodmonni **Muhammad Sultonning** o'g'li **Muhammad Jahongir mirzoga**, O'zgand viloyatini **Umarshayx**ning o'g'li **Amirak Ahmadga** suyurg'ol qilgan edi. Biroq ular Ulug'bekka tobe edilar. 1414-15-yil ular o'rtaida ixtilof chiqib, Ulug'bek Amirak Ahmad ustiga qo'shin tortgan va uni yenggan. Shohrux Amirak Ahmadni Xurosonga chaqirtirib olgan; Qashg'ar ham to 1428-yilgacha Ulug'bekka tegishli bo'lgan. Ulug'bek o'z hukmronligi davomida 2 marta yirik harbiy yurish qilgan. Birinchisida 1425-yil Mo'g'uliston xoni **Shermuhammad o'g'lon** (1421-1425) o'zini mustaqil xon deb e'lon qilganda, Ulug'bek unga qarshi yurish qilib zafar qozongan. Ulug'bekning 2-yurishi Sig'noq shahri tomon bo'lgan. Sirdaryoning quyi havzasasi Ulug'bek tasarrufida edi. Ulug'bek 1427-yil Sig'noq yaqinida uning mulkiga tahdid qilgan **Baroq o'g'lon** bilan to'qnashgan va mag'lubiyatga uchragan. Dushman Ulug'bekni ta'qib qilib, Samarqand ostonalarigacha kelgan. Movarounnahr xavf ostida qolganligi tufayli Shohrux Xurosondan katta lashkar tortib kelib xavfni bartaraf etadi.

Shohrux vafoti (1447, 12 mart)dan keyin Ulug'bekning katta o'g'li **Abdullatif** voris sifatida Temuriylar hukmdori bo'lib qoladi. Lekin Shohruxning qattiqqo'l xotini **Gavharshod begin** bu haqda o'z fikriga ega edi. U Shohrux davrida Temuriylarning poytaxti bo'lib qolgan Hirot taxtiga marhumning 3-o'g'li bo'l mish **Boysung'ur** mirzoning o'g'li va suyukli nabirasi **Alouddavla** mirzoni o'tqazish tarafdori edi. **Gavharshod begin** Hirot taxtiga Alouddavlani o'tqazganini Ulug'bekka nisbatan isyon deb qaralmog'i kerak edi. Shuning uchun Ulug'bek 1448-yil bahorida Abdullatif bilan birgalikda 90 ming askar bilan Xurosonga kelib, Hirot yaqinida bo'lgan jangda Alouddavlani tor-mor qiladi. G'alaba Abdullatifning shaxsiy shijoati va lashkarboshilik iste'dodi tufayli erishilgan bo'lsa ham, Ulug'bek fathnomani kichik o'g'li Abdulaziz nomidan e'lon qiladi. Undan tashqari, bobosi Shohrux tomonidan Abdullatifga vasiyat qilingan Hirotdagi Ixtiyoriddin qal'asi va uning ichidagi boyliklarini ham Ulug'bek Abdulazizga beradi. Shundan so'ng Ulug'bek bilan Abdullatif o'rta sidagi munosabat ochiq dushmanlik tusini oladi. Ulug'bek Samarqandda Abdulazizni qoldirib, lashkar bilan katta o'g'liga qarshi jangga yuradi. Abdullatif ham o'z lashkari bilan Amudaryo yoqasiga kelib turadi. Ikkala lashkar ham daryoning 2 sohilida uzoq muddat turib, suvni kechib o'tishga botinmaydi. Bu orada Ulug'bek, Abdulaziz lashkardagi amirlarning oilalarini ta'qib etayotir, - degan xabarni eshitib, Samarqandga qaytib kelishga majbur bo'ladi va shahar aholisining Abdulazizga qarshi isyon ko'torganining guvohi bo'ladi. Tezda shaharni tartibga keltirib, yana Abdullatifga qarshi jangga yo'llanadi, lekin Samarqand yaqinida undan mag'lubiyatga uchraydi. Oradan ko'p o'tmay, Ulug'bek Abdullatif buyrug'i bilan qatl etiladi. Uning jasadi Go'ri Amir maqbarasiga dafn etilgan.

Ulug'bek otasi Shohrux davrida siyosiy hukmdor sifatida ichki va tashqi siyosat bobida birmuncha mustaqil bo'lgan. Boshqa davlatlar bilan bevosita savdo va elchilik munosabatlari olib borgan. Ulug'bek davrida Samarqand shahri yanada ravnaq topgan. Shaharda hunarmandchilik, me'morlik, adabiyot, umuman ilm-fan yuksaldi, savdo taraqqiy etdi. **Buxoroda** (1417), **Samarqandda** (1420), **G'ijduvonda** (1432-33) madrasalar va Marvda xayriya muassasalari qurildi. Madrasalarda diniy fanlar bilan birga dunyoviy fanlar ham o'qitildi, ko'proq aniq fanlarga ahamiyat berildi. Bibixonim masjidi, Amir Temur maqbarasi, Shohizinda va Registon majmualari qurilishlari poyoniga etkazildi. Bundan tashqari, mamlakatda ko'plab jamoat inshootlari (karvonsaroy), tim, chorus, hammomlar va boshqa ham bunyod etilgan. Ulug'bek O'rta Osiyo xalqlari ilm-fani va madaniyatini o'rta asr sharoitida dunyo fanining eng yuqori pog'onasiga olib chiqdi. Uning qilgan eng buyuk ishi - Samarqand ilmiy maktabini o'sha davr akademiyasini barpo etganligi bo'ldi. Bu ilmiy maktabda 200 dan ortiq olimlar faoliyat olib borgan. Ular orasida eng yiriklari **Qozizoda Rumiy**, **G'iyosiddin Jamshid Koshiy** edi. Ulug'bekning ilmiy maktabi o'z faoliyatida o'rtaosiyolik mashhur olimlar **Muhammad Xorazmiy**, **Ahmad al-Farg'oniy**, **Abul Abbas al-Javhariy**, **Ibn Turk al-Xuttaliy**, **Xolid al-Marvarrudiy**,

Ahmad al-Marvaziy, Abu Nasr Forobi, Abu Rayhon Beruniylar boshlab bergan ilmiy an'anaga asoslanar edi. Ulug'bek Samarqand yaqinida rasadxona barpo qildi. Ulug'bek akademiyasidagi yirik olim - **Ali Qushchini** Ulug'bek "Ziji'hing so'zboshisida "farzandi arjumand", ya'ni "aziz farzandim" deydi. Aslida u Ulug'bekning sadoqatli shogirdi bo'lib, "Zij" ustida ishlar poyoniga yetkazilguniga qadar utoziga yordam bergan. Ulug'bek Samarqandda 2 ta madrasa: biri - Registon ansambl tarkibida va ikkinchisi Go'ri Amir ansambl tarkibida barpo qilgan. Boshqa yirik olimlar qatorida Ulug'bekning o'zi ham bu madrasalarning har birida haftada bir marotaba ma'ruza o'qigan.

Boshqa vaqtini ko'proq astronomik kuzatishlarga, "Zij" ustida ishlashga va davlat ishlariga bag'ishlagan. Ulug'bekning yana bir matematik asari "*Risolai Ulug'bek*" deb ataladi va uning 1-nusxasi Hindistonda Aligarx universiteti kutubxonasida saqlanadi, hali o'rganilmagan. Fan va madaniyat tarixida so'nmas iz qoldirgan Ulug'bekning ilmiy merosi uning "Zij"idir. Bu asar sayyoralar, Quyosh va Oy harakatini talqin qilish, yulduzlar katalogi va unda qo'llanilgan matematik usullari bo'yicha o'rta asrlardagi astronomik asarlarning eng mukammali bo'lganligi uchun avvalambor u musulmon mamlakatlaridagi olimlarning diqqatini jalg qilgan. "Zij"ga ilk sharhni Ulug'bekning shogirdi Ali Qushchi "*Charhi Ziji Ulug'bek*" nomi bilan yozgan. O'sha XV asrning o'zida qohiralik munajjim **Shamsiddin Muhammad as-So'fiy al-Misriy** "*Tashil Ziji Ulug'bek*" ("Ulug'bek "Zij"ini osonlashtirish") nomli asar yozib, unda Ulug'bek jadvallarini Qohiraning geografik kengligiga moslashtirdi. Ulug'bek "Zij"iga yozilgan eng mukammal sharh Samarqand ilmiy maktabining eng so'nggi namoyandasasi **Nizomiddin Abdul Ali ibn Muhammad ibn Husayn Birjandi**ning 1523-yil yozib tugatilgan "*Sharhi Ziji Ulug'bek*" asaridir. Ulug'bekning nomi Yevropada va umuman G'arb mamlakatlarida buyuk bobosi **Amir Temur**ning shuhrati tufayli ancha ilgari ma'lum bo'lgan. Yevropa Amir Temur va uning oila a'zolari haqida 1-bo'lib Samarqandga 1403-1405-yillar sayohat qilgan Ispaniya elchisi **Rui Gonsales de Klavixodan** eshitgan. **Klavixon** "Kundaliklar"i 1582-yil Sevilyada va 1607-yil Parijda nashr etilganidan so'ng yevropaliklar darhol **Amir Temur** va uning oila a'zolari bilan qiziqqanlar. Ulug'bek nomi XVII asr boshidanoq (1601-yildan) Amir Temurga bag'ishlangan dramatik asarlarda eslatiladi. Bevosita Ulug'bekka bag'ishlangan Yevropadagi 1-nashr ingliz astronomi **Jon Grivs** (1602-52) qalamiga oid. Uning 1648-yil nashr etilgan asarida Ulug'bek yulduzlar jadvalining bir qismi (98 ta yulduz) ilova qilingan. 1665-yil yana bir ingliz olimi **Tomas Xayd** (1636-1703) Grivs bilan bog'lanmagan holda "Zij"dagi yulduzlar jadvalini forsiy va lotincha tarjimada nashr etgan. 1690-yil Gdanskda polyak astronomi **Yan Geveliy** chop ettirgan "Yulduzlar osmonining atlasi"dagi ikkita gravyurada o'sha davrning mashhur astronomlari orasidan Ulug'bekka faxrli o'rinni bergan, unda Ulug'bekning yulduzlar jadvalini **Ptolemey, Tixo Brage, Richchioli, Vilgelm IV** va o'zining jadvallari bilan solishtirgan.

1711-yil Oksfordda Ulug'bekning geografik jadvali 3-marta nashr etilgan. 1807-yil o'sha yerda bu jadval yangi grek tilida ham nashr etilgan. 1725-yil ingliz astronomi **D. Flemetid** (1646-1719) Ulug'bekning yulduzlar jadvalini **Ptolemey, Tixo Brage, Vilgelm IV, Yan Geveliy** va o'zining jadvallari bilan birga nashr etgan. 1908-09-yillar **V.L. Vyatkin** Ulug'bek rasadxonasining xarobalarini va uning asosiy asbobi - kvadrantini kavlab topgandan so'ng, Samarqand olimlarining faoliyatiga yangidan qiziqish boshlanadi. Natijada 1918-yil **V. V. Bartold**ning "Ulug'bek va uning davri" asari nashr etilgan. Sovet davrida Ulug'bekning hayoti va ijodi bilan mamlakat jamoatchiligini tanishtirish bo'yicha **T.N. Qori-Niyoziy** ko'p sa'y-harakat qilgan. Ulug'bek ijodini targ'ib qilishda **G. Jalolov** va **V. P. Shcheglova**ning nashrlari ham diqqatga sazovordir. XX asrning 80-yillari boshiga kelib Ulug'bek "Zij"ining to'liq va mukammal holda, ilmiy izohlar bilan ta'minlangan tarjimasini **A. Ahmedov** 1994-yil amalga oshirib, nashr ettirdi. Yaqin yillargacha Ulug'bek faqat astronom va matematik deb hisoblanardi. Lekin XX asr oxirida uning ijodi serqirra bo'lib, u tarix, she'riyat va musiqa bobida ham qalam tebratgani aniqlandi. Tarixchi **Mirzo Muhammad Haydar "Tarixi Rashidiy"** asarida "Mirzo Ulug'bek tarixnavis donishmand (va) "To'rt ulus" (tarixi)ni (ham) yozib qoldirgan edi", deb yozgan. Ulug'bekning turkiyda yozgan "Tarixi arba' ulus" ("To'rt ulus tarixi") asari **Chingizxon** bosib olgan mamlakatlarning XIII-XIV asrlar 1-yarmidagi siyosiy hayotini o'rganishda

muhim manbadir. *Navoiyning "Majolis un-nafois"* va *Abu Tohirxojaning "Samariya"* asarlarida ham uning she'rларидан namunalar keltirilgan. Uning davrida ko'pgina asarlar arab va fors tilidan eski o'zbek tiliga tarjima qilingan. Ulug'bek tashkil etган boy kutubxonada turli fanlarga oid 15 mingdan ortiq jildli kitob bo'lган. Ulug'bek yoshligidan o'zga fanlar qatori musiqa ilmidan saboq olib, bir qator kuy va usullar yaratgan, bu sohaga oid 5 ta risola ham yozgan. "*Risola dar ilmi musiqa*" nomli asari musiqa tarixiga bag'ishlanib, unda "12 maqom bayoni"ga doir maxsus bobi ham bo'lган. Ulug'bek "*bulujiy'*, "*shodiyona'*, "*axloqiy'*", "*tabriziy'*", "*usuli ravor'* va "*usuli otlig'* kuylarini ijod qiladi.

Ulug'bek tavalludining 600 yilligi 1994-yil aprelda Parijda, oktabrda Toshkent va Samarqandda tantanali ravishda nishonlandi va xalqaro konferensiyalar o'tkazildi. Shu yili Toshkentda Ulug'bekka haykal o'rnatildi. Ulug'bek siymosi Pulkovo rasadxonasi, Moskva universiteti konferens-zallarida dunyodagi mashhur olimlarning portretlari qatoridan joy olgan. Samarqandda Ulug'bekning memorial muzeyi tashkil etilgan. Toshkentda O'zbekiston milliy universiteti, tuman, ko'cha, mahalla, metro stansiyasi, istirohat bog'i, shaharcha Ulug'bek nomi bilan ataladi. Farg'ona pedagogika universitetiga, Samarqand arxitektura-qurilish institutiga, Kitob xalqaro kenglik stansiyasiga, qishloq, maktab va boshqaga Ulug'bek nomi berilgan. Ulug'bekning hayoti va faoliyati haqida pesa (*M. Shayxzoda*, "Mirzo Ulug'bek" tragediyasi), roman (*O. Yoqubov*, "Ulug'bek xazinası"; *S. Borodin*, "Samarqand osmonida yulduzlar"), opera (*A. Kozlovskiy*, "Ulug'bek"), poema (*M. Boboev*, "Ulug'bek"), balet (*M. Bafoev*, "Ulug'bek burji"), film (Rej. *Latif Fayziyev*, "Ulug'bek yulduzı", 1965) va boshqa yaratilgan.

ABDULLATIF
(1423–1450)
(1449-1450)

Movarounnahrda 1449-1450-yillarda hukmronlik temuriy hukmdor. *Ulug'bekning o'g'li. Shohrux* saroyida tarbiya olgan, harbiy yurishlarda qo'shining o'ng qanotiga qo'mondonlik qilgan. *Gavharshod begim* va taxxon amirlar *Shohrux* o'limidan so'ng (1447) Abdulatifni oliy bosh qo'mondonlikka tayinlab, uning amakivachchasi *Alouddavloni* taxtga o'tqazishgan. Bu qarordan norozi bo'lган Abdulatif *Alouddavla*ga qarshi urush ochgan, lekin Nishapur yaqinidagi jangda (1447) yengilib, hibsga olingen. *Ulug'bek* farzandi hayotini saqlab qolish maqsadida *Alouddavla* bilan sulh tuzishga majbur bo'lган. Unga ko'ra, *Alouddavla* Xuroson hukmdori deb tan olinib, Abdulatifga Balx ulusi berilgan. Abdulatif *Ulug'bekning* 1448-yil ilk bahoridan yozigacha *Alouddavla* va *Abulqosim Boburga* qarshi janglarida qatnashgan. So'ng, toj-taxtni egallash maqsadida otasiga qarshi *Abulqosim Bobur* bilan ittifoq tuzgan. *Ulug'bek* Abdulatifga qarshi qo'shin tortgan va Amudaryo bo'yida ikki tomon qo'shini 3 oy muqobil turgan (1449). Samarqandda qolgan beklar isyonini tufayli *Ulug'bek* poytaxtga qaytishga majbur bo'lган, natijada Abdulatif Amudaryodan o'tib Termiz, Shahrisabzni egallagan. Samarqand yaqinidagi Damishq qishlog'i yonida otasini yengib, taxtni egallagan (1449). Abdulatifning roziligi bilan *Ulug'bek* va ukasi - *Abdulaziz Mirzo* qatl etilgan. Abdulatif olti oylik hukmronligidan so'ng, *Ulug'bekning* xos navkarlaridan *Bobo Husayn* bahodir tomonidan o'ldirilgan (1450-yil 8-may). Abdulatif o'jar, xudbin va shuhratparast bo'lsada, otasi *Ulug'bek* kabi ilm axliga ixlosmand edi. U o'zi ham falakiyat va tarix ilmi bilan shug'ullanar, she'rлар bitardi.

ABDULLA MIRZO
(1433-1451)
(1450-1451)

Movarounnahr hukmdori (1450-1451). Temuriylardan. *Ulug'bekning* ukasi *Ibrohim Mirzonining* kenja o'g'li. Otasi vafotidan so'ng, Fors viloyatiga hokim qilib tayinlangan. Biroq u hali yosh bo'lGANI

sababli davlat ishlarini onasi **Ruqiya begim** bilan otabek **Shamsiddin Sheroziy** boshqargan. 1447-yil amakivachchasi **Sulton Muhammad Mirzo** Fors viloyatini bosib olgach, Hirota qochib kelgan. 1448-yilda esa amakasi **Ulug'bekning** xizmatiga kirib, uning qiziga uylangan. **Abdullatif**dan keyin Movarounnahr taxtiga o'tirgan. Ammo toju taxt da'vogari **Sulton Abu Said** Mirzoga qarshi jangda halok bo'lgan.

SULTON ABU SAID
Sulton Abu Said Mirzo ibn Sulton Muhammad
(1424-1469)
(1451-69)

Temuriylardan bo'lgan Movarounnahr (1451-69) va Xuroson (1458-69) hukmdori. **Mironshoh**ning nabirasi. **Shohruh** va **Ulug'bek** vafotidan so'ng Temuriylar davlatida boshlangan taxt uchun kurash chog'ida **Ulug'bekning** o'g'li **Abdulatif** tomonidan Buxoro zindoniga tashlangan. **Abdulatif**ning o'limidan so'ng (1450) ozod qilingan. Abu Said Movarounnahr taxtiga o'tirgan **Mirzo Abdulla**ga qarshi **Abulxayrxon** yordamida qo'shin tortgan va 1451-yil Bulung'ur jangida uni tor-mor keltirib, Samarqand taxtini egallagan. U minnatdorchilik sifatida **Ulug'bek** mirzoning qizi **Robiya Sultanbegimni Abulxayrxonga** xotinlikka bergan. So'ng Abu Said Toshkentdan o'z piri **Xoja Ahromi** chaqirtirib olgan. Xuroson hokimi **Abulqosim Bobur** vafoti (1458)dan so'ng Hiro, Astrobod, Mozandaron Abu Said qo'liga o'tib, markaziy hokimiyat tiklangan. Biroq mamlakatning g'arbiy hududlari notinch edi, xususan G'arbiy Eron temuriylar tasarrufidan chiqib, qora qo'yunlilar sulolasi qo'liga o'tib qolgandi. Abu Said 1468-yil kuzida ularga qarshi qo'shin tortadi, lekin 1469-yil qishida Mug'on dashtida oq qo'yunlilardan **Uzun Hasan** bilan bo'lgan jangda yengilib, halok bo'ladi. Abu Said davrida Movarounnahr va Xurosonda hunarmandchilik, savdo-sotiq rivojlangan, qo'shni mamlakatlar bilan elchilik munosabatlari yaxshi yo'lga qo'yilgan. U Hirotda saroy, kamonchilar mashqgohi, ko'priklar, ko'shklar, shahar darvozalari qurdirgan, ariq va hovuzlar qazitib, bog'-rog'lar bunyod etgan.

SULTON AHMAD MIRZO
(1451-yil, Samarqand – 1494-yil, Oqsuv mavzesi, O'ratega)
(1469-1494)

Temuriylardan bo'lgan Movarounnahr hukmdori (1469-1494). **Abu Said Mirzoning** katta o'g'li. Onasi – **O'rda Bug'a Taxxon**ning qizi. Otasi unga Samarqand va Buxoro viloyatlari hokimligini bergan. Keyinchalik Toshkent, Shohruhiya va Sayramni o'z tasarrufiga kiritgan. Toshkent va Sayramni ukasi **Umar Shayx Mirzoga** topshirgan. Xo'jand bilan O'ratega ham bir necha muddat uning tasarrufida bo'lgan. 1493-yil Sulton Ahmad Mirzo kuyovi, Toshkent xoni Sulton Mahmudxon bilan ittifoq tuzib Andijonga – Umar Shayx Mirzoga qarshi yurish boshlaydi, ular Andijon, Aksi va Marg'ilonni qamal qiladilar. Shu paytda Axsida Umar Shayx Mirzo to'satdan vafot etib, taxtga 12 yoshli Bobur o'tirgan. Bek va amirlar xalqni dushmanqa qarshi safarbar etadilar. Sulton Mahmudxon Toshkentga qaytib ketgan. Sulton Ahmad Mirzo **Boburga** Farg'ona hukmronligini "in`om" etib Samarqandga qaytgan, biroq O'rategaga yetganda vafot etgan. Sulton Ahmad Mirzo Movarounnahrda nufuzi nihoyatda baland bo'lgan **Xoja Ahromi** o'ziga pir tutgan. **Oysha Sultan begin** va **Ma'suma Sulton begin** ismli qizlari **Boburning** xotinlari bo'lgan.

SULTON MAHMUD MIRZO
(1453 – Samargand – 1495-yil)
(1494-1498)

Samargand hokimi (1494-1498). Temuriylardan. **Abu Said mirzoning** 3-o'g'li. Otasi davrida Astrobod viloyati hokimi. **Abu Said Mirzo** vafoti (1469)dan so'ng Termiz, Chag'oniyon, Hisor, Xatlon, Quduz, Badaxshon va Hindikush tog'larigacha bo'lgan yerlar uning tasarrufiga o'tgan. Akasi Sulton Ahmad Mirzoning vafoti (1494)dan so'ng esa, Samargand taxtiga o'tirgan. U zulmni haddan oshirgani uchun mamlakatning katta kichik aslzodalari, sipohiyalar va oddiy xalq har tarafga tarqalib qocha boshlagan. Sulton Mahmud Mirzo taxtga da `vogar bo'lib kelgan amakivachchasi **Malik Muhammad Mirzo** va u bilan birga kelgan mirzolarni qatl etti. Sulton Mahmud Mirzo o'z hukmronligi davrida 2 marta **Husayn Boyqaro** bilan jang qilib, ikkalasida ham mag'lub bo'lgan. **Boburning Sulton Nigor xonim** ismli xolasi uning 4-xotini.

SULTON ALI MIRZO
(1483-1500)
(1498-1500)

1498-1500-yillarda Movarounnahrda hukmronlik qilgan so'ngi temuriy hukmdor. **Sulton Mahmud Mirzoning** 3-o'g'li. Onasi - **Zuhra begim**. Otasining vafotidan so'ng Qarshi viloyati hokimi bo'lib, keyinchalik akasi **Boysung'urdan** Buxoroni (1497-yil dekabr), **Bobur** esa, Samargandni tortib olgan. Bobur ota meros shahri Andijon dushman qo'liga o'tishi mumkinligi haqida xabar topib, beklaridan birini Samargandda qoldirib, Andijon tomon yurgan. Bundan foydalangan Sulton Ali Mirzo Samargandni ishg'ol qiladi (1498-yil fev.-mart). 1499-yilda Sulton Ali Mirzo bilan **Muhammad Mazid** tarxon orasida nizo vujudga keladi. Tarxonlar Movarounnahrda katta nufuzga ega edilar. **Mazid** tarxon Samargand va uning atrofidagi mulklarni o'z o'g'illari, qarindosh-urug'lari va yaqin kishilari ixtiyoriga berib qo'ygan edi. Sulton Ali Mirzo taxtga muqim o'rashib olgach, **Mazid** tarxonga qarshi siyosat yuritadi. Natijada **Mazid** tarxon Samarganddan chiqib ketadi. Shunda Toshkent hokimi **Sulton Mahmudxon** jiyani **Xon Mirzoni** (Mirzoxon, Sulton Ali Mirzoning ukasi) mo'g'ul qo'shinlari bilan Samargandni zabt etishga jo'natadi. Sulton Ali Mirzo Samargand tashqarisida, Yoryayloqda bo'lgan jangda g'olib chiqadi. Onasi **Zuhra beginning** nodonligi tufayli yozilgan maktub sabab **Shayboniyxon** Samargandni jangsiz egallaydi (1500). Sulton Ali Mirzo Qo'lba yalangligida qatl etiladi.

**- SHAYBONIYLAR DAVLATI HUKMDORLARI -
(1500-1601)**

**SHAYBONIYXON
SULTON MUHAMMAD SHAYBONIYXON IBN BUDOQ SULTON IBN ABULXAYRXON
(1451-1510),
(1500-1510)**

«*Shayboniylar sulolasi*» asoschisi (1500-1510), *Abulxayrxonning* nabirasi, *Budoq sultonning* o'g'li. Tug'ilganda unga turkiylar odatiga ko'ra ikki ism - **Muhammad** (arabcha) va **Shayboniyxon** (turkiycha) ismlari qo'yilgan. Abulxayrxon unga **Shohbaxt** deb laqab qo'ygan. **Shayboniyxon** g'oyat katta jismoniy kuchga, harbiy tashkilotchilik qobiliyatiga ega edi. «*Boburnoma*» asarida esa u «*Shayboqxon*», ya`ni «*kuch-qudrat egasi*» deb ataladi. Shayboniy yollanma qo'shin boshlig'idan xon darajasiga ko'tarilgan tarixiy shaxsdir. U nafaqat sarkarda balki, **Shohbaxt**, **Shoyboq**, **Sheboni**, **Shohibek**, **Shayboniy** taxalluslari bilan g'azal, ruboiylar bitgan shoir hamdir. Shayboniyxonning adabiy me`rosidan bizgacha bir nechta o'zbekcha g'azal, ruboiy va «*Bahr-ul xudo*» (1508-yil 14-may Bastom, Domg'omda yozib tugallangan) nomli dostoni va 1507-1508-yillarda yozilgan o'g'li valiaxd **Temur sultonga** atalgan pand-nasihatlardan iborat kitobi mavjud (uning yagona nusxasi hozir Turkiyada saqlanadi).

U yoshligida otasi **Budoq sulton** va onasi **Qo'zibegimdan** yetim qolgach, otasining sodiq xizmatkori **Qorachabek** oilasida tarbiyalanadi. Keyinchalik Shayboniyga Turkiston va O'tror hukmdori **Muhammad Mazid tarxon** homiylik qiladi. Shayboniy yoshligida Buxoro madrasasida ta`lim oladi.

Shayboniy Dashti Qipchoqqa qaytib borib lashkar toplashga muvaffaq bo'lgan. U buyuk davlatni tiklash yo'lida xatti-harakatni dastlab o'z qo'shini bilan temuriylarga yollanma qo'shin lashkarboshisi sifatida xizmat qilishdan boshlagan. Dastlab Shayboniy parchalangan Amir Temur davlatining shimoliy chegarasida noyiblik qilayotgan homiysi **Mazid tarxonidan** uni o'z xizmatiga olishni so'raydi. Avvaliga bu taklifga rozi bo'lgan **Mazid tarxon** tezda Shayboniyni o'z hokimiyatiga xavf solishi mumkinligini anglab yetadi. Natijada, u Shayboniyni Buxoro hokimi **Darvish Muhammad tarxon** ixtiyoriga jo'natib yuborish orqali undan qutuladi. Chunki, **Darvish Muhammad** bunday yordamga muhtoj edi. Uning xizmatidan boshqa hukmdorlar ham foydalanganlar. Shayboniy o'z qo'shini bilan Mo'g'iliston, Mavarounnahr hamda Xorazm hukmdorlariga xizmat qilib, ularning qo'shnilariga va ichki raqiblariga qarshi kurashdi. Bu kurashlarda Shayboniy o'zining mohir lashkarboshilik qobiliyatini namoyon qiladi. Uning bunday turmush tarzini yozma manbalarning mualliflari «*qozoqlik*» ya`ni «*o'z xalqi va qavmidan ajralib ketgan odamlar, taxt uchun kurashda yengilsa-da, ammo o'z huquqidан voz kechmagan va o'z tarafdarlariga boshchilik qilib, vuqoliflari bilan qulay fursat poylab kurashadigan sulola vakili*» deb atashgan edi. Turli hukmdorlarga xizmat qilish Shayboniyga Temuriylar davlatidagi vaziyatni yaxshi bilib olishiga imkon berdi. Mavarounnahr hukmdorlari va zodagonlari uning xizmatidan eng ko'p manfaat ko'rishi natijasida Shayboniy Mavarounnahr zodagonlari orasida mashhur bo'lib ketgan edi.

Shayboniy ko'chmanchi o'zbeklar davlatini qayta tiklash yo'lida kurash olib borgan, biroq „*o'zbek-qozoq*” qabilalari tomonidan kuchli qarshilikka duch kelgan. Bu qabilalar Shayboniyxonni qo'llab-quvvatlagan qabilalarni asta-sekin janubga tomon siqib chiqarganlar. Shayboniy bobosi Abulxayrxon vafotidan parokanda bo'lib ketgan qabilalarni birlashtirdi va beayov qonli urushlar natijasida 1480-yilda ko'chmanchi o'zbeklar davlatini qayta tiklashga muvaffaq bo'ldi. 1487-1488-yillarda **Sayram**, O'tror va Turkiston shaharlarini hamda qo'rg'onlarni egallab, Mavarounnahr yaqinida mustahkam ornashib oldi. Bu qo'rg'onlar kelgusida unga Mavarounnahrni istilo qilish uchun tayanch vazifasini o'tagan.

Shayboniyxon ko'chmarchilarning jangovar an`analari bilan O'rta Osiyo shaharlarining madaniy

yutuqlarini birlashtira olishi uning istilochilik yurishlari muvaffaqiyatli chiqishiga yordam berdi.

Shayboniyxon 1497-yilda Movarounnahrga o'zining dastlabki yurishini uyuştirgan. U katta kuch bilan Samarqandga yurish qildi, lekin shaharni ololmasdan, *Qarshi* va *Shahrisabzga* hujum qilib katta o'lja bilan qaytib ketgan. Shayboniyxon 1499-yildan Movarounnahrni zabit qilishni boshladi. 1499-yilda u jangsiz **Buxoroni** va 1500-yilda temuriylar davlatining poytaxti bo'lmish **Samarqandni** egallaydi va **Sultonali mirzoni** qatl ettiradi. 1501-yilda esa Boburni **Ko'hak daryosi** bo'yidagi jangda yengib, Samarqandda uzil-kesil o'rashib oladi. U endi katta qo'shin to'plab butun Movarounnahr hududlarini egallah uchun tayyorgarlik ko'ra boshlaydi. Shayboniyxon 1503-yilda Sirdaryoning yuqori tomoniga yurish qilib, **Mahmudxon**, **Ahmadxon** va **Bobur** boshchiligidagi mo'gullar, ularning ittifoqchilarini bo'lgan qalmoqlarning birlashgan kuchlariga duch keldi. **Arxiyon shahri** yonida bo'lgan shiddatli jangda ularni tor-mor keltirib, **Toshkent** va **Shohruxiya** shaharlarini ishg'ol qildi. Bu shaharlar hokimligiga amakilari **Ko'chkunchi sulton** bilan **Suyunchxo'jani** tayinladi. 1504-yil bahorida **Farg'onani** ishg'ol qildi. Samarqand shahri – Shayboniyxon davlatining poytaxti etib belgilandi. Shundan so'ng Shayboniyxon ishg'ol qilgan hamma viloyatlarga qarindosh urug'laridan yoki o'zbek qabilalarining yuqori tabaqa vakillaridan hokimlar tayinlaydi. Shayboniyxon Movarounnahrda o'z ahvolini yaxshilab olganidan keyin 1504-yilda **Xusravshoh** hukmronlik qilib turgan **Qunduz** shahrini bo'ysuntirdi, so'ngra **Xuroson** va **Xorazm** sultoni **Husayn Boyqaro** davlatini zabit etishga hozirlik ko'rdi. 1504-yilda Shayboniyxon Buxorodan **Xorazmga** yurish boshladi. O'n oy davom etgan qattiq va shiddatli qamaldan keyin 1505-yilning avgust oyida **Urganch** egallandi. O'sha yili kuzda Shayboniyxon qo'shinchisi **Xuroson** tuprog'iga bostirib kirib **Maymana** va **Faryobga** yetib bordi. 1506-yilda esa **Balxni**, 1507-yil may oyining boshlarida Shayboniyxon **Hirotni** ishg'ol qiladi. Shundan so'ng **Hirotni** o'zining iqtisodiy, siyosiy va madaniy markaz sifatidagi nufuzini yo'qotdi. Xurosonning bo'ysuntirilishi bilan amalda Muhammad Shayboniyxon butun mintaqani yagona bir markaz – **Samarqand** qo'l ostida birlashtira oldi. 1508-yil bahorida Shayboniyxon **Jon ostonalarida** temuriylarning so'nggi qo'shinchini tor-mor keltirib, ularning O'rta Osiyodagi barcha ildizlariga barham beradi. Shu tariqa, u XV asrning ikkinchi yarmidan boshlab temuriylar amalga oshira olmagan vazifani bajara oldi. Shayboniy 1501-yilda yuz bergan «**Sarapul jangi**» bilan Movarounnahr taxtini olgan bo'lsa, «**Marvichak urushi**» bilan butun Xurosonni o'z tasarrufiga kiritdi. 1508-1509-yillarda o'zbek qo'shinchisi qozoqlar ustiga hujum qilib, har gal qo'llari baland kelgan. Shunday qilib, Shayboniyxonning temuriylarga qarshi 1500-1509-yillarda olib borgan shiddatli urushlar oqibatida Movarounnahr, Xorazm va Xurosonni o'z ichiga olgan «**Shayboniylar davlati**» vujudga keldi.

1510-yilda Shayboniyxon Safaviylar daylatining hukmdori **Ismoil Safaviydan** Marv yaqinidagi Murg'ob daryosi qirg'og'ida, Tahrirobodda mag'lubiyatga uchraydi, eron safaviylari Shayboniyxonni qo'lga olishadi. Shoh Ismoil buyrug'iga ko'ra, 1510-yil 12-dekabrda uning kallasi olinib, po'sti shilinadi, po'sti ichi somon bilan to'ldirilib, Safaviylarning G'arbdagi dushmanlari bo'lmish Usmonli turklar hukmdori **Sulton Boyazid II** huzuriga jo'natiladi. Shayboniyxonning bosh chanog'i esa shoh Ismoil uni oltin bilan qoplab, bazm-u jamshidlarda unga may quyib, qadah o'rnidagi foydalangan. Uning boshsiz tanasi Samarqanddagisi Baland Sufaga dafn qilingan.

Shayboniyxonning hayot tarixida e'tiborga molik uch muhim nuqta bor. U avvalo, O'rta Osiyoliklarning ichki kuchlariga tayanib yurishlar qilgan va oqibatda chegarasi Amudaryo doirasidan juda uzoqqa cho'zilgan bir mamlakatni barpo etgan buyuk sohibqironlarning oxirgisi edi. Bundan keyingi jangovar yo'boshchilar, mahorat va hirlari qanchalik katta bo'lsada, bu boradagi baxtomadga erisholmadilar. Ikkinchidan, bundan keyin O'rta va G'arbiy Osiyoda qabilalar urushi qat'iy tugadi. O'zbeklar Turon yaylovidan janubiy g'arbgaga tushgan qavmlarning eng so'ngi qabilasi bo'ldilar. Uchinchidan, ilk Amu va Sir daryolarining narigi tarafidagi musulmonlar bilan G'arbiy Osiyodagi din qardoshlari o'rtasida juda yaqin bo'lmasada, doimiy bir aloqa bor edi. Temuriylarning inqirozi va halokatlari bilan bu aloqa tamom bo'ldi. Xususan, Safaviylarning shialikni quvvatlashlari sababli aloqa uzilishi yanada chuqurlashdi. Shayboniyning ko'chmanchi qavmlari bilan bu o'lkanning shimol tarafiga yurishi, bunda tamomila ma'lum diniy-ijtimoiy o'zgarish qilgan (shialik tarqalishi) vaqtлага to'g'ri

kelgani uchun Mavarounnahr yanada tezroq mustaqil bo'lib oldi: juda qadim zamonlardagi kabi Mavarounnahrning suv hududi Turon bilan Eron orasida asosiy bir chegara holini oldi.

Shayboniyxon ruhoniyligida ulamolariga katta hurmat, hatto bolalarcha itoat qilib, barcha urush safarlarida o'zi bilan barobar kichkina go'zal kutubxonasini olib yurar, Temur kabi bu ham Damashq va Halab ulamosi bilan diniy munozaralarga qatnashgan. Qur'onning ba'zi bir oyatlari haqida Hirotning peshqadam tafsirchilari bo'lgan **Qozi Ixtiyor** va **Muhammad Yusufga** e'tiroz bildirgan edi. Shayboniyxonning islom dini borasida yaxshi bilimga ega ekanligini hatto Bobur ham tan oladi. Shuning uchun bo'lsa kerak Shayboniyxon o'zini chin musulmonlar, ya`ni sunna mazhabidagi musulmonlarning boshlig'i va ularning ximoyachisi deb hisoblardi. Shuning uchun ham Shayboniylar davrida yashagan olimlar xususan, shoir va tarixchilar uni "*Xalifa ur-Rahmon*" va "*Imom az-Zamon*" ya`ni "*davr imomi*" va "*tangrining yerdagi xalifasi*" deb ulug'laganlar. Bu nom Shayboniyxonga Hirot olingan yili (1506) berilgan.

Shayboniyxon maorif va madaniyat haqida o'z davrining ruhidan to'la xabardor va hatto maorif jihatidan oldinga Temur shahzodalarining aksaridan past emas edi. Zamonasidagi tengdosh shoirlarning aksariyatidan ortiq darajada qalam sohibi bo'lgan. Chunki uning she`rlari buyuk bir iqtidor va go'zal tabiatga molik ekanini, u ham turkiy ham forsiy ham arabiylardan tillardan asosli suratda voqif ekanini ko'rsatmoqda. Sulton Husayn Boyqaroning vafotidan keyin bir siqim donga muxtoj qolgan ko'pgina ulamolar Shayboniydan panoh topdilar. U ulamolarni xizmatga olib, munosib vazifalar berdi. Buxoro, Samarcand, Toshkentda masjidlar, madrasalar solishga amr etdi. Hatto harbiy yurishlarda ham o'z atrofida bir necha ulamo bo'lgan va bular unga hurmat hamda sadoqat ko'zi bilan qarashgan.

Shayboniyxon davlatni iqtisodiy va siyosiy jihatdan mustahkamlash yo'lida qator islohotlar o'tkazdi. Birinchidan u davlat boshqaruvida *suyurg'ol tizimi* joriy etdi, ya`ni zabit etilgan hududlarni boshqarish ishini o'z farzandlariga, qarindosh-urug'lariga, birodarlariga, qabila boshliqlari bo'lgan sultonlarga topshiradi. Xususan, Balx – Sultonshohga, Hisor – Mahdi va Hamza sultonlarga, Andijon – Mahmud sultonga, Qunduz – Ahmad sultonga, Hirot – Jonvafobiya, Marv – Qo'biz naymanga, Toshkent – Suyunxojaga, Xorazm – Kepakbiy qushchiga, Samarcand va Kesh Muhammad Temurga, Buxoro va Qorako'l – Mahmud sultonga, Turkiston esa Ko'chkunchixonga taqdim etilgan.

Samarcand poytaxt sifatida xon taxtiga o'tqaziladigan joy hisoblangan. U yerda xon sharafiga xutba o'qitilgan va pul zarb etilgan.

Ikkinchidan, u mamlakatda yer-suvni qaytadan taqsim qildi. Ko'chmanchi qabila zodagonlari yengilgan mahalliy mulkdorlar mol-mulkini musodara qilish, sotish, egasiz qolgan yerlarni o'zlariniki qilib olish yo'li bilan mulklarini ko'paytirib oldilar.

Uchinchidan, mamlakat ichida ijtimoiy hayotni tartibga solishga imkon beruvchi islohot ham o'tkazdi. Keyingi 10 yil ichida soliqlar og'irligidan va mulkdorlar jabr-zulmidan yer-suvarini tashlab ketgan xo'jaliklar yerlarini ishga tushirish masalasi ko'rib chiqdi.

To'rtinchidan, Shayboniyxon 1507-yilda pul islohotini o'tkazdi. Bunga ko'ra mamlakatning hamma katta shaharlarida vazni bir xil – 5,2 gramm bo'lgan yangi kumush tangalar hamda mis chaqa pullar zarb qilinib muomalaga chiqarildi. Bu islohot iqtisodiyotni tartibga solish va savdo-sotiqni jonlantirish maqsadida o'tkazilgan edi. Ayni paytda bu islohot markaziy hokimiyatning siyosiy va iqtisodiy mavqeini kuchaytirishga, mahalliy hokimlar mavqeini esa kuchsizlantirishga, dehqonlarning soliq to'lash imkoniyatini oshirishga, davlat v axon mulkini ko'paytirishga imkon berdi.

Beshinchidan, Shayboniyxon ta'lim sohasida ham islohotlar o'tkazdi. Bu islohotning o'tkazilishiga amaldorlar guruhini vujudga keltirish va ularni jamiyatning asosiy tayanchiga aylantirish zarurati sabab bo'ldi. Xonlarga va sultonlarga barcha sohalar bo'yicha ilmi, diplomat qobiliyatiga ega bo'lgan amaldorlar zarur edi. Islohotga ko'ra, ko'p bosqichli o'qitish tizimi joriy etildi. Ta'limning qiyu bosqichi maktab hisoblandi va bolaga 6 yoshidan ta'lim beriladigan bo'ldi. Maktabda ikki yil o'qigach o'quvchilar madrasaga o'tkazilardi. Madrasada 3 bosqichli ta'lim joriy etilgan bo'lib, uning har bir bosqichida 8 yildan o'qilardi. Shunday qilib, o'qish 26 yil davom etardi.

Shayboniyxon tomonidan amalga oshirilgan bu kabi va boshqa tadbirlar o'z mohiyatiga ko'ra markaziy hokimiyatni mustahkamlashga, shayboniy xonlari va beklari hukmronligi kuchayishiga xizmat qilishi zarur edi.

KO'CHKUNCHIXON
Ko'chkunchixon ibn Abulxayrxon (ko'chim)
(?-1530-y.)
(1510-1530)

Shayboniylar sulolasidan bo'lgan xon. **Abulxayrxon** va **Robiya Sultonbegim** (Ulug'bek mirzoning qizi)ning farzandi, Shayboniyxonning amakisi. Shayboniyxon tomonidan Turkiston viloyati hokimi etib tayinlangan(1503-1509-y.). Movarounnahr xoni (1510-1530-y.). Shayboniylarning Movarounnahrni bosib olish uchun qilgan yurishlarida faol ishtirok etgan. 1512-yil 28-apreldagi jangda shayboniylar Bobur bilan uning ittifoqchisi safaviylar qo'shinini tor-mor qilib, Samarkand taxtini qo'lga kiritdilar va Ko'chkunchixon hukmronligi qayta tiklandi. Uning davrida Shayboniylar Safaviylar bilan urushib, ikki marta (1513/14:1529-y.) Hirotni egallaganlar, Bobur sultanati poytaxti Agra shahriga elchilar yuborilgan. Elchilar Bobur tomonidan tuhfalar bilan kutib olingan. Ko'chkunchixon nomi tarixda xongina emas, adabiyot, fan va madaniyat homiysi sifatida ham qolgan. Uning davrida ko'p asarlarni o'zbek tiliga tarjima qilish bobida katta ishlar qilingan: fors tilidan o'zbek tiliga Rashiduddinning „Jome at-tavorix”, Sharafuddin Ali Yazdiyning „Zafarnoma” asarlari tarjima qilingan, Buxoroda Abdulazizxon kutubxonasi ochilgan, masjid, madrasa, xonaqohlar ta'mirlangan.

ABU SAIDXON
Abu Said ibn Ko'chkunchixon
(?-1533-y.)

1530-1533-yillarda **shayboniylar** hukmdori. Uning davrida Movarounnahrda shayboniylar or'tasida Buxoro va Samarkand taxti uchun o'zaro nizolar davom etgan. U mashhur tasavvuf olimi bo'lmish o'z vaziri Ofoq Xojaning mudiri edi.

UBAYDULLAXON
Ubaydulla Sulton, Ubaydiy
(1486-yil, Xorazmning Vazir shahri yaqinidagi Tirsak mavzesi - 1540-yil 17-mart, Buxoro)
(1533-1539)

Buxoro xoni, shoir. **Shayboniylar** sulolasidan. *Muhammad Shayboniyxoming* jiyani, *Mahmud Sultoming* o'g'li. To'liq ismi *Abulg'oziy Ubaydulloh Bahodirxon ibn Mahmud Sulton ibn Shoh Budog' Sulton ibn Abulxayrxon*. Otasining iltimosiga ko'ra, unga *Xoja Ubaydulloh Ahror* o'z ismini bergan. Tasavvuf bo'yicha dastlabki saboqni otasining piri *Mavlono Muhammad Jozidan* olgan. Uga o'z davrining mashhur ulamolari *Fazlulloh ibn Ro'zbehon*, *Maxdumi A'zam*, *Mavlono Muhammad Azizon*, *Mavlono Xoja Muhammad Sadr* va boshqalar ustozlik qilgan. Xususan, unga davlat arbobi va sarkarda amir *Abdulla Yamaniy* (Buxoroda *Mir Arab* nomi bilan mashhur bo'lgan) harbiy san'atdan saboq bergen va o'ziga murid qilib olgan.

Xorazm va Buxoro hokimi bo'lgan otasi Mahmud Sulton Qunduzda vafot etgach (1504), unga *O'rusbek Do'rmon* (1512-yilda Ko'li Malikda bo'lgan jangda o'ldirilgan) otaliq qilib tayinlangan.

Ubaydullaxon amakisi Shayboniyxonning Xorazm (1505), Balx (1506), Hirot va Mashhad (1507)ga

qilgan harbiy yurishlarida qatnashgan.

Dastlab *safaviylar* qo'shinining Movarounnahr ichkarisiga bostirib kirishidan cho'chigan Ubaydullaxon va *Muhammad Temur Sultan* (Shayboniyxonning o'g'li) shoh *Ismoil I* bilan elchilar almashib, sulh tuzishga uringanlar. Shayboniylar sulolasining xoni *Ko'chkunchixon*ning asosiy noibi (1510-yildan) va Buxoro hokimi (1504-yildan) sifatida Ubaydullaxon dushmanga qarshi kurashga otlangan. 1511-yilda bo'lgan jangda yengilgan Ubaydullaxon va Ko'chkunchixon, Samarcand hokimi Suyunchxo'jaxon, shuningdek, Muhammad Temur Sultan va *Jonibek Sultan* o'z yaqinlari bilan Turkiston shahriga chekinadilar.

1512-yil 28-aprelda *Ko'li Malik jangida* Ubaydullaxon g'alaba qozonib, Buxoro va Samarcandni egallaydi. 1512-yil bahorida Ubaydullaxonning shijoati natijasida Movarounnahr yana shayboniylar qo'liga o'tdi. Biroq Ismoil I yuborgan *Najmi Soniy* boshchiligidagi 60 ming kishilik safaviylar qo'shiniga suyangan Bobur 1512-yil kuzida G'uzor va Qarshini egallaydi. Najmi Soniy qo'shini G'ijduvonni qamal qilishga kirishdi. Ubaydullaxon va Jonibek Sultan Karmanaga; Ko'chkunchixon va Temur Sultan Miyonkolga chekinib, hal qiluvchi jangga tayyorgarlik ko'rishadi. 1512-yil 24-noyabrdagi *G'ijduvon jangida* Ubaydullaxon boshchiligidagi qo'shin g'alaba qozongan.

1513-yil yanvarda Ubaydullaxon boshchiligidagi qo'shin Xurosonga harbiy yurishlar qilib, safaviylarga kuchli zARBalar berdi. 1513-yil 11-martda Ubaydullaxon Marvni egallaydi. Bu orada Ubaydullaxon Xorazmni ham egalla, o'g'li Abdulazizxonni hokim qilib tayinlaydi. Uzoq davom etgan harbiy to'qnashuvlardan so'ng Mashhad, Hirot (1529) va boshqa shaharlar egallandi. Ubaydullaxon Hirotdag'i murakkab vaziyatni tartibga solish (bu yerda shialarning ta'siri kuchayib ketgan edi) va uning Buxoro bilan aloqalarini mustahkamlashga katta e'tibor qaratgan. Ko'chkunchixon vafot etgach, uning o'g'li Abu Saidxon davrida ham Ubaydullaxon noiblik vazifasida qolgan.

1533-yilda Abu Saidxon vafotidan so'ng, turkiy an'anaga binoan sultonlar ichida eng yoshi ulug'i Ubaydullaxon Buxoroda shayboniylar sulolasining xoni qilib ko'tarilgan. Poytaxt ham Samarcanddan Buxoroga ko'chirilib, davlatning nomi rasmiy ravishda *Buxoro xonligi* deb atalgan. Ubaydullaxon hukmronligi davrida Buxoroning siyosiy, iqtisodiy va madaniy markaz sifatidagi mavqeい kuchaydi. Buxoroda *Mir Arab madrasasi*, Mirak Said G'iyos bog'i, Ko'hak (Zarafshon) daryosi ustida *Mehtar Qosim ko'prigi* va boshqa inshootlar qurildi.

Ubaydullaxon *yassaviya* va *naqshbandiya tariqatlariga* e'tiqod qilib, shayx sifatida muridlar ham tarbiyalagan. Ubaydullaxon «*Ubaydiy*», «*Qul Ubaydiy*», «*Ubaydulloh*» taxalluslari bilan o'zbek, fors va arab tillarida ijod qilgan. Uning uchala tildagi devonlarini o'z ichiga olgan kulliyoti keyinchalik Mir Husayn al-Husayniy tomonidan ko'chirilgan (1583). Ubaydullaxonning turkiy devonida 310 g'azal, 430 ruboiy, 11 tuyuq, 18 masnaviy, 7 muammo, 2 yor-yor mavjud. Shuningdek, devondan diniy-tasavvufiy va axloqiy-didaktik ruhdagi "Omonatnama", "Shavqnama", "G'ayratnama", "Sabrnama" manzumalari o'rin olgan. Forsiy devonida esa 163 g'azal, 418 ruboiy, 7 qit'a, 1 fard, 1 masnaviy, 1 tarje'band va 3 muammo bor. Arab tilidagi merosi 35 ga yaqin g'azal, qit'a va fardlardan iborat. Ubaydullaxon Ahmad Yassaviy asos solgan hikmatnavislik an'anasini rivojlantirgan. Undan 1786 baytdan iborat 220 dan ortiq hikmat etib kelgan. Ubaydullaxon ijodida diniy-tasavvufiy g'oyalar yetakchilik qiladi. Ubaydullaxon o'zbek va fors adabiyotidagi yirik ruboiynavislardan hisoblanadi. Uning bu 2 tildagi ruboilyari 850 ga yaqin. Xususan, o'zbek adabiyotida ruboiynavislardan hisoblanadi. Taraqqiyoti Ubaydullaxon nomi bilan bog'liq. Sho'ir she'rlarida o'zbek tilining boy imkoniyatlaridan, o'ziga xos xususiyatlardan mahorat bilan foydalangan.

Ubaydullaxon Buxoro yaqinida joylashgan Bahouddin majmuasidagi Daxmai shohon (Shohlar daxmasi)dagi shayboniylar xilxonasida dafn etilgan. Ubaydullaxon kulliyoti yagona nusxada O'zbekiston FA Sharqshunoslik institutining qo'lyozmalar fondida, «*Devoni Ubaydulloxon*» qo'lyozmasi Turkiyaning Nuri Usmoniya kutubxonasida, «*Masoil us-salot*» nomli terma bayozi Ko'niyodagi Izzatquyun xususiy kutubxonasida saqlanadi.

ABDULLAXON I
Abdullaxon I ibn Ko'chkunchixon
(XV asr oxiri - 1540-yil 14-sentabr, Samarqand)
(1540-yil mart-sentabr)

Shayboniylardan bo'lgan Mavarounnahr xoni. Abulkayrxomning nevarasi, Ko'chkunchixonning o'g'li.

1514-1540-yillarda Abdullaxon I Yassi (Turkiston)da hokimlik qilgan. 1540-yil martda shayboniy Ubaydullaxon vafot etgach, Buxoro xonligi 3 qismga bo'lingan davrda Samarqandda hukmronlik qilgan. Uning qisqa hukmdorligidan so'ng mamlakatda qo'sh hokimiyatchilik vujudga kelgan, ya`ni bir davlatda ikki hukmdor paydo bo'ldi.

Abdullaxon I Samarqandda Registon yaqinidagi Chihil (Chil) Duxtaron qabristonida dafn etilgan. Uning vafotidan so'ng Samarqanddagi shayboniyalar taxtiga ukasi Abdulatifxon o'tirgan.

ABDULAZIZXON
Abdullahizxon ibn Ubaydullaxon
(1509-1550)
(1540-1550)

Buxoro xoni bo'lgan shayboniy hukmdor (1540-1550). *Ubaydullaxonning* o'g'li. Dastlab 1538-1539-yillarda Xorazm hokimi bo'lgan. 1539-yilda otasi Ubaydullaxon vafot etgach, shayboniyalar sulolasi vakillari o'rtasida o'zaro nizolar avjiga chiqdi. Buning oqibatida Abdullaxon I ning qisqa hukmronligi (1539-1540)dan so'ng mamlakatda qo'shhokimiyatchilik vujudga kelib, Abdulazizzon **Buxoro xoni** (1540-1550), Ko'chkunchixonning o'g'li Abdullatifxon esa Samarqand xoni bo'lgan. Abdulazizzon otasi Ubaydullaxon vafotidan keyin Buxoro taxtiga o'tiradi, ammo Samarqand xoni uni bosh xon sifatidida tan olmaydi, natijada kelishmovchiliklar kelib chiqqan. Toshkent hokimi Navro'z Ahmadxon va Abdullatifxonlar Abdulazizga qarshi qo'shin tortadi. Abdulazizzon Balxga qochadi, biroq Jo'ybor shayxlari Toshkent, Samarqandlik hokimlari hokimlarni qo'llab-quvvatlaganlari uchun Buxoroni tashlab chiqib ketishga majbur bo'lishdi. U o'z hukmronligi davrida davlat va aholi manfaatlarini ko'zlab qator islohotlar o'tkazgan, ayrim soliqlar (tanob puli, tafovut, tavfiri va b.) ni bekor qilgan. Uning davrida to's-to'polonlar ko'p bo'lganligiga qaramay mamlakat obodligi va yurt qurishga kirishib, oliy imoratlar bino etdi. Xususan u Buxoro atrofini yangi mudofaa devori bilan o'rashga kirishgan (uni Abdullaxon II qurib bitkazgan bo'lib, 20-a. boshlarigacha saqlangan). U o'z otasi Ubaydullaxonga bag'ishlab shunday imorat quzdirdiki uni tariflashga til ojiz. Bundan tashqari u Buxoroda madrasa, Bahouddin Naqshband qabristonida xonaqohlar quzdirgan.

Abdulazizzonning ulkan bir jutubxonasi bor edi, o'sha paytda bunday kutubxona bo'lganmi, yo'qmi aytish qiyin. Uning kitobdori ham o'z zamonasida tengi yo'q naqqosh va xattot edi. "Bu kutubxona" – tarixiy manbalarda yozilishicha Xurosonga yurishlaridan birida Abdulazizzon qo'lida Husayn Boyqaro kitobxonasi tushgan. Maskur kutubxona asosida tashkil etilgan.

Abdulazizzon ilm va she'reriyat homiysi, o'ta taqvodor inson bo'lib, tasavvuf olimi Shayx Jalolning mudiri edi. U benazir husnihat sohibi bo'lgan, "**Aziziy**" taxallusi bilan g'azallar bitgan.

Abdulazizzon 41 yoshida 1550-yil 16-mayda vafot etadi. Qabri otasining yonida Ubaydullaxon sipposida joylashgan.

ABDULATIFXON
Abdulatifxon ibn Ko'chkunchixon
(?-1551-y aprel/may)
(1540-1551)

Samarqand xoni bo'lgan shayboniy hukmdor. U *Ubaydullaxon* va *Baroqxon* bilan birgalikda Xorazmni egallagan (1537-38-y.). 1541-yil Samarqandni Buxoro xonligidan mustaqil deb e`lon qilib mamlakatda ikki hokimiyatçilik vujudga kelishiga yo'l qo'ygan (1540-50-y.). Baroqxon bilan birgalikda Karmanaga yurish qilgan. Ammo Karmana hokomi Abdullaxon II bu hujumni qaytargan. Shariat jonkuyari bu xonning yaxshi hislatlari va ko'pgina taxsinga sazovor ishlari bor edi. U o'z xalqiga yomonlikni ravo ko'rmadi, ba`mani qiliqlarni batamom tiyildi va ziyofatlarni olim – fozillarsiz o'tkazmadidi. Uning davrida Samarqand shahri gullab yashnadi. Uning bog'lari Eram bog'laridan ham go'zalroq deb ta`riflanardi.

Abdullatifxon o'z qarindoshlari orasida ustun va shuhrati baland edi. Tarix fanini yaxshi bilar, ilmma` rifatlardan xabardor edi. Kecha-yu kunduzini teng soatlarga bo'libhar bir soatida munosib shu bajarar edi. Kuchli hofizlari bor edi. Gohida shoirlar va foziylar bilan suhbat qurar edi. O'zi esa she`r yozish bilan kam shug'ullangan bo'lsada, ammo „*Xush*” taxallusi bilan she`r yozgan. Abdullatifning topshirig'iga binoan Ma`sud ibn Usmon Ko'histoniy "Tarixi Abulxayrxoniy" nomli asar yozadi. Bu asar Ko'chmanchi o'zbeklar davlatiga olgan Abulxayrxonga bag'ishlanadi.

Abdullatifxon 1551-yilda may oyida vafot etadi. Undan Abdol Sulton va Gadoyxon ismli o'g'illar qolgan. Qabri Ko'chkunchixon madrasasi (Samarqand)da.

BAROQXON
Navro'z Ahmadxon ibn Suyunchxoja
(?-1556, Samarqand)
(1551-1556)

Shayboniylar sulolasidan bo'lgan xon. *Abulxayrxoning* nevarasi, Toshkent hokimi *Suyunchxojaning* kichik o'g'li. Otasi vafotidan so'ng Toshkent hokimi (1525-1551-y) so'ngra Movarounnahr xoni (1551-1556-y.). U yoshligida Vosifyidan she`riyat, musiqa, ashula, vazn va nazmdan ta`lim olgan. Ayni vaqtida chavandozlik va harbiy mashqlar bilan ko'proq shug'ullangan. Baroqxon XVI asr o'rtalarida Buxoro xonligida kuchayib ketgan feudal kurashdan foydalaniib, Movaronnahrni qo'lga kiritib oldi. So'ngra qo'shin bilan Shayboniyxonning jiyani *Muhammad Rahimi* Buxoro ustiga otlantirdi. Lekin Muhammad Rahim yo'lida to'satdan vafot etdi. Uning o'g'li Burxon sulton otasiga qarashli harbiy qismlar va mulozimlari bilan Buxoro ostonasiga yetib keldi. Ayni shu vaqtning o'zida Baroqxon Toshkentdan, Abdulatifxon esa Samarqandda Buxoro ustiga qo'shin tortib, oxir-oqibat uni egalladilar (1540). Baroqxon Burxon sultonni Buxoroni boshqarishda vaqtinchha hukmdor bo'lib turgan Muhammadyor sultonga sherik qilib qo'ydi. Ittifoqchilar (Baroqxon va Abdulatifxon) Burxon sultonni ham o'zlariga qo'shib Miyonkol hukmdorlari Iskandarxon va Abdullaxonga qarshi yurish boshladilar. Abdullaxon miyonkolni Baroqxonga qoldirib, Balxga ketishga majbur bo'ldi va u yerdan turib amakisi Balx xoni Pirmuhammadxonning yordami bilan Baroqxonga qarshi uch marta (1553,1554,1555) qo'shin tortdi, lekin har gal mag'lubiyatga uchradi. Baroqxon Abdulatifxon vafotidan keyin 1551-yilda Samarqandni ham egalladi.

Shunday qilib, 1551-1556-yillari Baroqxon Movarounnahrni Navro'z Ahmadxon nomi bilan idora qildi. U o'z nomidan pul zarb ettirdi. Movarounnahrning ko'pgina shaharlarida uning nomi xutbag'a qo'shib o'qildi. U obodonchilik ishlariiga e`tabor bergan, madrasalar qurdirgan ("Baroqxon madrasasi"-1531/32-XVI asrning 2-yarmi). Hofiz Tanish Buxoriyning „Abdullahima” asarida qayd etilishicha, Baroqxon 1556-yilda Zarafshon daryosidan boshlangan Darg'om kanalining bosh inshooti – Ravotxoja

to'g'onini tuzattirish uchun kelgan va shu yerda to'satdan vafot etgan. Uning davrida Movarounnahr bilan Yaqin va O'rta Sharq mamlakatlari, Hindiston, Xitoy, Sibir o'ttasida savdo-sotiq, elchilik munosabatlari rivojlangan.

PIRMUHAMMADXON I
Pirmuhammadxon ibn Jonibek sulton
(?-1567-y. 12-mart)
(1556-1561)

Balx hokimi (1546-67). *Shayboniylar* xoni. Uning davrida Balx hokimligi kuchayib to'liq mustaqil xonlikka aylangan. Buxoro xoni *Abdulaziz* (1540-50) Balxning mustaqilligini barham berish maqsadida katta harbiy yurishga otlangan, biroq bu safar unig vafoti tufayli qoldirilgan. Buxoro taxtiga Muhammadyor sulton o'tqazilgan. Pirmuhammad ta`ziya bildirish uchun Buxoroga kelib, turli nayranglar bilan taxtni egallab olgan(1550-y. 18-avgust). Biroq amaldorlar va ulamolarning aksariyati uni qo'llab quvatlamagan. Jo'ybor xojalaridan Xija Muhammad Islom ham uni tan olmagan. Pirmuhammadxon shundan so'ng Buxoro taxtiga o'z kishisi – shayboniylardan Umarg'ozi Sulton(O'zbekxon)ni o'tqazishga ko'p uringan. U Buxoro oily hukmdori sifatida bir yilcha turgan, lekin amirlar va eshon Xoja Muhammad Sultondan ko'mak ololmagach, Buxoroni tark etishga, taxtni yana Muhammadyor Sultonga qaytarishga majbur bo'lган. Movarounnahrdagi ichki nizolar kuchaygan davrda (1551-56-y.) Pirmuhammad jiyani Abdullaxonni (*Abdullahxon II*) Navro'z Ahmadxonqa qarshi kurashini quvvatlab turgan. Navro'z Ahmadxonning o'limidan foydalangan Abdullaxon Buxoroni egallagan.Pirmuhammad nomiga xutba o'qilgan. Pirmuhammadxon 1561-yil 18-aprelgacha shayboniyarning oliy xoni bo'lib qolgan, garchi uning nomiga xutba o'qilgan va tanga pullar zarb qilingan bo'lsada, u faqat nomiga xon edi. Badahshon va Balxdagi notinchliklar tufayli Pirmuhammad Balxni tark etib, Buxoroga kela olmasdi. Shuning uchun 1557-yildan amalda Abdullaxon hukmronlik qilgan. Badaxshon hokimi temuriy Sulaymonshox 1560-y. iyul-avgustda Balxga yurish qilganda Pirmuhammadxon Abdullaxon II dan yordam so'ragan. *Chashmai koziron degan* joydagi jangda shayboniylar g'alaba qozongan. Bundan ruhlangan Pirmuhammadxon ToxaristondagiQunduz va Toligon shaharlarini egallah maqsadida 1560-yil 5-sentabr oyida yurish qilgan. 1561-yilda Pirmuhammadxon bilan Abdullaxon II o'ttasida ixtilof yuzaga kelgan, bunga sabab Pirmuhammadxonning Buxoroni Abdullaxon II dan tortib olib, evaziga Balxni bermoqchi ekanligi bo'lган. Biroq bunga Pirmuhammadxonning o'g'li Dinmuhammad sulton norozi bo'lib, otasiga qrshi isyon ko'targan. Xoja Muhammad Islom ham bunga qarshi chiqqan. Abdullaxon II Karmanadan otasi Iskandarxonni keltirib taxtga o'tqazgan(1561-yil may) va Pirmuhammad nomini xutbadab chiqarib tashlagan.

Pirmuhammadxon faol ichki va Tashqi siyosat yurgizgan. Uning davrida Balx xonligi Abivard, Marv viloyati va Termiz hisobga kengaygan. Janubdagagi Gurzuvon va Garchiston viloyatlari chegaralari mustahkamlangan.

ISKANDARXON
Iskandarxon ibn Jonibek Sulton
(?-1583-y. 22-iyun)
(1561-1583)

Shayboniylar xoni. Uning onasi Toshkent hokimi Sulton Mahmudxon (Boburning tog'asi)ning qizi bo'lган. Iskandarnon 15 yoshida Samarcand sug'diga qarashli Ofarinkent (Miyonkol) nohiyasida hokimlik qilgan, otasi favot etgach (1539-y.), Karmana hokimi bo'lган. 1561-yil Iskandarxon o'g'li Abdullo sulton (AbdullahxonII) Buxoroni egallab amakisi Pirmuhammad (Balx hokimi) o'rнига отаси

Iskandarxonni butun o'zbeklarning xoni(xonlar xoni) deb e`lon qilgan. Iskandarxon yoshligida jangari, irodali kishi bo'lgan esada – keyinroq taqvoga juda berilib ketgan. Shatiat ahkomlariga to'la riox qilgan, lochin oviga mohir bo'lgan, deyarli davlat ishlariga aralashmagan, shu sababli Nisoriy „Muzakkiri ahbob“hi bosh xonga emas, AbdullaxobII ga bag'ishlagan va Iskandar Sultonni faqat oly hukmdor sifatida madh etgan. U taniqli tasavvuf olimi, Mahdumi A`zam Kosoniyning mudiri va shogirdi edi. Iskandarxonni ***darvishlar podshohi (podshohi darvishon)*** deb ham atashgan.

ABDULLAXON II

Abdulla ibn Iskandarxon ibn Jonibek sulton ibn Xoja Muhammad ibn Abulkayrxon
(1534-Miyonkol, Ofarikent qishlog'i - 1598-yili 8-fevral Samarqand, Buxoro yaqinida Bahouddin majmuasiga dafn etilgan)
(1583-1598)

O'zbek davlatchiligi tizimidagi Buxoro xonligining ***shayboniylar*** sulolasidan eng yirik hukmdor (1583-1598), davlat arbobi, sarkarda, ilm-fan, ma'rifat, madaniyat homiysi. Toshkent hokimi Baroqxon (Navro'z Ahmadxon) bilan Koson yonida (1548), Mo'ngiliston xoni Abdurashidxon va shayboniylardan Do'stum sultonlar qo'shiniga qarshi Forob yonida (1554) jang qilgan. Yosh Abdulla sulton o'zining hukmdor sifatidagi butun g'ayrat shijoatini 1551-yil Karmanada namoyish etgan; viloyatga Toshkentdan *Baroqxon* va Samarqanddan *Abdullahifxon* hujum qilganlar, ***Iskandar sulton*** Amudaryo ortiga qochgan. Abdulla sulton otasi vazifasini o'z zimmasiga olib bu hujumni muvaffoqiyatli qaytargan. Keyingi yillarda (1552-56-y.) o'z mulkini G'arbg'a – Buxoro tomonga va janubi-sharq – Qarshi va Shahrisabz tomonga kengaytirishga intilgan. Bu say-harakat dastlab muvaffaqiyotsiz chiqqan, xatto 1556-yilda u ota meros mulkini tashlab Maymanaga qochishga majbur bo'lgan. U amakisi, Balx hokimi Pirmuhammaddan harbiy yordam olib va piri Xoja Muhammad Islom ko'makida Baroqxon, keyinchalik uning o'g'illari Darveshxon va Bobo Sultonlarga qarshi uzoq muddat kurash olib borgan. Navro'z Ahmadxon (Baroqxon) vafot etgach (1556-y.), darhol Karmana va Shahrisabzda o'z hukmronligini tiklaydi, 1557-yili mayda Buxoroni qo'lga kiritadi va uni o'z poytaxtiga aylantiradi. 1561-yilda otasi - Iskandarxonni davlat boshlig'i - xon deb e`lon qilib, uning nomidan mamlakatni o'zi boshqara boshlaydi. Markaziy hokimiyatga bo'y sunishdan bosh tortgan shayboniy sultonlar bilan kurashib, Balx (1574-y.), Samarqand (1578), Toshkent, Sayram, Turkiston (1583) va Farg'ona (1583-y) ni egallaydi. 1582-yilda Dashtga yurish qilib, Ulug'tog'ga qadar borgan. 1583-yilda otasi Iskandarxon vafot etgach mamlakatni o'z nomidan boshqara boshlaydi. Markaziy hokimiyatga qarshi ko'tarilgan Maymana va Garchiston (1583-y.), shuningdek, Badaxshon (1585)dagi g'alayon, tartibsizliklarni bostirgan. Xorazmga ikki marta yurish (1594 va 1596) qilib, u yerda markaziy hokimiyat hukronligi qayta tiklangan. Abdullaxon II safaviylar bilan Xuroson, Gilon uchun kurashib o'z tasarrufiga kiritgan. Sharqiy Turkistonga qilingan yurishda Qashqar va Yorkent viloyatlarini olgan. Boburiylar ham Badaxshon, Shimoliy Afg'oniston va Xuroson uchun Abdullaxon IIga qarshi kurashganlar. Abdullaxon II bunga qarshi Sind (1583), Kashmir(1586) ni egallab davlatning janubiy chegaralarini mustahkamlagan. Abdullaxon II davrida mamlakat hududi Qashqardan Orol va Kaspiy dengizlari sohillarigacha, Turkiston va Sayramdan Xurosonning sharqiy qismigacha bo'lган yerdan iborat edi. Abdullaxon II hayotining so'ngi yillarda o'g'li Abdulmo'min bilan chiqishmay qolgan. Ular o'rtasidagi munosabatlar keskinlashganidan habar topgan qozoq xoni Tavakkalxon Toshkent viloyati va Toshkent – Samarqand oraliq'idago yerdarga bostirib kirib, unga qarshi yuborilgan qo'shinni yengan. Unga qarshi safarga otlangan Abdullaxon II Samarqandga yetganida o'g'li Abdulmo'min 1598-yil 8-fevralda amir Muhammad Boqibiy bilan kelishib otasi Abdullaxon II ni zaxarlab o'ldiradi.

Abdullaxon II faol tashqi siyosat olib borgan. Uning mamlakat ichki siyosatidagi, davlat boshqaruv tizimini mustahkamlash, ayniqsa pul islohati o'tkazish yo'lidagi faoliyati natijalari keyingi davrlarda ham saqlanib qolgan. U ko'plab turli inshootlar qurdirgan.

Uning davrida mamlakatda shaharsozlik, adabiyot, ilm-fan taraqqiy etgan. Buxoro madaniyat, ilm-fan markaziga aylangan. Hofiz Tanish Buxoriyning „*Abdullahoma*“ („*Sharafnomayi shohiy*“) (1584-89), *Amin Ahmad Roziyning „Haft iqlim“* (1583), *Mutribiyning dunyo xaritasi ilova qilingan „Taskirati shuar“* (taxminan 1593-95) va boshqa ilmiy asarlar yaratilgan. Buxoroda mashhur Abdullaxon madrasasi tashkil qilingan. Hasanxo'ja Nisoriyning „*Muzakkiri ahbob*“ asari Abdullaxon II ga bag'ishlangan.

Abdullaxon II ning o'zi ham istedodli shoir bo'lib, „*Xon*“ taxallusi bilan o'zbek va fors tillarida she`rlar yozgan.

ABDULMO'MIN
Abdulmo'min ibn Abdullaxon
(1568-1599)
(1582-1599)

Balx va Badaxshon hokimi (1582-1598). 1598-99-yillarda Buxoro xoni bo'lgan. 1589-yildan otasi **Abdullaxon II** bilan munosabatlari keskin yomonlashgan. Chunki Abdullaxon II Hirotni *Safaviylardan* qaytarib olgach, uni o'z o'g'li qolib, *Qulbobo Ko'kaldoshga in`om* qiladi. Buning ustiga u Xurosondagi noiblari – Qulbobo ko'kaldosh, Dinmuhammad sulton va boshqa;arga yozma farmon jo'matib, Abdulmo'minga itoat etmaslikni va xatto biror qulay fursatdan foydalanib uni jisman yo'q qilishni buyuradi. Shuningdek, u Niso, Obivard va Durun hokimi Nurmuhammadxonni qollab- quvvatlab uni Abdulmo'minga qarshi urushga undaydi. Bundan darg'azab bo'lgan Abdulmo'min 1597-yilning kuzida otasiga qarshi bosh ko'tarib, Balx va Badaxshon qo'shini bilan Amudaryo bo'yiga kelgan. Abdullaxon II ning qo'shini Nasaf (Qarshi) atrofida joylashgan. Abdullaxonga ko'makka viloyat hokimlari – masalan, Aksi va Andijon hokimi O'zbek sulton o'z qoshinlarini yuborgan. Buxoro va Balx ulamolari aralashuvi bilan Abdulmo'min va Abdullaxon II o'rtasidagi nizolarga vaqtincha barham berilgan. Abdulmo'min 1598-yil 8-fevralda amir Muhammad Boqibiy bilan kelishib otasi Abdullaxon II ni zaxarlab o'ldiradi. Abdulmo'min otasi Abdullaxon II vafot etgach, Buxoroga qaytib taxtni egallagan. taxtga o'tirganidan so'ng, otasining yaqin kishilari hamda o'zining Farg'ona va Toshkentdag'i barcha shayboniy qarindoshlarini zolimlarcha qatl ettirishi mamlakatda isyon ko'tarilishiga olib kelgan. U Eron safaviyлari bilan Xuroson uchun kurashni davom ettirgan. Abdulmo'minning taxtga o'tirganidan olti oy o'tgach, Zomindan Samarqand tomon keloyatganda otasining amirlaridan biri – Abdulvoze` uni otib o'ldiradi.

Abdulmo'min mo'ng'ullar vayron qilgan Balx qal`asini qayta qurdirgan, Balxdagi *Xoja Abu Nasr Porso* mozorida hashamatli ko'shk bunyod ettirgan.

PIRMUHAMMAD II
Pirmuhammad ibn Sulaymon sulton
(1599-1601-yillarda hukmronlik qilgan)

Shayboniyilar davlatining so'ngi hukmdori. **Abdulmo'min**ning amakisi. Dastlab Balx hokimi bo'lgan. Abdulmo'min o'ldirilgach, Buxoro xonligi taxtiga o'tqazilgan va davlatni 1601-yilgacha idora etgan. Uning davrida markaziy hokimiyat nihoyatda zaiflashgan. 1601-yili Samarqand hokimi Boqimuhammadni poytaxt ixtiyorida tutish niyatida taxminan 50 ming qo'shin bilan unga qarshi chiqadi. Pirmuhammad Bog'i shamol atrofida mag'lubiyatga uchraydi. Buxoro taxti esa Boqimuhammad qo'liga o'tib u xon deb ko'tariladi. Shu tariqa shayboniylarning bir asrlik hukmronligiga nuqta qo'yildi. Mamlakat va davlat tig'inini endi yangi sulola – „*Ashtarxoniyilar*“ o'z qo'llariga oladilar.

**- ASHTARXONIYLAR DAVLATI HUKMDORLARI -
(1601-1756)**

**BOQIMUHAMMADXON
BOQIMUHAMMAD IBN JONIBEK SULTON**
(? - 1605),
(1601-1605)

Ashtarkoniylardan bo'lgan Buxoro xoni. *Shayboniyilar* sulolasining so'nggi vakili *Pirmuhammadxon* (1598-1601) 1599-yilda Boqimuhamedni alohida xizmatlari uchun Samarqand hokimi etib tayinlagan. Shunday bo'sada u tez orada o'z mavqeini mustahkamlab olib, Pirmuhammadxonga itoat etmay qo'ygan va hatto unga qarshi urushga hozirlik ko'ra boshlagan. 1601-yil uyunda Pirmuhammadxon Samarqand yaqinidagi *Bog'i Shamol* degan joyda Boqimuhamed bilan jang qilib, mag'lubiyatga uchragan. So'ng, Boqimuhamed Buxoroga kirib, xonlik taxtini egallagan. Shu tariqa Buxoroda yangi sulola – "*Ashtarkoniylar*" hukmronligi boshlangan.

Boqimuhamed o'z hukmronligi davrida xonlik hududi yaxlitligi saqlab qolish o'ziga qadar o'tgan xonlar qo'lidan chiqargan yerlarni dushmanidan qaytarib olish maqsadida ko'plab urushlar qilgan. *Abdullahxon II* o'limidan so'ng turkmanlar yordamida Buxoroga bo'ysunmaslik yo'llini tutgan Xorazm masalasini Tinch yo'l bilan hal etdi. Chunonchi, Boqimuhamed Balx taxtiga da`vo qilib isyon ko'targan (1601 fevral) ashtarkoni shahzodalar- Abbas sulton va Rahmonquli sultonlarni mag'lub etgan (1602-yil bahor) va Balxga o'z ukasi Valimuhammadni hokim etib tayinlagan. Eron shohi Abbas I Balxni bosib olish, so'ngra Boqimuhamedni taxtdan ag'darib, uning o'rniiga Shayboniylardan Muhammad Salim sultonni o'tqazish va bu bilan Buxoro xonligida Ashtarkoniylar hukmronligiga chek qo'yish maqsadida katta qo'shin bilan yurish qilganda, Boqimuhamed Amudaryo bo'yidagi Puli Xataba degan joyda unga peshvoz chiqib(1602-yil iyul), Eron qo'shinini butunkay tor-mor keltirgan. Shoh Abbas I esa qolgan-qutgan askarlari bilan arang qochib qutulgan. 1603-yil 25-martda Boqimuhamed temuriylardan Kobul hokimi Muhammad Hakim badiuzzamon bosib olgan Qunduz shahrini uch oy qamal qilgach, yana qayta qo'lga kiritgan. Boqimuhamed endilikda Xurosonda ham Buxoro hokimiyatini Tiklash maqsadi yo'lida harakat qila boshladi. Xuroson yurishi 1604-yilga mo'ljallangan edi.Ammo, 1604-yilda Qozoq xoni *Keldimuhammad* qo'shinini buxoro hududidan haydar chiqara oldi. Buning uchun esa ancha vaqt zarur bo'ldi. Buning ustiga Boqimuhamedxon 1605-yilda vafot etdi.

Boqimuhamed mamlakatni idora qilish tizimi va soliqlarni tartibga solish, qo'shinni qayta tashkil qilish kabi qator islohatlar o'tkazgan, savdo-sotiq, hunarmandchilik, obodonchilik ishlariga katta e'tibor bergan.

**VALIMUHAMMADXON
Valimuhammad ibn Jonibek sulton**
(?- 1611-y. 27-avgust)

Ashtarkoniylardan bo'lgan Buxoro xoni (1605-1611). Akasi Boqimuhamedxon davrida Balx noibi (1599-1605). Boqimuhamed vafotidan so'ng Buxoro taxtiga o'tqazilgan. Valimuhammadxonidan so'ng Balx hokimi bo'lgan Nadrmuhammadxon boshliq mahalliy amaldorlar Imomqulixonni Buxoro taxtiga o'tqazish uchun Valimuhammadxonga qarshi fitna uyushtirganlar. 1611-yilning bahorida Valimuhammadxon Imomquli va Nadrmuhammadxonlar bilan bo'lgan kurashda yengilgach Imomqulixon Buxoro xoni deb e`lon qilingan. Valimuhammad esa ikki o'g'lini olib Eron shohi Abbas huzuriga qochib borgan. Amirlar Boqimuhamedxonning o'g'li Imomqulixonni taxtga o'tqazganlar.

Valimuhammad Abbas yordamida Movarounnahrni qaytarib olishga harakat qilgan. Tarixchi Muhammad Yusuf munshi „*Tarixi Muqimxoniy*“ asarida yozishicha, shoh Abbas Imomqulixonga qarshi kurashish uchun Valimuhammadxoniga 80 ming kishilik qizilboshlilar qo'shinini bergan. Biroq Samarqand atrofidagi Bog'i Shamolda bo'lган jang (1611-yil avgust)da Imomqulixon g'alaba qozongan, Valimuhammad asir olinib qatl etilgan.

IMOMQULIXON

Imomqulixon ibn Dinmuhammadxon

(1589-1650)

(1611-1642)

O'zbek davlatchiligi tizimidagi **ashtarkoniylar** sulolasini boshqargan Buxoro xonligi hukmdori. Valimuhammadxon Erondan olib kelgan qo'shinga qarshi Buxoro xalqining kurashiga rahbarlik qilib qozoqlar yordamida eronliklarni tor-mor keltirgan. So'ngra 1611-yil Sirdaryoning quyi oqimidagi hududlarga yurish qilib isyonkor, qozoq, qalmoq, qoraqalpoqlarni bo'ysuntirgan. Imomqulixon 1613-yil Toshkentni egallab o'g'li *Iskandarni* hokim etib tayinlagan. Ammo, shahar aholisi uning nojo'ya xatti harakatlaridan norozi bo'lib isyon ko'tarib Iskandarni o'ldirgan. Bundan g'azablangan *Imomqulixon* Buxoro, Balx va Badaxshon viloyatlaridan qo'shin yig'ib kelib, Toshkent aholisini qirg'in qilgan (Toshkent qirg'ini). Buxoro xonligida ichki nizolar juda kuchli bo'lgan. Toshkent, Balx, Samarqand viloyatlari ochiqdan-ochiq markaziy hokimiyatga qarsh siyosat yurgizishardi. Imomqulixon bu kurashlarga barham bergan. U darveshlarni qo'llab quvvatlagan, atrofiga olimlar va shoirlarni to'plagan, o'zi ham she`rlar yozgan. O'sha zamon manbalarining birida shunday yozilgan „*Imomqulixon nochorlar ishini yengillashtirdi, arz bilan kelganlarni qaytarmadi, uning zamonida na kambag'al va na bechora qolmagandi. Chiqargan buyruqlari ijrosi borasida amaldorlariga qattiq turdi, qorong'u tushishi bilan oddiy kiyim kiyib, vaziri va qo'rchi bilan bozorlaru- mahallalarni aylanib oddiy xalqning haqiqiy turmush ahvolidan bohabar bo'lib turardi. Buni xalq bilgani uchun ham Imomqulixon hukmronligi yillari mamlakatda biron marta ham isyon ko'tarilmagan*“. Ko'chmanchilar bilan olib borilgan muvaffaqiyatlari janglar natijasida u 30 yildan ortiq hukmronlik qilgan.

Bu davrda mamlakatda markaziy davlat hokimiysi kuchaygan. Hindiston, Eron va Rossiya bilan elchilik munosabatlarini o'rnatgan. Rossiyaning josus elchisi I.D.Xoxlov 1620-22-yillarda Buxoroda bo'lgan. Imomqulixon ko'r bo'lib qolgach, 1642-yilda taxtni ukasi Nadrmuhammadga topshirgan. O'zi hajga ketib umrining oxirigacha o'sha yerda bo'lgan. U Madina shahrida chor bog', Makkadagi Ka`baga kiraverish darvozalaridan biri ostonasi uchun oltin va kumush tutqichli yog'och zina qurdirgan. Buxoroda Imomqulixon hukmronligining oqibati shu bo'ldiki, uning davrida xon hokimiysi nisbatan mustahkamlandi. Nufuzli amirlar va zodagonlar ham xon hokimiyatiga nisbatan dushmanlik munosabatlarini to'xtatib turishga majbur bo'ldilar. Biroq, shunga qaramay, Imomqulixon mamlakatdagi siyosiy tarqoqlikning oldini ololmadi.

NADRMUHAMMADXON

Nodir Muhammadxon ibn Dinmuhammadxon ibn Jonibek sulton

(1592- taxm. 1651)

(1642-1645)

Ashtarkoniylardan bo'lgan Buxoro xoni. 1606-1642-yillarda Buxoro hokimi bo'lgan. Uning davrida mamlakatda ichki nizolar kuchayib, xatto farzandlari (12 ta og'li) ham unga bo'ysunmay qo'ygan. Bunga uning o'ta takabburligi, milk-mulkka o'chligi, qaysarligi sabab bo'lgan. Bu esa aholining umumiylor noroziligini keltirib chiqargan. Bundan tashqari, Shimoldan ko'chmanchilar mamlakat hududiga hujum qilib uni talon-taroj etmoqda edilar. Nadrmuhammadxon ularga qarshi o'g'li *Abdulazizni* yuboradi. Biroq Nadrmuhammadxonidan norozi amirlar harbiy safar chog'ida

Abdulazizni xon deb e`lon qiladilar. Bundan habar topgan Nadrmuhammadxon Balxga ketishga majbur bo`lgan va Boburiy Shohjahondan yordam berishni so`ragan Shohjahon ikki o`g`li (Murodbaxsh va Avrangzeb) ni katta qo'shin bilan Balxga jo'natib, ularga viloyatni bosib olishni topshiradi. Boburiylarning niyatidan voqif bo`lgan Nadrmuhammadxon ularga qarshi chiqib, Maymana yo'lida jangda yengiladi va Eronga shoh Abbas II panofiga qochadi va u yerda ikki yarim yilcha qolib ketadi. Boburiylar Balx viloyatini ikki yil g`orat qilishgan. Mutassil janglar, mamlakatdagi ocharchilik, qattiq qish Hindistonlik askarlarga salbiy ta`sisi ko`rsatgan. Shohjahon askarlarini Hindistonga chaqirib olishga majbur bo`ladi. Balxni esa Erondan taklif etilgan Nadrmuhammadxoniga topshiradi. Bu Nadrmuhammadxonning o`g`illarini yana tashvishga solib, ularni birlashishiga majbur qilgan. Abdulazizzon ukasi Subhonqulini Balxga noib etib tayinlaydi (1651). Nadrmuhammadxon taxtdan voz kechib, Makkaga, haj safariga ketishga majbur bo`ladi va yo`lda vafot etadi. Madina yaqinidagi akasi Imomqulixon qabri yoniga dafn etilgan. Mahmud ibn Vali Nadrmuhammadxon farmoni bilan mashhur asari - „*Baxr ul-asror*“ („Sirlar dengizi“) ni yozadi.

ABDULAZIZXON

Abdulazizzon ibn Nadrmuhammadxon

(1614- Balx -1681)

(1645-1680)

Ashtarkoniylardan bo`lgan Buxoro xoni. Buxoro xoni Nadrmuhammadxonning o`g`li. 1626-yildan *Xuttalon* hokimi, 1630-yildan *Balxning* g`arbiy tumanlari hokimi, 1645-yilda bir guruh fitnachi amirlar otasi Nadrmuhammadxonning poytaxtda yo`qligidan foydalanib Abdulazizni Buxoro xonligi taxtiga o'tkazgan. U markaziy hokimiyatni mustahkamlashga harakat qilgan, mamlakat obodonchiligiga birmuncha hissa qo'shgan. Buxoroda ko'pgina muhtasham binolar qurdirgan (**Abdulazizzon madrasasi** -1652-yilda qurilgan va b.).

SUBHONQULIXON

Subhonqulixon ibn Nadrmuhammadxon

(1625-yil, Buxoro - 1702-yil 14 -sentabr)

(1680-1702)

Ashtarkoniylardan bo`lgan Buxoro xoni. 1651-80-yillarda Balx hokimi. **Nadrmuhammadxon** Buxoro xoni bo`lgach, o`gli Subhonqulixonni Soli Saroy shahri, so`ngra Balx viloyati hokimi qilib tayinlaydi (1642). Ko`p o'tmay u bu lavozimdan olinib, Kaxmerdga hokim bo`lgan. Subhonqulixonning akasi Abdulazizzon otasini hokimiyatdan chetlashtirib, Buxoro xoni bo`lgach, Subhonqulixon Balxga – otasi huzuriga yo'l olgan. Subhonqulixon Balx viloyatida mustahkam o`rnashib olib, 1651-yilda Balx va Badaxshon hokimligini qo`lga kiritgan. Subhonqulixon Buxorodan mustaqil siyosat yuritgan. 1658-yilda Abdulazizzonning piri Abdulg'afforxo'ja vositachiligidida Buxoro va Balx o`rtasida tinchlikka erishilib, Subhonqulixon akasi hokimiyatini rasmiy tan olgan. Muhammad Yusuf munshiyining yozishicha, 1680-yil 2-fevralda keksayib qolgan Abdulazizzon Subhonqulixonga Buxoro xonligi taxtini topshirib, o`zi hajga jo'naydi. Subhonqulixon markaziy hokimiyatni mustahkamlash uchun soliqlar miqdoruini oshirib, qo'shinini ko`paytirgan. Anushaxonning vorisi Arang Muhammadxon 1687-yili Buxoroga bosqin qilganida Subhonqulixon bu hujumni qaytarish bilan cheklanmay, 1688-yilda o`ldirilgan xon o`rniga Xiva taxtiga o`z noibi Amir Niyoziy eshiko'g'aboshi (Shohniyoz)ni o'tqazgan. Shu tariqa Abdullaxon II davridagidek Xiva xonligi yana Buxoroga qo'shib olinadi va mintaqada yagona o'zbek davlati qaror topgan. Subhonqulixon davrida Buxoro xonligining Sharq davlatlari bilan diplomatik munosabatlari yaxshilangan. Boburiylardan Avrangzeb 1689-yilda Zabardastxon, Usmonli Turk sultonı Ahmad II 1691-yilda Mustafa chovush boshchiligidagi elchilarni Buxoroga jo'natgan. 1671-87-yillarda Subhonqulixon bilan Avrangzeb o`rtasida bir necha marta o'zaro maktublar

almashilgan.

Subhonqulixon tomonidan Balx va Buxoroda ko'plab me`moriy obidalar, jumladan, Balxda madrasa, Buxoroda Do rush-shifo, Registonda katta hovuz ; Arkda Salom xona va jome` masjiti, shuningdek, Aminobodda chor bog' qurilgan. Subhonqulixonning tibbiyotga oid kitoblar jamlangan nodir kutubxonasi bo'lgan. U "Ihyo at-tibbi Subhoni" ("Subhoni tibbiyoti bo'yicha davolash"), "Lubb ul-lavoih ul-qamar fil-ixtiyorot" ("Baxtli soatni aniqlashda oy manzillarining mohiyati") nomli ilmiy nujumga oid risola yozgan. Subhonqulixon "**Nishoniy**" taxallusi bilan she`rlar bitib, saroyda o'tkazilgan mushoiralarda o'zi ham she`rlar aytgan. Subhonqulixon Buxoro yaqinidagi Bahouddin majmuasidagi *Daxmai shohonda* (Abdullahxon II qabri yaqinida) dafn etilgan.

UBAYDULLAXON II

Ubaydullo Muhammad Bahodirxon ibn Subhonqulixon

(1681-yil - Buxoro - 1711-yil 16-mart)
(1702-1711)

Buxoro xoni, *ashtarxoniyalar* sulolasidan. **Subhonqulixon**ning o'g'li. Buxoroda madrasa tahsilini olgan. Subhonqulixon vafoti arafasida valiahd qilib nevarasi Balx hokimi *Muhammad Muqimxon* tayinlaydi. Biroq Buxoro ulamolari va qo'shining madadiga tayangan Ubaydullaxon II Buxoro taxtini egallaydi (1702-yil sentabr). Balx hokimi Muhammad Muqimxonning otalig'i hisoblangan *Mahmud qatag'on* (*Mahmudbiy otaliq*) Buxoroga bo'y sunmaslikdan tashqari Qubodiyon (1703), Termiz (1704)ni ham Balxga qo'shib olib, Balxni mustaqil deb e`lon qilgan. Beklarning saroy fitnasi natijasida Muhammad Muqimxon o'ldirilgach (1707-yil mart), Ubaydullaxon II Balx ustiga katta qo'shin bilan yurish qiladi va shaharni egallaydi (1707-yil 27 may).

Ubaydullaxon II murakkab sharoitda Buxoro xonligini boshqargan. Iqtisodiy tanazzul va ichki nizolardan tashqari jung'orlar (qalmoqlar)ning harbiy bosqinlari (mas., Samarqandga hujum, qalmoqlar xurujidan qochgan qozoqlar va qoraqalpoqlarning Movarounnahr hududi (Toshkent va boshqa joylar)ga ko'chib kelishi vaziyatni yana ham murakkablashtirgan. Ana shunday sharoitda Ubaydullaxon II davlatning iqtisodiy negizini mustahkamlashga qaratilgan choralar ko'rgan. Avvalo u ma`muriy sohada islohotlar o'tkazib, davlatni boshqarishga o'rta tabaqa: hunarmandlar va savdogarlarni jalg qilgan. Ubaydullaxon II hatto markaziy hokimiyatni kuchaytirish uchun yirik yer egalarining imtiyozlarini qisqartirgan (mas., *Jo'ybor xojalari* soliq to'lashga majbur qilingan). Biroq Jo'ybor shayxlari katta siyosiy kuch bo'lib, Ubaydullaxon II o'tkazayotgan siyosat uchun xatarli muxolifga aylanishgan.

Ubaydullaxon II ning siyosiy faoliyatida pul islohoti ham alohida o'r'in tutadi. Ubaydullaxon II pul islohoti o'tkazish orqali davlat xazinasini to'ldirishni, beboshamirlar, beklar va urug' boshliqlari bilan kurashda o'z mavqeini kuchaytirish va ayrim mahalliy hokimlarning ayirmachilik intilishlarini bartaraf qilib, markaziy hokimiyatni mustahkamlashga intildi. Biroq Ubaydullaxon II ning islohotlari badavlat tabaqalar va ayrim o'rtahol shaharliklar tomonidan noxush kutib olindi. Ubaydullaxon II ga qarshi g'alayonlar ko'tarildi.

Ubaydullaxon II mamlakatda obodonchilik ishlariiga e'tibor qaratgan. U madrasa va Buxoroning g'arbida Xonobod chor bog'i (1709)ni barpo qilgan. Tarixchi *Mir Muhammad Amin Buxoriy* uning saroyida bosh munshiy bo'lib, Ubaydullaxon II ning siyosiy faoliyati haqida «Ubaydullanova» (1716) asarini yozgan. *Muhammad Yusuf Munshijning «Tarixi Muqimxoniy»* va *Abdurahmon Tolening «Tarixi Abulfayzzon»* asarlarida ham Ubaydullaxon II faoliyati aks etgan.

Ubaydullaxon II saroy fitnasi natijasida Buxoroning Piri Mirza chor bog'iда o'ldirilgan. U Buxoro yaqinida - *Bahouddin majmuasidagi Daxmai shohonda* otasi Subhonqulixon qabri yonida dafn etilgan.

ABULFAYZXON
Abulfayzxon ibn Subhonqulixon
(1695-1747)
(1711-1747)

Ubaydullaxonning inisi. **Ashtarkoniylardan** bo'lgan Buxoro xoni. U hech qanday real hokimyatga ega emas, kundan-kunga mamlakat hayotida nufuzi kuchayib borayotgan amirlar va zodagonlar qo'lida bir „*qo'g'irchoq*“ hukmdor edi, xolos. Uning davrida keyinchalik mang'itlar davlatining tashkil topishiga sababchi bo'lgan mang'itlar qabilasidan kelib chiqqan Muhammad Hakimbiy katta nufuzga ega bo'lib olgan edi. U vaqtini ko'ngulkushlik ishlariga sarflab, mayxo'rlikka berilib ketdi. Uning yetti farzandi bor edi. Mast chog'ida ularni o'limga mahkum etdi. Hali go'dak bo'lgan Abdulmo'mingina taxt ostiga yashirinib, omon qolgan. Xon deyarli davlat ishlarini nazorat qilmay qo'ydi. Shu tariqa, Buxoroda xon hokimiyati barham topdi. Oliy hokimiyat amalda oliy qo'shbegi bo'lib olgan Jovshon qalmoq qo'liga o'tdi. Markaziy hokimyatning zaiflashuvi feudal tarqoqlikni yanada kuchaytirdi. Samarqand, Qarshi, Balx, Farg'ona, Xiva, Badaxshon amalda mustaqil bo'lib oldilar. Bu ahvol tashqi dusjmanlarning Movarounnahrga bostirib kirishga qulay imkoniyat yaratdi. Abulfayzxon davrida o'zaro nizolar kuchaygan, mamlakat chuqur iqtisodiy-siyosiy tanazzulga yuz tutgan. Bu davrga kelib xonning ahvoli shu darajaga yetib bordiki, uning farmonlari saroydan tashqariga chiqmagan. Nodirshoh qo'shinlarining Movarounnahrga qilgan yurishlari natijasida Abufayzxon taxtdan ag'darilagn. Muhammad Rahimbiy buyrug'i bilan 1747-yilda Abulfayzxon Mir Arab madrasasi hujralaridan birida o'ldiriladi.

1924-yilda Abdurauf Fitrat unga bag'ishlab **"Abulfayzxon"** drammasini yaratgan.

ABDULMO'MINXON
Abdulmo'min ibn Abulfayzxon
(1738-yil - Buxoro - 1751-yil)
(1747-1751)

Ashtarkoniylardan bo'lgan Buxoro xoni. **Abulfayzxonning** o'g'li.

Abulfayzxonning yetti farzandi bor edi. U mast chog'ida ularni o'limga mahkum etadi. Hali go'dak bo'lgan Abdulmo'mingina taxt ostiga yashirinib, omon qoladi. Abulfayzxon o'limidan so'ng (1747), Abdulmo'minni **Muhammad Rahim** otaliq taxtga o'tqizadi va o'ziga kuyov qilib oladi. Buxoroda turgan eron shohi *Nodirshohning* ukasi Aliqulixon boshchiligidagi qo'shin o'z yurtiga jo'natib yuborilgan. U taxtga o'tqizilgan bo'lsada amalda hokimiyat butunlay mang'itlar qo'lida, ya`ni Muhammad Rahim qo'lida bo'lgan. Biroq oradan 4 yil o'tgach, Muhammad Rahim kuyovi Abdulmo'minni ham o'ldirtirib, taxtga Abulfayzxonning kichik o'g'li **Ubaydullaxon III** ni o'tqazadi (1751).

UBAYDULLAXON III
Ubaydullaxon ibn Abdulmo'minxon
(tug'ilgan va o'lgan yili nom` alum)
(1751-1754)

Ashtarkoniylar sulolasining so'ngi hukmdori. Davlat boshqaruvida hech qanday ro'l o'ynamagan edi. Davlat boshqaruvi butunlay mang'itlar qo'lida bo'lgan. U mang'itlar amiri Muhammad Rahimbiyga tamomila bo'ysungan. Muhammad Rahimbiy buyrug'i bilan taxtdan voz kechgan. Uning keyingi hayoti haqida ma`lumotlar saqlanib qolmagan.

- BUXORO AMIRLIGI (MANG'ITLAR) HUKMDORLARI -
(1756-1920)

MUHAMMAD RAHIM
Muhammad Rahim ibn Muhammad Hakimbiy
(1709-1758-yil 24-mart),
(1756-1758)

Muhammad Rahim otaliq, mang'itlar sulolasining asoschisi, qushbegi, 1756-1758-yillarda rasman Buxoro xoni (1747-yildan amalda), otasi – **Muhammad Hakimbiyning** ko'magi bilan ashtarkoni y hukmdor *Abulfayzxon* saroyida bosh vazirlik lavozimida hizmat qilgan. Eron shohi *Nadirshohning* Buxoroga hujumidan keyin uning mamlakatda mavqeい yanada oshgan va Abulfayzxonning qiziga uylangan. Buxoroning obro'li kishilardan 12000 nafariga bosh bo'lib, ularni oq uyluk sifatida Eron poytaxti – Mashhadga olib kelgan. U 1745-yildagi kattaqo'rg'onlik Ibodullohbiy boshchiligidida xitoy-qipchoq qavmlari ko'targan isyonni bostirish uchun Nodirshohning buyrug'iga ko'ra Buxoroga qaytadi va qushbegi- bosh vazir lavozimini egallaydi. Aynan shu paytdan boshlab u Buxoro xonligining amalidagi hukmroniga aylangan. Muhammad Rahimbiy buyrug'i bilan 1747-yilda Abulfayzxon Mir Arab madrasasi hujralaridan birida o'ldiriladi. Taxtga *Abdulmo'minxon* (1747-51), *Ubaydullahon III* (1751-54), *Sherg'ozi* (1754-56) ni o'tqazib, bu qo'g'irchoq xonlar davrida markaziy hokimiyatga bo'y sunishni xohlamayotgan Miyonkol, Nurota, Urgut, Jizzax, O'ratega, Xo'jand, Toshkent, Shahrizabz, Boysun, Hisor, Qubodiyon va boshqa bekliklarini to'rt yil davomida ustiga yurish qilib ularni o'ziga bo'y suntiradi. Burqut, bahrin, kenagas, qipchoq, yuz, saroy boshqa qavmlarni mamlakatning turli hududlariga ko'chirib xonlikning yaxlitligi va havfsizligi uchun izchil kurashgan. Urushlar tufayli vayron bo'lgan Darg'on kanalini qayta tiklattirgan. Buxoro shahrining mudofaa devori mustahkamlanib, 1752-53-yillarda balandligi ikki metrli yangi devor qurilgan. 1756-yil 16-dekabrda Muhammad Rahimbiy Buxoro taxtiga rasmiy ravishda xon bo'lib o'tirgach, Buxoroda hokimiyat tepasiga yangi sulola - **mang'itlar sulolasining** hukmronligi boshlandi va bu sulola mamlakatni 1920-yilgacha idora qilgan.

Muhammad Rahimxon mamlakatda o'zining mutlaq hukmdorligini o'rnatish hamda ichki bosh-boshdoqlikni tugatish siyosatini tutdi. Bunday siyosatdan ko'zlangan maqsad – markazlashgan davlatni tiklash edi. Muhammad Rahimxon bu siyosatni ro'yobga chiqarishga qat'iy kirishdi va barcha mahalliy hukmdorlarni o'z huzuriga chorlab, ularga o'zining asl maqsadini, o'z dasturini ma'lum qildi. Qaysi mahalliy hukmdor markaziy hokimiyatga bo'y sunmasa, undaylarni ayovsiz jazoga tortilishini ogohlantirdi. Xiva xonligidagi siyosiy nizolardan foydalananib, taxtga o'z odamlarini o'tqazgan. Muhammad Rahimxon yirik yer egalarining davlatni boshqarish ishlarida shu vaqtgacha davom etib kelgan aralashuvlarini keskin kamaytirishga erishgan. Shunday bo'lsa-da, u barcha bekliklarning markaziy hokimiyatni tan olishlariga to'la erisha olmagan. Buxorolik tarixchi *Mirzo Abdulazim Somiy Bo'stonijining* yozishicha Muhammad Rahimbiy G'ijduvon tumanidan qaytayotganida yo'lda vafot etgan. Buxorodagi Shohrud anhori bo'yida, Mozor darvozasidagi Abu Bakr taxxon qabristonida dafn etilgan.

DONIYOLBIY
Doniyolbiy otaliq (Doniyolbiy ibn Xudoyorbiy)
(?-1785)
(1758-1785)

Mang'itlarning nufuzli biylaridan, otaliq. Buxoro amiri **Muhammad Rahimbiyning** amakisi. 1758-yil 24-martda Muhammad Rahim vafotidan so'ng uning o'g'llari bo'limganligi uchun xonlik taxtiga voyaga yetmagan nabirasi - **Fozilto'ra** o'tqazilgan, Miyonkol hokimi bo'lgan Doniyolbiy unga

otaliq qilib tayinlangan (1758-1785). Bundan norozi bo'lgan viloyat hokimlari, kenagas, yuz, bahrin, burhut va saroy qabilalari amirlari markazlashgan hokimiyatga qarshi isyon ko'tarib, 10 ming yigitni qurollantirib, Buxoro tomonga yurishgan. Ularga qarshi chiqqan Doniyolbiy isyonkor viloyat hokimlari bilan bir bitimga kelishgan. Unga ko'ra, Fozilto'rani taxtdan tushirib, o'rniga Ashtarkoni shahzodalardan bo'lgan Abulg'ozи xonlik taxtiga o'tqazilgan (1758-1785). Doniyolbiy ham otaliq mansabini, ham amaldagi hukmdorlikni o'z qo'lida saqlab qolgan. Doniyolbiy otaliq davrida ham o'zaro urushlar davom etib, Karmana, O'ratega, Nurota, Sherobod, Boysun va boshqa joylarda mahalliy kuchlar bosh ko'tarib, poytaxt izmidan chiqishga harakat qilganlar. 1781-yil Rossiya hukumati Buxoro bilan savdo bitimini tuzishga taklif etganida Doniyolbiy bu bitimni 92 o'zbek qabilasi boshliqlari roziligidan imzolay olmasligini bildirgan. Bu holat Doniyolbiy davrida Buxoro amirligi siyosiy markazlashuv darajasi Muhammad Rahim davridan ancha past bo'lganini bildiradi. Bu tabiiy suratda Buxoro shahri aholisining noroziligiga sabab bo'lgan. Bundan tashqari Doniyolbiy qo'shin ta'minoti uchun lo'plab qo'shimcha soliqlar joriy etib, bu bil'an poytaxtdagi hunarmandlar va savdo ahlini o'ziga qarshi qo'yib qo'yan edi. 1784-yil Buxoroda qo'zg'olon ko'tarilib, unda mingga yaqin kishi o'dirilgan. Doniyolbiy hokimiyatni shaharliklar obro'-etibori baland bo'lgan o'g'li shohmurodga topshirishga majbur bo'ldi. Buxoro xonligini birlashtirish markazlashtirish uchun kurashni Shohmurod davom ettirgan.

Mang'itlardan bo'lgan Buxorolik tarixchi **Muhammad Yoqubning** yozishicha: "Doniyolbiy sahiy va muruvvatli hokim sifatida mashhur bo'lgan, lekin davlat (moliya) ishlari bilan qiziqmagan. Biron ishni boshlashdan oldin ishning ko'zini biladigan kishilar bilan maslahatlashgan". Doniyolbiy xonlik unvonini qabul qilmagan, u otaliq unvoni qanoatlangan.

Doniyolbiy davrida me'moray yodgorliklardan "**Xalifa Xudoydod**" majmuasi (masjid, madrasa, sardoba va mozor, 1777-yil) qurilishi boshlangan.

AMIR SHOHMUROD Shohmurod ibn Doniyolbiy (1749-1800) (1785-1800)

Buxoro amiri. **Mang'it**lardan bo'lgan. Yoshligidan xudojoy, porso bo'lib o'sgan. Madrasani bitirib darvishlik suluki soliklaridan biriga aylanadi. Shuning uchun xalq uni hurmat bilan "*amiri ma'sum*" (*begunoh amir*) unvonini bergen. Shohmurod darvishona hayot kechirar, shayx maslahati bilan bozorda hammollik qilardi. Keyin esa pichoqqa qin yasab sotib, shu orqali ro'zg'or tebratgan. Uning xalq orasida obro'si katta bo'lganligi uchun **Doniyolbiy** uni o'ziga valiahd etib tayinlashga majbur bo'lgan. O'n nafar ukalaridan birortasi ham Shohmurodni yoqtirmas edi. Amirlik taxtiga chiqqach (1785), ukalarining har biriga bittadan viloyat hokimligini topshiradi. Markaziy hokimiyat mustahkamlash ishiga qattiy bel bo'glagan hukmdor edi. Mang'it namoyondalar orasida Shohmurod ham shaxs, ham arbob sifatida alohida o'rin tutgan, desak xato bo'lmaydi. Zolim qo'shbegi va qozikalon *Nizomiddimi* qatl ettiradi. Harbiy ishlar, qozilik ishlarini shariat qonunlari asosida tashkil qiladi. Hokimiyat boshqarish tartiblarini isloq qilib, siyosiy tarqoqlikka barham beradi.

Shohmurod o'z faoliyatida ommaga tayanib ish tutgan. Adolat tamoyillariga qattiq amal qildi. O'zi ham nihoyatda kamtarin hayot kechirgan. Jumladan, bir yilda bir olacha chopon, bir bo'z ko'ylak kiygan. Boshiga olti gazli bo'z sulla, oyog'iga echki terisidan tikilgan saxtiyon mahsi hamda kovush kiygan. Marv yaqinida **Islomobod** shahrini qurdirgan.

XVIII asrning 20-yillarida boshlangan o'zaro kurashlar natijasida Samarcand talangan, vayrona holiga tushib qolgan edi. Amir Shohmurod esa ko'plab quruvchi, koshinpaz va naqqosh ustalarni tevarak atrofdan olib keltirib, Samarcand shahrini qayta tiklashni buyurdi. Qayta qurilajak shahar tarhini Amir Shohmurodning o'zi chizib bergen.

Amir Shohmurod bundan tashqari, G'uzor tumanida madrasa va masjid qurdirgan. Shahar

markazida olti qirrali Chorsu qurilib, *"Toqi musaddas"* deb atalgan. Samarqandning har bir madrasasiga imom, muazzin, mudarrislarni Shohmurodning o'zi tayinlagan. Talabalar va mudarrislarning maoshi uchun vaqf yerlari va mulklar ajratgan.

Amir Shohmurod ba'zi islohatlar o'tkazib davlatni mustahkamlashga erishdi: Boj va xirojdan boshqa barcha soliqlarni kamaytirdi. Otasi Doniyolbiy davrida joriy etilgan turli soliqlarni bekor qilgan. Rais mansabini va qo'shin tarkibida qozi askarlavozimini joriy qildi. Otasi davrida qisqartirilgan vaqf yerlari miqdorini oshirdi. Bu bilan islom ruhoniylari e'tiborini qozondi. Mamlakat iqtisodini yo'lga qo'yishda Shohmurod o'tkazgan pul islohati muhim ahamiyat kelsedi: Shohmurod sof kumushdan tanga zARB qilishni buyurdi. Kimning kumushi(nuqrasi) bo'lsa, zarbxonaga topshirib, evaziga yangi tangalar – pul olishi mumkin edi. ilgari zARB qilingan tangalar bekor qilindi. Yangi pul tijorat ishlari rivojiga yo'l ochib berdi. Barcha viloyatlarga yangi hokimlar tayin qildi, har shahar va qishloqqa qozi tayinladi. Bu bilan hokimlar o'z boshimchaligiga barham berdi. Shohmurodning o'zi qozilarga dastur bo'ladigan fiqh haqida *"Ayn ul-hikmat"* nomli risola yozdi va ilgari surulgan qoidalarni barcha viloyatlarga joriy qildi. Shohmurod joriy qilgan qonun bo'yicha kim mol-mulkka xiyonat qilsa jamiyatdagi martabasidan qat'i nazar qattiq jazoga tortilishi lozim edi. Bu tadbir xalq manfaatlariga tajovuzning oldini oldi. Shariat qonunlarini amalga tadbiq etish maqsadida *raislik (muhtasib)* mansabini joriy qildi.

Markaziy hokimiyatning mustahkamlanishini karvon yo'llarining xatarsizligini ta` minladi. Pul islohoti esa tijorat ravnaqiga sabab bo'ldi. Zarafshon vodiysi, Amudaryo havzasasi va Qashqadaryo vohasi qadimgidek obod bo'ldi. Davlat mablag'i hisobidan anhorlar chiqarilib, tashlandiq yerlar obod etildi. Natijada, davlat xazinasida tushum ko'paydi.

Amir Shohmurod 1789-1790-yillari Marvda o'z hokimiyatini o'rnatib, marvliklarning bir necha o'n minglik kishini Samarqand va Buxoroga ko'chirtiradi. Shundan so'ng, eskidan Samarqand yoki Buxoro (ya`ni poytaxt ma`nosida) izmida bo'lib kelgan Balx, Maymana, Andxud kabi viloyatlarni ham qaytarib olish payiga tushadi. Ammo bu oson emas edi. Zero, 1747-yildan boshlab Balx, Badaxshon, Andxud, Maymana, Sharqiy Seiston, Balujiston, Sind, Kashmir, Panjob kabi viloyatlarni o'z tasarrufiga olgan Afg'oniston hududida tashkil topgan durroniylar sulolasi namoyondasi *Temurshoh* ham bo'sh keladiganlardan emas edi. Xullas o'zaro kurashlar qattiq bo'lsada sezilarli natija chiqmagan.

Buxoro xonligini birlashtirish va markazlashtirish uchun kurashni davom ettirgan. Mang'itlar sulolasining namoyandasini bo'lgan Shohmurod Buxoroda (1785-yilda) xalq qo'zg'olonidan keyin taxtga o'tirib, hokimiyatni o'z qoliga olgan. Shohmurod qo'zg'olonni bostirish uchun Buxoro aholisiga yon berishga majbur bo'ldi: u shahar aholisiga tantanali ravishda Tarxon yotrig'I topshirdi. U muoliyaviy, ma`muriy, harbiy va sud islohotlarini o'tkazishga majbur bo'ldi. Pul muomalasida, soliq ishida sud va ma`muriy boshqaruv ishlarida ma`lum tartib o'rnatishda hamda savdogarlarni va hunarmand kosiblarni o'zlarining mulklariga feodallar tomonidan qilinayotgan Taaddiylardan birmuncha qutqarish orqali davlat hokimiyatini mustahkamlashga intildi. Nomiga xon qilib ko'tarilgan Abdulg'ozi nomidan 1785-yilda Shohmurod tomonidan o'tkazilgan pul islohoti ilgarigi qadri past tangalardan tashki ko'rinishi boshqacha bo'lgan kichikroq va vazni kamroq bo'lgan to'la qimmatli kumush tangalarni chuqarishdan iborat bo'ldi. shu bilan bir vaqtda, u bemalol tanga zARB ettirish sestemasini joriy etdi. Shohmurodning bu islohoti XVII-XVIII asrlarda pul muomalasiga ko'p putur yetkazgan chayqovchilikka va tangalarni buzishga yo'l qo'ymasligi lozim edi. Shariatga to'g'ri kelmaydigan yorg'u, boj, tarx, tushmol, yasoq, oliq va soliq deb ataladigan bir necha soliqlarni, shuningdek, ilgarigi xonlar hunarmandlardan olishga odatlanib qolgan o'lponlarini va ularga yuklayotgan tekin mehnat majburiyatlarni bekor qildi. Biroq, darobmadlar kamayib ketgankigi va katta qo'shin saqlab turish zarur bo'lib qolganligi buni aholidan "Jul" deb atalgan va shariatga also ta` luqli bo'limgan pul solig'ini tez olib turishga majbur bo'ldi. Shohmurod ma`muriy islohotni buxoroning oly amaldorlari Davlatqushbegini va Nizomiddin qozikalonni o'z qo'li bilan qatl etishdan boshladi. So'ngra viloyatlarning beklari va qozilari olib tashlanib, ularning o'rniga yangi amirning hamfikrlari tayinlanadi.

AMIR HAYDAR
Amir Haydar ibn Shohmurod
(1800-1826)

Mang'itlardan bo'lgan Buxoro amiri. Uning hukmronlik yillarida mamlakatda notinchlik hukm suradi, ya`ni markaz va viloyatlar hamda kechagina viloyat maqomida bo'lgan, lekin endilikda alohida siyosiy birlik - xonlikka aylangan Xiva va Qo'qon bilan qarama-qarshiliklar avjiga chiqadi va mamlakatda har 3-6 oyda uzluksiz ichki urushlar va qo'zg'olonlar bo'lib turgan. Miyonkol, Shahrisabz, Karki, Marvdagi mahalliy kuchlar yana o'z boshimchalik qila boshlaganlar. Chunonchi, Marvni boshqarib turgan *Dinnosirbek* (amirning ukasi) Xiva xoni *Eltuzar* ko'magiga ishonib, bosh ko'taradi. Amir Haydar uchun bu nihoyatda havfli holat edi. Chunki, bu shunchaki bir viloyatning markazga bo'yin egmasligi emas, balki rasmiy sulola namoyondasining mintaqadagi raqiblardan – xivaliklar bilan til biriktirib, oliy taxtga qarshi harakati edi. Shuning uchun ham Amir Haydar unga qarshi lashkar tortadi. Dinnosirbek bas kelolmay Mashhadga qochadi. Shohmurod davrida bo'lganidek Amir Haydar Marvni egallagach, mahalliy aholining bir qismini Zarafshon vodiysiga ko'chirtirib, bu yerga turkmanlarni o'rnashtiradi.

Buxorodagi ichki ziddiyatlardan Xiva xonligi bundan keyin ham foydalanishga ko'p uringan. Xususan Dinnosirbekka yordam berish bahonasida Buxoro amirligi hududiga kirib borgan Eltuzarxonidan so'ng 1821-1825-yillari Amir Haydar Miyonkolda xitoy-qipchoqlar isyonini bostirish bilan ovvoraligida Xivaliklar Chorjo'y va Marvga harbiy yurish uyuştiradilar. Xivaliklar xatto Marvni zabt etishga ham muvaffaq bo'lganlar. Bungacha ham amirlikning Sharqiylar qismida ancha yo'qotishlar va o'zgarishlar bo'lgan. Masalan, Qo'qon hukmdorlari 1805-yili Xo'jandni, 1809-yili Toshkentni, 1816-yil esa Turkistonni ishg'ol etib, xonlik doirasiga kiritadilar. 1806-1813-yillari O'ratega, 1806-yili Jizzaxga, 1821-yili Samarqandga tahdid solganlar. Xullas, Amir Haydar hukmronligi ancha tahlikali bo'lib, markaziy hokimiyat quradi susaygan.

AMIR NASRULLO
Nasrulloxon ibn Amir Haydar
(1806-yil 1-iyun – 1860-yil 21-sentabr)
(1826-1860)

Mangi'tlar sulolasidan bo'lgan Buxoro amiri. Otasi *Amir Haydar* hukmronligi davrida Qarshida hokimlik qilgan. 1826-yili Amir Haydar vafot etgach bir necha oy mobaynida Nasrulloxon ikki akasi - *Husayn* va *Umar* almashinildi. Birinchisi zaharlandi, ikkinchisi esa o'ldirildi. Shu yili (1826) Amir Haydarning uchinchi o'g'li shavqatsizligi uchun "*Amiri qassob*" laqabini olgan Nasrulloxon taxtga o'tirdi. Akalari o'limidan keyin taxtga o'tirgan Nasrulloxon qisqa vaqt ichida taxtga da'vo qilishi mumkin bo'lgan avlodlaridan barchasining bahridan o'tadi. U qo'shinlariga tayangan holda o'zbek feodal zodogonlarini beayov qira boshladi. U yer egalarining mol-mulki va yerlarini musodara, o'zlarini badarg'a qilib, o'ldirtirib yubordi. Bu borada uning eng yaqin yordamchisi rais *Rahmonbedi Niyoz* edi. Nasrulloxon o'z hukmronligi davrida islom shariati ko'rsatmalari amal qilgan. Nasrulloxon jasur va dovyurak kishi bo'lganligi bois unga "*Bahodir, Botir*" unvonlari berilgan. Nasrulloxon davlat hokimyatini mustahkamlash maqsadida urug' va qavm boshliqlari bo'lgan ko'plab amaldorlarni quyi tabaqalardan chiqqan yosh va g'ayratli kishilar bilan almashtirdi. 1837-yilda harbiy sohada islohatlar o'tkazib, o'z qo'shining jangavor holatini yaxshilaydi. Har biri 800 kishidan iborat 50 ta sarbozlar buluklari va 250 kishilik to'pchilar guruhi tashkil qilingan. Muntazam piyoda qo'shining soni 40 ming kishidan ortiq bo'lgan. Nasrulloxon Xiva va Qo'qon xonliklarini Buxoro atrofida birlashtirishda urungan. Mamlakatning hududiy yaxlitligini tiklash uchun 1840-42-yillari Qo'qon xonlari tomonidan tortib olingan Xo'jand, O'ratega, Toshkent, Jizzax va Zominni Buxoro amirligiga qaytardi. Farg'ona vodiysi ulamolarining talabi bilan 1842-yili Qo'qonga yurish qilib xonlik hududini egallagan. Biroq u

Qo'qon xoni Muhammad Alixonni qatl qilish bilan cheklanmasdan, uning onasi (Nodirabegim)ni ham o'ldiradi. Nasrulloxon tomonidan Qo'qonga Ibrohim parvonachi mang'itning noib qilib qoldirilishi salbiy oqibatlarga ham olib kelgan. Noib mahalliy aholiga zulm o'tkazib, soliqlarni ko'paytirdi. Natijada, tez orada Qo'qon qo'ldan ketadi. 1843-yilda Nasrulloxon Marvni ham Buxoroga bo'ysuntiradi. Shuningdek, Nasrulloxon qo'shini 20 yilda olib borgan 32 ta harbiy yurishidan so'ng 1856-yilda Shahrisabzni uzil-kesil egallagan. Shahrisabz markaziy hokimiyatga bo'ysungach, u sulh ramzi sifatida mahalliy hukmdor - Iskandar Vallomaning sinlisi Kenagasxonimga uylangan.

Nasrulloxon hukmronlik qilgan yillar Turkiston mintaqasida Rossiya Angliya manfaatlari o'zaro to'qnashgan davr hisoblanadi. Uning davrida Nasrullon tomonidan Buxoroda *Qozi Hasanxo'ja, Olimjonboy, Eshoni Pir, Mirzo Ubayd, Ismoilxo'ja* (1829), *Ali Chubin, Mirzo Abdulg'affor, Tojiddin* madrasalari (1860) qurildi. Xalifa Xudaydod me` moray majmuasi yakunlandi(1855). Nasrulloxon Buxoroda dafn etilgan.

AMIR MUZAFFAR
Muzaffar ibn Nasrulloxon
(1819 - Buxoro - 1885)
(1860-yil 23-sentabr- 1885-yil 12-dekabr)

Mang'itlar sulolasidan bo'lgan Buxoro amiri.Otasi Nasrulloxon davrida Karmanaga hokimlik qilgan. Amir Nasrullo vafotidan so'ng, Buxoro taxtiga o'tirgan. Otasi tomonidan Karmanaga surgun qilingan kishilarni Buxoroga qaytarib, yuqori lavozimlarga tayinlagan. Markaziy hokimiyatga bo'ysunishni istamayotgan Hisor, Shahrisabz, Darboz, Ko'lob, Baljuvon bekliklari va Qo'qon ustiga yurish qilib, ularning qarshiligini yengdi (1863-1865). *Mallaxon* tomonidan taxtdan tushirilgan Qo'qon xoni Xudoyorxon Buxoroga qochib kelganida xonlik taxtini qayta egallashi uchun unga harbiy yordam bergen (1861). Muzaffarning hukmronlik davri Rossiyaning O'rta Osiyo xomliklariga qarshi harbiy harakatlari kuchaygan davrga to'g'ri keladi. Rossiya bilan bo'lgan kelishmovchiliklarni tinch yo'l bilan bartaraf etishda umidini uzmay, u Najmiddinxo'ja boshliq ekchilarni Peterburgga jo'natdi (1865-yil iyul). Biroq, ko'zlangan maqasadga erishilmay, ikki o'rtada harbiy harakatlar boshlandi. Muzaffar qo'shini bilan general Romanovskiy boshchiligidagi Rossiya harbiy kuchlari o'rtasidagi dastlabki to'qnashuv Jizzax bilan Oratepa o'rtasidagi Erjar(Maydayulg'un) da bo'lib, unda Buxoro qo'shini mag'lubiyatga uchragan(1866-y. 8-may). Muzaffar muftiy Muhammad Porso boshchiligidagi elchilarni Afg'oniston va Hindiston orqali yordam so'rab, Istanbulga yuborsa ham rad javobini olgan. 1868-yil 2-3-iyunda Zirabuloq jangida mag'lubiyatga uchragach, 1868-yil 23-iyunda Samarqandda imzolangan Rossiya-Buxoro sulh shartnomasiga ko'ra, Buxoro amirligi Rossiyaga tob` bo'lib qolgan. O'g'li va valiahd Abdulmalik (Katta to'ra) Rossiya bosqini va otasi hukmronligiga qarshi Shahrisabz va Kitobda qo'zg'olon ko'targanda Muzaffar rus qo'shirlari yordamida uni bostirgan (1870).

Muzaffar davrida Buxoro amirligining Rossiyaga qaramligi kuchayishi bilan bir qatorda shialarning ta'siri ham ortgan. Buxorodagi Eshon Imlo mozorida dafn etilgan.

AMIR ABDULAHAD
Abdulahad ibn Amir Muzaffarxon
(1859-yil 16-mart – 1911-yil 6-yanvar)
(1885-1910)

Mang'itlardan bo'lgan Buxoro amiri. Uning davrida Chor hukumati Buxoroda rus siyosiy agentligi ta'sis etib (1886-yil), Turkistonda, jumladan, Buxoro xonligini xom-ashyo ba`zasiga aylantirish va bu yerdagi boyliklarni Rossiyaga tashib ketish maqsadida Amudaryoga ko'prik qurdi, Chorjo'y – Samarqand temiyo'li o'tqazdi (1900-1901). Shuningdek, Abdulahad davrida jadidchilik harakati kuchaygan.

AMIR OLIMXON
Amir Said Olimxon ibn Abdulahad
(1881, Karmana – 1944. 28-aprel, Kobul)
(1910-1920)

Mang'itlardan bo'lgan Buxoro amiri. Peterburgdagi Nikolaev (pajlar) korpusida ta`lim olgan (1893-96). 1898-yil Qarshi, valiahd sifatida Karmana bekliklariga hokim bo'lgan. Otasi vafotidan so'ng 1910-yil 24-dekabrda Buxoro taxtiga o'tirgan. Uning davrida Buxoro amirligining Rossiyaga qaramligi yanada kuchaydi. Taraqqiyatparvar kuchlar shuningdek, Yosh buxoroliklar qattiq ta`qib qilindi. Birinchi Jahon urushi davrida Rossiya imperatori *Nikolay II* uni general – leytenant harbiy unvoni bilan taqdirlagan va o'zining general – ad`yutanti qilib tayinlagan (1915-yil dekabr). Chunki u Rossiyaga katta miqdorda pul bilan yordam bergen edi. Buxoroda 1917-yil aprel namoyishi, xususan, *Kolesov voqeasi* (1918-yil mart) dan keyin u amirlik hududida 3 ming kishini jadidlikda ayblab, nohaq qatl ettirgan.

1920-yil avgustda Buxoro bosqini natijasida amirlik tuzumi ag'darib tashlandi. Sentabr oyining o'rtalarida Olimxon Sharqiy Buxoroga borib, Buxoro xalqining bosqinchi qizil armiyaga qarshi olib borgan mustaqillik kurashiga rahbarlik qilishga urindi. Olimxon Hisor viloyatini o'ziga qarorgoh qilib, 6 oy davomida qizil askarlarga qarshi kurashgan. Hisorda yangi hukumat tashkil qilib, buxorooliklarning qizil askarlarga qarshi olib borayotgan jang harakatlarini muvoffaqiyatlashtirishga intilgan. Olimxon Ko'lob, Hisor va Dushanba atrofida katta miqdordagi kuchlarni birlashtirishga muvaffaq bo'lgan. 1920-yil noyabr oyining o'rtalarida uning qo'shinlari Boysun, Darband, Sherabodni qizil askarlardan ozod qilishdi. Olimxon ixtiyoriga Farg'onadan yordamga yuborilgan 4 ming yigit ham Sharqiy Buxoroga yetib keladi. 1921-yil 8-yanvarda Olimxon qo'shining miqdori 25 ming kishiga yetgan. Hisordan Ko'lob viloyatiga kelgan Olimxon butun qo'shinlariga Ibrohimbekni oliy- bosh qo'mondon (O'rribosarlar: Sharqiy Buxoroda – Davlatmanbek va G'arbiy Buxoroda – mulla *Abdulqahhor*) qilib tayinlaydi. Biroq, bir qator janglarda mag'lubiyatga uchragach, Olimxon Amudaryoning Chubek kechuvidan Afg'onistonga o'tib ketgan (1921-yil 4-mart). Olimxonni Kobulga Afg'oniston amiri Omonullaxon qabul qilib, doimiy yashashi uchun unga Qal`aiy Fotuda mahsus qarorgoh ajratib beradi. U Kobulda yashasa ham Buxorodagi ozodlik harakatiga g'oyaviy jihatdan rahbarlik qilishda davom etdi, ko'rboseklar va ulamolarga turli maktublar va qimmatbaho sovg'alar jo'natib, ularni kurashga ilhomlantirgan. Olimxon Kobulda o'zining estaliklarini yozib tugallaydi. Umrining oxirida ko'zi ojizlanib qoladi, og'ir dardga chalinadi uzoq davom etgan hastaliklardan so'ng u Qal`aiy Fotuda vafot etadi. Kobul atrofidagi "*Shahidoni islam*" (islom shahidlari) qabristoniga dafn etilgan.

Olimxonning xotiralari Parijda fransuz tilida (1929), keyinchalik G'arbda fors tilida, O'zbekistonda o'zbek va rus tillarida (1991), Tojikistonda tojik tilida(1992) alohida kitob sifatida chop qilingan. Olimxon hikmronligi davrida Buxoroda "*Olimxon madrasasi*" qurilgan, "*Sitorai Mohi Hosa*" saroyini qurish yakunlangan.

**- XIVA XONLIGI HUKMDORLARI -
(1511-1920)**

ELBARSXON

(?-1516),
(1511-1516)

Xorazmda hukmron bo'lgan *shayboniyalar sulolasi* asoschisi va xoni, *Berka Sultan*ning o'g'li *Chingizxon*ning nabirasi *Shaybon* avlodidan. Otasi *Berka sulton Shayboniyxon* tomonidan qatl qilingandan so'ng (XV asrning 80-yillarida), ukasi *Bilbars* bilan o'z ulusi (Sirdaryoning quyi oqimida) istiqomat qilgan. 1510-yilda safaviylar hukmronligiga qarshi Xorazmda Umar boshchiligidagi qo'zg'olon boshlanadi. Xorazmda hokimiyat tepasiga yangi sulola vakili kelishini mashhur Sayidota ajdodi uyuştirdi. Uning tashabusi bilan Shayboniyxon tomonidan qatl etilgan Berka Sultanning o'g'li Elbarsxon taxtga o'tkaziladi. 1511-1512-yillarda Elbarsxon boshchiligidagi Xorazm xalqi Eron qo'shinlarini mamlakatdan quvib chiqaradi. Shu tariqa 1511-yilda Xorazm mustaqilligi tiklandi. Elbarsxon davrida mamlakat poytaxti Vazir shahridan Urganch shahriga ko'chirildi. Elbarsxon Vazir shahrini Eron qozilbosh qo'shinlaridan ozod etgach, bu g'alaba sharafiga o'z o'g'illari nomiga "g'oz" laqabini qo'shib aytishni buyurgan. Oradan ko'p vaqt o'tmay, Elbarsxon Urganch, Xiva, Hazoraps, Qiyot va Tirsak shaharlaridan safaviylarni quvib chiqardi.

Elbarsxon davridayoq xonlikning siyosiy geografiyasini shakllanib bo'lgan. Chunonchi, xonlik g'arbda Kaspiy dengizi, shimolda Orol dengizi, janubda esa Atrek daryosi va Saraxs atroflarigacha bo'lgan hududlarni o'z ichiga olgan. Uning davlati markazlashmagan, kuchsiz bo'lib, mayda uluslarga taqsimlangan holda boshqarilgan. Mazkur uluslar Elbarsxon hokimiyatiga tobe hisoblansa-da, amalda mustaqil idora qilingan. Elbarsxon davrida Dashti Qipchoqdan Xorazmga ko'chmanchi qabillarning ko'chib kelishi yanada kuchaydi. Natijada, xonlik hukmdorlarining ijtimoiy tayanchi mustahkamlandi.

AVANESHXON

(tug'ilgan yili noma`lum)
(1525-1538)

Xiva xoni. *Shayboniyalar sulolasidan*. *Ubaydullaxon* 1537-yili Urganchni egalladi va Avaneshxon qo'shinlarini tor-mor keltirib, xonning o'zini o'ldiradi. Xonlik hududi to'rt qismga bo'linib, uning bir qismi *Ubaydullaxon*, qolgan uch qismi esa Hisor, Samarkand va Toshkent hokimlariga bo'lib berdi. O'g'li *Abdulazizni* Xorazmga noyib etib tayinlaydi.

ALIXON

(tug'ilgan yili noma`lum)
(1538-1547)

Xiva xoni. *Shayboniyalar sulolasidan*. XVI asr oxiri-XVII asr bosqlarida Amudaryo o'zaning o'zgarishi, daryo avvalgi yo'nalishining qurib borishi xonlikda ichki siyosiy ahvolga qanchalik og'ir bo'lmasin hukmdorlarni irrigatsiya ishlariga e'tibor berishga majbur etgan. Uning davrida Yangiariq, Toshli, Yormish arnalari qurilgan.

HOJI MUHAMMADXON
(Hojimxon)
(tug'ilgan yili noma` lum)
(1558-1602)

Xiva xoni. **Shayboniylar sulolasidan**. 1593-yilda Xiva xonligi Buxuro xoni **Ubaydullaxon** tomonidan bosib olinishi natijasida Hojimxon o'z oilasi bilan Eron shohi **Abbos** huzuriga qochishga majbur bo'ladi. 1595-yilda Xiva turkmanlar yordamida yana o'z mustaqilligini tiklaganda Hojimxon taxtga qaytadi. Lekin, shu yili **Abdullahxon II** Xiva xonligi ustiga yana qo'shin tortib keladi va Hojimxon yana Eronga qochadi. Faqatgina 1598-yili **Abdullahxon**ning vafotidan keyin Buxoro xonligida boshlangan o'zaro toju taxt uchun kurashlar oqibatida Hojimxon Xiva xonligi taxtini qayta egallahsha va o'z hokimiyatini mustahkamlab olishga erishgan.

Bu davrda Xiva xonligi Mang'ishloq, Bolqon tog'lari, Dehiston, O'zboy, Shimoliy Xuroson hududlarini ham o` tasarrufiga olgan edi.

ARAB MUHAMMADXON
(XVI asrning 2-yarmi – 1623-yil)
(1602-1623)

Xiva xoni. **Shayboniylar sulolasidan** Xorazm xoni **Hoji Muhammadxon** (Hojimxon) (1598-1602-yillar)ning kenja o'g'li. Otasi hayotligida Xiva hokimi bo'lgan. Otasi vafotidan so'ng 1602-yili xonlik taxtiga chiqqan. **Abulg'ozzi Bahodirxon**ning yozishicha, uning davrida Rossiya chegarasini qo'riqlab turgan Yoyiq kazaklari atamani **Nechay** va ataman **Shamay** boshchiligidagi Urganchga hujum qildilar. Ularni Xiva qo'shirlari tor-mor qildilar. 1620 va 1621-yillarda qalmoqlar Xorazmga yurish qilib, kishilarni asirga olganlar. Uning davrida Xiva xonligiga qalmoq va qozoqlar bir necha marta hujum qilib g'alabaga erisha olmadilar. Arab Muhammadxon davrida Xiva xonligida davlat parokandalik yuqori nuqtasiga yetgan. Amudaryo o'zaning o'zgarishi va natijada uning qurib borishi bu davrda ham davom etdi. Natijada, Arab Muhammadxon xonlik poytaxtini Urganchdan Xivaga ko'chirishga majbur bo'lgan. Tarqoqlik va urushlar avj olganligi Xivaning ma`muriy tuzilishiga ta`sir etdi. Arab Muhammadxon davrida ichki nizolar avj olib, xonlikning ma`muriy tuzilishiga salbiy ta`sir etgan. Chunonchi, har bir shahzodaning o'z yerida shaxsiy idora apparati – o'z ayonlari, xazinasi, yasovullari, bojaxona xizmatchilari va boshqalar bo'lgan. 1623-yilda o'g'illari **Habash** va **Elbars** sultonlar taxt talashib unga qarshi urush boshladilar. Bu urushda Arab Muhammadxon yengilib, Qum qal`aga qamalgan va o'sha yerda 1623-yilda vafot etgan.

ASFANDIYORXON
(Isfandiyorxon) (? - 1643)
(1623-1643)

Xiva xoni, **Arab Muhammadxon**ning o'g'li. **Shayboniylar sulolasidan**. Turkmanlar yordami bilan ukasi **Elbars** (Ilbars) **Sulton**ni taxtdan ag'darib, 1623-yili Xivada xonlik taxtiga o'tirdi. U turkman zodagonlariga tayanib ish yuritdi. Eron davlati qo'liga o'tib qolgan Janubiy Turkmanistonni Xiva xonligiga qo'shib olishga intildi, ammo 1628-yilda safaviylar qo'shinidan yengildi. XVII asrning 30-40-yillarda Buxoro va Rossiya bilan savdo-sotiq ishlarini olib boradigan karvonlarga zarar yetkazayotgan qalmoqlarga qarshi qattiq kurash olib bordi; qalmoqlarga qarshi ittifoq tuzish maqsadida Moskva bilan muzokaralar yuritdi. **Arab Muhammadxon**ni o'ldirishda **Habash Sultan** bilan **Elbars sultoniga** yordam bergani uchun Xorazmdagi uyg'ur va nayman qabilalarining chorva mollarini tortib oldi va ularga qarshi qirg'in uyushtirdi. Bu fojiadan qutilish uchun o'zbeklarning boshqa qabilalari Xivadan Mavarounnahrga, ba `zilar esa Mang'ishloq yoki qozoq dashtlariga ko'chib ketdilar.

Asfandiyorxon davrida tarqoqlik va xalq ommasini ezish yanada kuchaydi, bu esa mehnatkashlar noroziligiga sabab bo'ldi. Bundan foydalangan yer mulkdorlari o'z vakillaridan biri **Abulg'ozi Bahodimi** Asfandiyorxonga qarshi qo'ydilar. Natijada 1643-yil Orol o'zbeklari **Abulg'ozini** xon qilib ko'tardilar. Xuddi shi yili Asfandiyorxon vafot etdi. Oradan 2 yil o'tgach, **Abulg'ozi Bahodirxon** Xivada taxtda o'tirdi.

ABULG'OZI BAHODIRXON

(1603-yil 23-avgust, Urganch – 1663-yil aprel, Xiva)
(1644-1663)

Xiva xoni, *shayboniyalar suloasi*dan, tarixchi va tabib. Abulg'ozi Bahodirxonning og'alari **Habash sulton** va **Elbars sulton** otalari **Arab Muhammadxonni** yengib, uni Qum qal`asiga qamadilar. Otasining tarafdorlari bo'lgan katta og'asi Asfandiyor Eronga, Abulg'ozi Bahodirxon esa Buxoroga **Imomqulixon** huzuriga qochdi. 1623-yilda akasi **Asfandiyorxon** Xiva taxtini egallagach, Abulg'ozi Bahodirxon Urganchga hokim qilib tayinlandi. Lekin **Asfandiyorxon** bilan o'rtalarida nizo chiqib, Abulg'ozi Bahodirxon 1627-yilda qozoq xoni **Eshimxon** huzuriga qochdi; keyin ikki yil Toshkent hokimi **Tursunxon** bilan birga bo'ldi. Ko'p o'tmay, turkmanlarning taklifiga binoan u yana Xorazmga qaytdi. **Asfandiyor** uni Xiva hokimi qilib tayinlashga majbur bo'ldi. 1629-yilda turkmanlar Eronga tobe bo'lgan Niso va Dorunni bosib oldilar. **Asfandiyorxon** Eron bilan munosabatlarning tamoman jiddiyashib ketishidan cho'chib, aybni Abulg'ozi Bahodirxonga to'nkadi va uni 1630-yil qishida Eron podshohi huzuriga garov tariqasida yubordi. Abulg'ozi Bahodirxon shu tariqa 10 yil Eronda, Isfaxon yaqinidagi Taborak qal`asida qamoqda yashadi. 1639-yilning yozida u tutqunlikdan qochishga muvaffaq bo'ldi. Abulg'ozi Bahodirxon bir necha yil taxt uchun kurash olib borib, nihoyat 1644-yilda hokimiyatni o'g'li **Anushaxonga** topshirdi. Abulg'ozi Buxoro xoni **Abdulaziz** bilan **Subhonqulixon** o'rtaсидаги raqobatga ham aralashdi, chunki, **Subhonqulixon** Abulg'ozining jiyaniga uylangan edi. Buxoro xoni bilan sulh tuzishga erishildi. Shunga qaramay, Abulg'ozixon 1663-yili yetti marta Buxoro xonligi ustiga yurish uyuştirdi: Qorako'l, Chorjo'y, Vardonze tumanlarini talontaroj qildi. U Buxoro xoni **Abdulazizzon** davrida Buxoroga ko'pgina talonchilik yurishlarini olib borgan. Uning bosqinchilik yurishlari Buxoro xonligining siyosiy va iqtisodiy ahvoliga yomon ta'sir ko'rsatdi va ijtimoiy-siyosiy ahvolni murakkablashtirib yubordi. Abulg'ozi qabila boshliqlari nufuzini oshirish bilan ularning markaziy hokimiyatga qarshi xatti-harakatlariga barham bermoqchi bo'ldi. U xonlikdagi barcha qabilalarni to'rt guruhga bo'ldi: qiyot-qo'ng'iroq, uyg'ur-nayman, qang'li-qipchoq, nukuz-mang'it. Bunda qabilalarning urf-odatlari, turmush tarzi va qarindoshchilik aloqalari hamda joylashgan yeri hisobga olindi. Mazkur to'rt guruh yana o'n to'rt mayda urug'lar ham qo'shilgan. Har bir qabilaviy guruhga bog'liq – inoq tayinlanib, xon shu inoq orqali qabilaga tegishli masalalarni hal qilgan. Inoqlar xonning eng yaqin maslahatchisi sifatida saroyda istiqomat qilganlar. Abulg'ozi Bahodirxon saroyida xon hashami 32 qabila boshlig'i – inoqlardan iborat edi.

Abulg'ozi Bahodirxon yirik tarixchi olim sifatida ham e'tiborga sazovor. Uning 9 bobdan iborat "Shajarai Turk" hamda "Shajarai tarokima" ("Turkmanlar shajarasi") asarlari O'zbekiston, umuman O'rta Osiyo tarixiga oid qimmatli manbalardan hisoblanadi. Abulg'ozixon "Shajarai turk" asari bilan «Xorazm tarixchilik maktabi»ga asos solgan. Abulg'ozi Bahodirxon tibbiyat ilmiga oid "Manofiul inson" ("Insonga foydali tadbirlar") nomli asar ham yozgan.

ANUSHAXON

AAbulmuzaffar Muhammad
(?-1686-yil)
(1663-1687)

Xiva xoni, *Shayboniylardan*. **Abulg'ozi Bahodirxonning** o'g'li. Buxoro xoni **Abdulazizga**

qarshi jang (1657-yil)da qahramonlik ko'rsatib, jang taqdirini xivaliklar foydasiga hal qilgan va otasini o'limdan saqlab qolgan. Uning qo'shinini Buxoroga yetib borib, Samargandni egalladi. 1685-yilda G'ijduvon yaqinidagi jangda Xiva qo'shnulari tor-mor etildi. Buning uchun otasi Anushaxonga tug', lashkar va Hozarasp shahrini in`om etgan va Xivada uning nomiga katta hammom qurdirgan. Anushaxon taxtga o'tirgach, xonlik chegaralarini mustahkamlash uchun Yangi Kot, Shohobod qal`alarini qurdirgan. So'ng, 1686-yil Buxoro xonligiga yurish qilib, G'ijduvon, Hazora, Samargand, Qarshi va Shahrisabzni egallagan. Anushaxon davrida Buxoro-Xiva munosabatlari yanada keskinlashdi. Anushaxon Buxoroni xonavayron qilgan bir necha marta harbiy yurish uyuştirgan. Uning qo'shini hatto Buxoroga yetib borgan. Samargandni egallagan. U Samargand viloyati hokimi **Xojaqulibiy o'tarchi** bilan birgalikda Buxoro xoni **Subhonqulixonga** qarshi urush boshlagan.

1686-yili **Subhonqulixon** Anushaxonxonga qarshi fitna uyuştiirdi. Anushaxon 1687-yil taxtdan tushirilib, ko'ziga mil tortiladi. Anushaxon davrida Qoraqalpog'istonidagi Sulton Bays bobo va Xivadagi Pahlavon Mahmud maqbaralari, Oq masjid ta`mirlangan, "Shajarayi turk" asari oxiriga yetkazilgan. Anushaxon Xivadagi Pahlavon Mahmud maqbarasiga dafn etilgan.

SHERG'OZIXON

(?, Buxoro - 1727-yil dekabr, Xiva)
(1715-1727)

Xiva xoni. **Shayboniylardan. Jonto'raxonning** o'g'li. Madrasada tahsil olgan. 1715-yil Yodgorxon vafotidan so'ng, Buxorodan keltirilib Xiva taxtiga o'tqazilgan. Sherg'ozixonqa qarshi Orol bo'yida yashovchi qoraqolpoqlar Ishimxon boshchiligidagi isyon ko'tarishgan. Sherg'ozixon ular ustiga qo'shin tortib katta o'ljalar, ko'plab asirlar bilan qaytgan. 1715-yil Sherg'ozixon Xurosonga yurish qilib Mashhadni egallagan, Nishopurni qamal qilib egallay olmagan (1716). Sherg'ozixon hukmronligi davrida Xiva xonligiga qarshi Rossiya bosqinchilik hamlasini boshladi. Rossiya podshisi **Piotr I** 1714-yili **Bekovich-Cherkasskiy** harbiy ekpeditsiyasini Xivaga yubordi. **Bekovich-Cherkasskiy** harbiy ekpeditsiyasining qirib tashlanishi (1717) Xiva-Rossiya munasabatlarini keskinlashtirib yubordi. Munosabatni yumshatish uchun 1720-yil Xiva elchilar Rossiya jo'natilgan, lekin elchilar a`zosi qamoqqa olingen, ulardan atigi bir kishigina Xivaga qaytishga muvaffaq bo'lgan. Rossiya hukumati Xiva xonligi orqali O'rta Osiyoga kirib kelish fikridan voz kechmagan, bu paytda Rossiyada Buxoro xonligining Qulibek boshchiligidagi elchilarini bor edi. Rossiya hukumati F. Benevenini ularga qo'shib Buxoroga jo'natgan va Buxoro xonligini Xivaga qarshi gij-gijlagan. Sherg'ozixon Orol bo'yidagi isyonkor qabilalar ruslarni Xivaga boshlab kelishidan va o'rniiga Buxorodan keltirilgan (1721) Temur sultonni xon qilib ko'tarishlaridan xavotirda edi. Temur sulton xonlikdagi Vazir, Gurlan, Shohobod, Bag'lon, Uyg'ur, Yangi Urganch, Xonqa va Xazoraspni olgan bo'lsa-da, butun xonlikni egallay olmagan. Xonlikdagi ichki kurashlar Sherg'ozixon vafotiga qadar davom etgan. Sherg'ozixon Xivadagi madrasa (Sherg'ozixon madrasasi) qurilish chog'ida mashhadlik g'ulomlar tomonidan o'ldirilgan. Munisning yozishicha, Sherg'ozixon odil, ma`rifatparvar hukmdor bo'lib, ko'p vaqtini ilm ahli bilan suhbatda o'tkazgan. uning davrida ilm-fan va she'riyat rivojlangan.

ELBARSXON

(?-1739-yil 27-noyabr)
(1728-1739)

Xiva xoni. **Shohniyozzxon** o'g'li. Uning hukmronligi davrida Xiva xonligida siyosiy ahvol keskinlashadi. 1736-yil Sherg'ozixonning katta Erg'ozi sulton Shohobodda unga qarshi kurash boshlagan. Xonlikdagi mang'itlar va qoraqolpoqlar ham bosh ko'targan. Elbarsxon ularga qarshi

kurash bilan bir qatord qo'shni davlatlar hududiga ham chopqunlar uyuştirgan. 1736-yil Elbarsxon 3 ming turkman askarlarini Chin Vakil yovmut boshchiligidagi Xurosonga jo'natgan. Bu qo'shin Mand teklisi va Olatog' atrofida eronliklarning qizilboshlilar qo'shini ustidan zafar qozonib, katta o'lja bilan qaytgan. bu paytda Eron shohi **Nadirshoh** Shemaxani bosib olib Ganjada turgan edi. 1738-yil Nodirshohning o'g'li Rizoquli mirza Balxni egallab, Movarounnahrga yurish boshlagan. Buxoro xoni Abulfayzxon Elbarsxonidan ko'mak so'ragan. Elbarsxon katta qo'shin bilan Buxoroga otlangan, biroq yo'lda Abulfayzxonni qizilboshlilar bilan sulh tuzganidan voqif bo'lgach, orqaga qaytgan. 1739-yil fevralda Elbarsxon o'zbek va turkmanlardan tashkil topgan qo'shin bilan Xurosonga yurish qilib, Niso va Obivard atrofini talon-toroj qilib Xivaga qaytgan. 1739-yil oktabrda Nodirshoh Buxoroni olib, Xivaga qo'shin tortgan. Tuyamo'yin, Pitnak, Hazoraspda xivaliklar mag'lub bo'lgan. Eron qo'shini Xonqani 7 kunlik qamaldan so'ng egallagan, Elbarsxon va uning 20 ta amiri asir olingan. Nodirshoh ularni qatl ettirib, Xivaga yurish qilgan va 3 kunlik qamaldan so'ng uni bosib olgan.

G'OYIB IBN BOTIR
(Qoraboyxon)
(tug'ilgan yili nom` alum)
(1746-1756)

Xiva xoni. U inoqlar nufuzini yo'qotish payida bo'lib, o'zbek qabilalariga qarshi kurashdi. O'zbek qabilalari G'oyibning ukasi **Abdulla** boshchiligidagi xonga qarshi qo'zg'olon ko'tardilar. Qo'zg'olonga Buxoro xoni **Muhammad Rahimxon** aralashdi. Goyib taxtdan tushirib, o'z noyibi **Temurg'ozini** xon etib tayinlaydi. **Muhammad Rahimxon** vafot etgach (1758-yil), inoqlar hokimiyatni yana qo'lga oldilar.

MUHAMMAD AMIN INOQ
(taxminan 1730-1790)
(1770-1790)

Xiva xonligini idora qilgan *qo'ng'irot sulolasi* asoschisi. Inoqlardan Muhammad Amin inoqlik lavozimiga ko'tarilgan. Turkmanlarning yovmut va chovdur qabilalariga qarshi kurash olib borgan, lekin muvaffaqiyatsizlikka uchrab Buxoroga, Doniyolbiy otaliq yoniga ketgan. Xorazmni butunlay egallab olgan yovmutlar Xiva taxtiga Go'yibxonning o'g'li Jahongirxonni ko'targanlar. Uning davrida (1769-1770-yillar) besh qal'a (Hazorasp, Xonqa, Urganch, Kat va Shohobod)da ocharchilik va vabo tarqalib o'zbeklar Orol va Buxoroga ketganlar. 1770-yil Muhammad Amin inoq Buxorodan qaytib kelib yovmutlarni Xorazmdan quvg'in qilgan, taxtga **Abulxayrxom**ning o'g'li **Bo'lakayxonni** o'tqazgan. 1782-yilda Buxoro xoni qo'shnlari qo'shnlari hujumini daf etadi. Muhammad Amin inoq mustaqil beklarni ham bo'ysundirganidan keyin Xiva xonligida iqtisodiy hayot bir qadar jonlana boshladidi. O'zga yurtlarga qochib ketgan aholi asta-sekin qaytib kela boshladidi.

Muhammad Amin inoq xon avlodidan bo'limgani uchun taxtga qo'g'irchoq xonlarni o'tqazib, hokimiyatni ular nomidan boshqara boshlagan. Muhammad Amin inoq 20 yil mobaynida 13 marta Xiva xonini almashtirgan. Faqatgina Muhammad Amin inoqning nabirasi **Eltuzar** (1804-1806-yillar) 1804-yilda chetdan chaqirilgan soxta xon **Abulg'ozini** taxtdan tushirib, o'ziga xon unvonini qabul qiladi. Xorazimlik tarixchilar (**Munis**, **Ogahiy**, **Bayoniy** va boshqalar) Muhammad Amin inoq hususida ancha iliq fikr bildirganlar. Muhammad Amin inoq davrida Xiva shahrida Muhammad Amin inoq madrasasi qurildi (1765-yil), shaharning Nodirshoh bosqinida vayron bo'lgan devori va darvozalari qayta tiklandi (1785-yil), Xivaning Jome masjidi qayta qurilib, uning yonida chiroyli minora qad ko'targan.

AVAZ MUHAMMAD INOQ

Avazbiy

(1782-1804)

(1790-1804)

Xiva xoni. **Qo'ng'irotlar** sulolasidan. **Muhammad Amin** inoqning o'g'li. Inoqlardan. Avaz xon avlodidan bo'lmagani uchun taxtni qo'g'irchoq xonlar orqali boshqarganlar. Avaz Muhammad inoq hukmronligi davrida Xiva xonligini iqtisodiy jihatdan mustahkamlash borasida ko'p ishlar qilingan, Xivada katta hajmdagi qurilish ishlari bajarilgan (masalan, Xivadagi Juma masjidi va minorasi (1789) qayta qurilgan).

ELTUZARXON

(? - 1806)

(1804-1806)

Xiva xoni, **Muhammad Amin** inoqning nabirasi. **Qo'ng'irotlar** sulolasidan. Eltuzar davrida chetdan chaqirilgan soxta xon **Abulg'ozzi** taxtdan tushirib, o'ziga **xon** unvonini qabul qiladi (1804-yil). Shundan keyin, qo'ng'irot qabilasi Xiva xonligi taxtini 1804-yilda rasman ham egalladi. Eltuzar 1806-yilda Buxoroga qarshi urush chog'ida halok bo'ladi. Uning buyurig'i bilan **Munis Xorazmiy** "Firdavs ul-iqbol" asarini yozgan.

MUHAMMAD RAHIMXON I

(1775-1825)

(1806-1825)

Xiva xoni. **Qo'ng'irotlar** sulolasidan. To'liq ismi *Muhammad Rahimxon ibn Avaz inoq ibn Muhammad Amin inoq*. Akasi **Eltuzarxon** vafotidan keyin taxtga o'tirgan (1806-yil). Muhammad Rahimxon I Xiva xonligini birlashtirishda ijobjiy natijalarga erishgan; bir qancha siyosiy, iqtisodiy, ma'muriy islohotlar o'tkazgan. Xon saroyi qoshida doimiy faoliyat ko'rsatuvchi Kengash (Devon) ta'sis etilgan. Muhammad Rahimxon I mamlakatni kengaytirish uchun turkman – chovdurlar ustiga yurish qilgan (1808-1809-yillar). Shu yili Hasanboy elini bo'ysundirib Qo'ng'irotga hujum qilgan, biroq u yerda qattiq qarshilikka uchragan. **Oymirza** hukmronlik qilayotgan qoraqalpoqlarning bir qismini Oq yoshq degan mavzega ko'chirgan. Muhammad Rahimxon I Orol bo'yli qoraqalpoqlarini bo'ysundirish uchun bir necha marta yurish qilib, 1811-yilda **To'ramurod** so'fini yengib xonlikni mustahkamlagan. 1812-1818-yillar davomida Sirdaryo bo'yli qozoqlari va Marvdagi taka turkmanlar ustiga yurish qilib, ularni xonlikka qo'shib olgan. Bu g'alabalar Xiva xonligining mavqeini mustahkamlab, uni mustaqil qudratli davlatga aylantirgan. 1822-yilda Marv ustidan hukmronligini o'rnatdi. 1823-1824-yillarda Buxoro amirligiga tegishli Qoqishtivon, Ogor va Poykend qal`alariga talonchilik yurishlarini qilgan. Buxoro amiri **Haydar** bilan sulh tuzgan (1825-yil).

Muhammad Rahimxon I davrida Dashti Qipchoq, Xuroson Xiva xonligiga soliq to'lab turgan. Xonlik hududi janubda Xuroson, Shimolda Orol dengizi va Sirdaryoning quyi oqimidagi yerlar, sharqda Buxoro amirligiga tutash hududlar, g'arbda Kaspiy dengizi qirg'oqlarigacha bo'lgan yerkarni o'z ichiga olgan. Muhammad Rahimxon I o'zi qurdirgan Pahlavon Mahmud maqbarasidagi katta xonaqohning to'riga dafn etilgan. Muhammad Rahimxon I arab, fors tillarini bilgan. Ilm ahliga homiylik qilgan. Olim, shoir va donishmandlar bilan suhbatlar o'tkazib turgan. **Munisga Eltuzarxon** davrida boshlangan "Firdavs-ul-iqbol" asarini davom ettirishga sharoit yaratib bergen. 1813-yilda **Munisga** "Ravzat-us-safu" asarini tarjimasini topshirgan. Mamlakatda bir qancha kanallar qazdirib

obodonlashtirisga e`tibor bergan. Arkda zarbxona tashkil qilib oltin va kumush tangalar chiqargan. Muhammad Rahimxon I davrida ichkilik va bangilik taqilangan. Pahlavon Mahmud maqbarasi qayta qurilgan. Xivada bir qancha madrasa va masjidlar qurilgan. Bojxona va boshqa muassasalar ishga tushgan.

OLLOHQULIXON
(taxminan 1797-1842)
(1825-1842)

Xiva xoni, *Qo'ng'irotlar* sulolasidan. *Muhammad Rahimxoming* o'g'li. Ollohqulixon davrida zulm, talonchilik, o'zaro urushlar kuchaygan. Ollohqulixon Buxoro bilan sulh tuzilganiga qaramay 7 marta Buxoro xonligi hududiga yurishlar qilib, qishloqlarni talab qaytgan. Xurosonga 5 marta yurish qilgan. Qoraqalpoq va turkmanlarning qo'zg'olonlarini beshafqat bostirgan (1828-yil). Rossiya bilan savdo va elchilik munosabatlarini (1840-1841-yillar) rivojlantirgan.

Ollohqulixon davrida Xivada karvonsaroy, tim, 111 ta xona va bo'limali Toshho'vli saroyi (1834-1835-yillar), Ichan qal` aning sharqiy darvozasiga tutashtirib qurilgan Ollohqulixon madrasasi, Oq masjid, Saitboy masjidi, Toshhovuz qal` asi (1835-1836-yillar) va boshqa inshootlar qurilgan. Yangi kanallar qazdirib sug'oriladigan yerlarni kengaytirgan. Xiva shahrining obodonchiligi uchun ko'p mehnat surf qilgan. Ollohqulixon davrida koshinpazlik (koshinkorlik) san`ati yuksak cho'qqiga chiqqan. *Pahlavon Mahmud maqbarasi* va *Ko'hna Ark* koshinlar bilan bezatilgan. *Sayid Alovuddin maqbarasi* va boshqa ko'pgina tarixiy obidalar ta`mirlangan. Arabxon va Muhammad Amin inoq madrasalari qaytadan qurilgan.

Xiva shahrining atrofi mudofa devori bilan o'rab olingen (1842-yil). Ichan qal`a tashqarisida yashayotgan aholini himoya qilish maqsadida *Dishan qal'a* (Tashqari qal`a) qurilgan. Qal` aning uzunligi 6250 metr bo'lib, shunday ulkan qurilish kuchi bilan paxsadan 30 kun davomida qurib bitkazilgan. Ichan qal` aning janubiy darvozasidan Dishan qal`a devorlarigacha bo'lgan masofa 300-400 metrni tashkil qiladi.

Ollohqulixon 1842-yil Chorjo'yga yurish qilib qal`ani qamal qilgan paytda og'ir kasalga duchor bo'lib, orqaga qaytishga majbur bo'lgan va 1842-yil 23-noyabrda vafot etgan. Uni o'zi hayat vaqtida tayyorlab qo'yan *Pahlavon Mahmud* maqbarasiga dafn etishgan.

SAYID MUHAMMADXON
(1823-1864)
(1856-1864)

Xiva xoni. *Qo'ng'irotlar* sulolasidan. *Muhammad Rahim I* ning o'g'li, *Muhammad Rahim II - Feruzning* otasi. Uning davrida Xivadagi ichki nizolarga barham berilgan, xonlikda tinchlik-osoyishtalik barqaror topgan. Sayid Muhammadxon 1858-yil Xivaga kelgan *N.P. Ignatev missiyasini* qabul qilgan. Shu yili 28 avgustda Xivada rus elchixonasi ochilgan. 1863-yil venger sayyohi *G. Vamberi* ham Sayid Muhammadxon qabulida bo'lgan. Sayid Muhammadxon davrida Xivadagi *Qo'hna ark* saroyidagi ko'rinishxona qayta tiklangan va uning shipi, ayvon ustuni xorazmcha naqshlar bilan bezatilgan. 1859-yilda Xivaning *Dishan qal'a* qismida, Nurullaboy bog'ida yangi ko'rinishxona qurib bitkazilgan.

Ogahiy "Gulshani davlat" tarixiy asarida Sayid Muhammadxonning xonlik davrini ta'riflagan. Sayid Muhammadxon xonlikni boshqarishda boshqa davlatlar, ayniqsa, Rossiya bilan munosabatlarida o'zini mustaqil va teng huquqli davlat hukmdori sifatida tutgan. Sayid Muhammadxonning jasadi Xivadagi Said Mohi ro'yi jahon (Said Mahro'yjon) maqbarasiga qo'yilgan.

MUHAMMAD RAHIMXON II

Feruz

(1845-yil – Xiva – 1910-yil)

(1864-1910)

Xiva xoni; shoir va bastakor. *Qo'ng'irotlar* sulolasidan. Xiva shahridagi *Arab Muhammadxon madrasasi*da tahsil ko'rgan, davlat, huquq ilmini zamonasining mashhur mudarrisi, shoir va olim *Doiy, Yusufxo'ja oxun* va boshqalardan o'rgangan. *Ogahiy* Muhammad Rahimxon II - *Feruzga* ustozlik qilgan, unga she'riyat sirlarini o'rgatgan, tarix, tarjima ilmidan saboq bergan. Otasi *Sayid Muhammadxon* vafotidan so'ng (1864) Xiva taxtiga o'tirgan.

1873-yil Xiva xonligiga *K.P.fon Kaufman* boshchiligidagi Rossiya qo'shini hujum qilib, xonlikning asosiy shaharlari va poytaxtni bosib olgan. *Gandimiyon shartnomasi* (1873-yil 12-avgust)ga ko'ra, Xiva xonligi podsho Rossiyasiga qaram bo'lib qolgan. Feruz ana shunday murakkab sharoitda yarim asrga yaqin muddat davomida Xiva xonligini boshqargan. Feruz saroyga adabiyot va san'at arboblarini to'plagan. *Ogahiy, Komil, Tabibiy* va boshqalar ta'sirida o'zi ham Feruz (baxtli, g'olib) taxallusi bilan she'rler yozgan. U qoraqolpoqlarni boshqarish uchun "*Qoraqolpoq ulus*"ni shakllantirgan. Feruz kitobat ishlariga katta ahamiyat bergen: devon tuzish, tarix yozish, tarjima ishlarini rivojlantirgan. Xorazmda tarjima maktabi yaratgan. Fors va arab adabiyotining eng nodir tarixiy, adabiy, ilmiy asarlarini o'zbek tiliga tarjima qildirgan.

Uning hukmronligi davrida *Ogahiy* va *Bayoniylar* tomonidan Xorazm tarixiga oid asarlar yozilgan. *Komil Xorazmiy* mumtoz maqomlar uchun nota yozuvini ixtiro qilgan. Xivada bosmaxona (toshbosma) tashkil ettirgan. Unda Xorazm shoirlari haqidagi "*Majmuat ush-shuaro*" tazkirasi, *Alisher Navoiy* asarları, Xorazm shoirlari devonlari nashr qilingan. Feruz Hindiston, Arabiston, Eron, Turkiya savdogarlar orqali Xorazmga chet ellardan noyob kitoblar keltirtirgan va ularni ko'p nusxalarda ko'chirtilgan, tarix va adabiyotga oid kitoblardan iborat boy kutubxona yaratgan. Feruz me'morlik, naqqoshlik, xattotlik kabi san'at turlarini ham rivojlantirgan. Bu davrda fotografiya va kino san'ati vujudga kelgan, obodonchilik ishlari amalga oshirilgan.

Feruz 1871-yil Ko'hna Ark qarshisida o'z nomi bilan ataluvchi 2 qavatli madrasa qurdirgan (*Muhammad Rahimxon madrasasi*). Feruzning bevosita rahbarligi va tashabbusi bilan 30 dan ortiq madrasa, masjid, minora, xonaqolar qad rostlagan. Feruz yerlarni suv bilan ta'minlash, bog'-rog'lar barpo etish ishiga ham alohida ahamiyat bergen. Uning buyrug'iga muvofiq, Qo'ng'irot tumani sarhadida katta ariq bunyod etilgan. Hozirda ushbu ariq "**Xon arig'i**" deb ataladi.

1874-yili Feruz Rossiyadan 2 ta litografiya (kitob bosuvchi) mashinani sotib olib, Turkistonda ilk marotaba kitob chop etishni yo'lga qo'ygan. Uning topshirig'iga ko'ra bir qator tarixiy va sharqona didaktik asarlarni o'zbek tiliga o'girish bo'yicha katta ishlarni amalgam oshirgan. Masalan, "*Tabariy tarixi*" (12 jilda), "*Shayboniynoma*", "*Zafarnoma*", "*Eron tarixi*", "*To'tinoma*" (to'ti tilidan ertak tarzida hikoya qilingan nasihatlar kitobi) "*Maorifnomá*" kabilar. Muhammad Rahimxonning yozgi qarorgohi Tozabog'da nodir kitoblar saqlanib Rossiyaning sharqshunos olimlarining etiborini tortgan va ular bu yerga ana shu nodir kitoblarni o'rganish, tarjima qilish va ko'chirish uchun atayin kelishgan. Muhammad Rahim Bohodirxon butun O'rta Sharqda tengi topilmas boy kutubxonaga asos solgan. Uning topshirig'iga ko'ra yozilgan mamlakat tarixi Buxoro va Qo'qonda bitirgan huddi shunday tarixlardan musoffoligi va ishonarligi bilan o'ta darajada yuqori saviyada edi.

Feruz mumtoz she'riyatning an'anaviy janrlarida lirik she'rler yaratgan. She'rleri, asosan, ishq-muhabbat mavzuida. Inson va hayot, sevgi va sadoqat Feruz ijodining g'oyaviy asosini tashkil qiladi. Ular ohangdorligi, tasviriy-ifodaviy bo'yoqlarga boyligi va shaklan rang-barangligi bilan ajralib turadi. Uning ko'pchilik g'azallari o'z zamonasida sozandalar tomonidan kuya solib kuylanib keltingan. She'rleriga "**Devoni Feruz**" nomi bilan tartib bergen (1879). Bu devon *Muhammad Sharif* tomonidan qayta ko'chirilgan (1900). Feruzning o'zi *Pahlavon Mahmudning* 350 ruboysini qo'lida ko'chirib, kitob holiga keltirgan. Feruz Shashmaqom kuylarini o'rgangan, saroyda maqom ansamblini tuzgan. "*Navo*",

"Dugoh", "Segoh" maqomlariga bog'lab kuylar yaratgan. Feruz *Said Mahruyjon majmuasidagi Sayid Mohi Ruyi Jahon maqbarasida dafn qilingan.*

ASFANDIYORXON

(?-1918-yillar)
(1910-1918)

Xiva xoni. *Qo'ng'irotlardan*. 1910-yil otasi *Muhammad Rahimxon II* vafotidan so'ng rus podsho hukumatining yordami bilan taxtga chiqdi. 1910, 1914-yillarda Peterburgda bo'ldi. Asfandiyorxon davrida ma'rifatparvar vazir *Islomxo'ja* tashabbusi bilan Xiva va boshqa shaharlarda pochta-telegraf, kasalxona, ikki madrasa va yangi tipdagi maktablar, xatto rus maktablari qurildi. Asfandiyorxon Islomxo'jani xazinadagi mablag'ni behuda sovurishda ayblab qatl etdi (1913-yil), butun yerlarni qayta o'lchatib, mehnatkash xalqqa og'ir soliqlar soldi. Uning zulmiga qarshi 1915-yil Mang'itda, 1916-yil yanvarda Xo'jaylida xalq chiqiqshlari bo'lib o'tdi. 1905-1907-yillarda tashkil topgan "Yosh xivaliklar" tashkiloti 1917-yil fevral inqilobidan so'ng oshkora ish boshladi. Bu tashkilot 1917-yil 5-aprelda xonni burjua islohoti o'tkazish haqidagi manifestga qo'l qo'yishga majbur etd.

Shu tariqa xon boshliq konstitutsion monarxiya tuzildi. Davlatni idora etuvchi "*Idorai mashvarat*" tashkil topdi. Lekin islohot mehnatkashlar ahvolini yaxshilamadi. Asfandiyorxon ko'p o'tmay "*Idorai mashvarat*"ni tarqatib, yana mustabid hokimiyat o'rnatdi. Asfandiyorxon 1918-yil 22-yanvarda yuqori martabali amaldorlar va din ahllari ishtirokida davlatni birga boshqarish hamda bolsheviklarga qarshi kurashish uchun *Junaidxon* bilan Xivada muzokara olib bordi. Natijada Asfandiyorxon *Junaidxonni* qo'shin boshlig'i (sardori karim) etib tayinlanib, hokimiyatni unga topshirdi. Oradan ko'p o'tmay, *Junaidxon* hokimiyatni butunlay qo'lga olish uchun Asfandiyorxonni yashirin ravishda o'ldirtirdi. *Junaidxon* taxtga o'z ta'siridagi Sayid Abdullaxonni o'tqazdi.

SAID ABDULLAXON

(?- 1933-yil, Krivoy Rog shahri, Ukraina)
(1918-1920)

Xiva xoni, *qo'ng'irotlardan*. Feruzning o'g'li. Ukasi Asfandiyorxon suiqasd natijasida o'ldirilgach, *Junaidxon* tomonidan Xivaga xon qilib ko'tarilgan (1918-yil 3-oktabr). Said Abdullaxon jismoni yihatdan zaif va irodasiz bo'lib, Xiva xonligidagi barcha ishlarni amalda yasovulboshi *Davlatmurod* mahram orqali *Junaidxon* boshqargan. *Junaidxon* o'z kishilari: *Choriqboy* (Toshhovuz), *Safar Depmechi* (Ilyali), *Qilich Qora* (Porsu), *Goklan bola* (Mang'it), *Anna Geldibek* (Taxta), *Xalil Maxsum* (Urganch), *Shixim Sulg'un* (Xiva)larni hokim qilib tayinlagan.

Xiva xonligi qizil askarlar tomonidan bosib olingach, Said Abdullaxon taxtdan voz kechishga majbur bo'ldi (1920-yil 2-fevral) va iltimosiga ko'ra, u Xivada qoldirilgan. Biroq, Xivadagi Muhammad Aminxon madrasasida qozikalol *Ibrohim Oxun* boshchiligidagi bo'lgan ulamolarning qizil askarlarga qarshi ko'targan isyon (1920-yil 23-iyun)dan keyin, bu isyonga hech qanday aloqasi bo'lmasa ham Said Abdullaxon va uning harami, yaqin qarindoshlari, 10 to'ra hamda *Hikmatilla Oxun* (qoziaskar), *Obid Oxun* va boshqalar Xorazm Xalq Sovet Respublikasi (XXSR)dan badarg'a qilingan (1920-yil yozi). Dastlab Moskvadagi Lubyanka - 2; Novospassk, Ivanovo monastirlaridagi qamoqxonalarga tashlangan. 1923-yilda Said Abdullaxon va uning avlodlari Ukrainianing Yekaterinoslav gubernyasiga surgun qilingan. U surgunlikda 10 yil yashagan. So'ngra kasallanib, vafot etgan. Xorazmlik adib *Qo'zi Davat* Said Abdullaxon haqida "*Xusumat*" (Nukus, 2001) tarixiy romanini yozgan.

**- QO'QON XONLIGI (MINGLAR SULOLASI) HUKMDORLARI -
(1709-1863)**

**SHOXRUHBIY
Shoxruhbiy ibn Ashurbiy
(? - 1721),
(1709-1721)**

Keyinchalik Qo'qon xonligi deb atalgan davlatning asoschisi. 1709-yilda minglar alohida beklik tuzgan chodalik din peshvolari hokimiyatini ag'dardilar va Farg'ona vodiysida hokimiyatni o'z qo'lariiga oldilar. **Ming qabilasi** yo'lboschilaridan biri Shohruxbiy hukmdor deb e`lon qilindi. Shu tariqa, O'rta Osiyoda keyinchalik **Qo'qon xonligi** deb atalgan yangi davlat vujudga keldi. Ma`lumki, faqat Afrosiyob yoki chingiz avlodidan bo'lganlar xon atalishga haqli edilar. Shohruxbiy esa Chingiz avlod emas edi. Shuning uchun saroya yaqin tarixchilar "**Oltin beshik**" haqidagi afsonani to'qiganlar. Unga ko'ra, go'yo Kobul tomon ketayotgan Zahiriddin Muhammad Bobur endi tug'ilgan chaqalog'ini oltin beshikka belab, yo'lda qoldirib ketgan ekan. Farg'ona vodiysiga o'zbek qabila boshliqlari beshikni topib olishib, bolani katta qiladilar. Oltin beshikdagi bola voyaga yetib undan Sulton elik nomli o'g'il tug'ilgan. Undan keyingi avlod Xudoyor, Muhammad Amin, Abulqosim, Shohmastbiy (Ejmosbiy), Shohruxbiy, Hojibiy, Ashurbiy, so'ng Shohruxbiy. Shohruxbiy Oltin beshikning o'ninchi pushti hisoblangan. U ming qabilasi biylaridan edi.

Shoxruhbiyning taxtga o'tirishini *Mulla Olim "Tarixi Turkiston"* asarida qiziqarli tasvirlaydi: Targ'ovaga Jankat, Pilaxan, To'fontepa, Partak, Tepa Qo'rg'on, Qaynar va boshqa joylarning oqsoqol, aslzoda odamlari to'planib Ashurbekning o'g'li aqlli, insonparvar Shoxruhbiy Ashurbek o'g'lini xon qilib saylashga qaror qiladilar. Shundan so'ng Shoxruhbiy o'rda va qo'rg'on qurish uchun qulay joy tanlashga farmon beradi. Yuborilgan odamlar "*Ko'k to'nliklar*" yashaydigan ikki soy oralig'ida joylashgan hududni qulay joy, deb hisoblaydilar. Ular bu yerda ark quradilar va uning atrofida saroy va binolar qura boshlaydilar. Shundan keyin Shohruhbiyi taxtga o'tqazadilar. Xonning saylanish yilini 1709-yil deb hisoblaydilar.

Mulla Olim Shoxruhbiy 12 yil hukmronlik qilib, hukmronligining 13-yilida vafot etdi, - deb yozadi. Bundan uning 1721-yilda vafot etganligi kelib chiqadi.

Bu davlat o'z tasarrufiga Qo'qon, Isfara va Marg'ilon atroflarini qo'shib olgan edi.

Shoxruhbiydan uchta o'g'il qoladi: Abdurahimbiy, Abdukarimbiy va Shodibiy. Otasining o'rnini o'g'llarning kattasi *Abdurahimbiy* egallaydi.

**ABDURAHIMBIY
Abdurahimbiy ibn Shohruhbiy
(1700-1733, Xo'jand)
(1721-1733)**

Ming sulolasidan bo'lgan Qo'qon xoni, **Shoxruhbiy**ning o'g'li. U xushyor, oqil, donova tadbirkor edi. Abdurahimbiy davrida Qo'qonda qal'a qurilgan bo'lib, u xozirda "*Eski qo'rg'on*" deb ataladi. V.P. *Nalivkin*ning ma`lumotiga ko'ra, 1732-yilgacha uning qarorgohi *Tikon To'da* qishlog'i bo'lgan. Xuddi shu yili u Qo'qon shahriga birinchi bo'lib asos soladi. 1725-yil Buxoro xonligining zaiflashganidan foydalanib, 20ming kishilik qo'shin bilan Xo'jandni, 1726-yil esa O'rategani egallagan. So'ogra Shahrisabz ostonalariqa qo'shin tortib boradi. Shahrisabz hokimi Olimbek valine'maning (boshqa manbalarga ko'ra Ibrohim otaliq kenagasnning) sulh tuzib, qizi Oychuchuk oyimni o'z nikohiga olgan. Shahrisabzliz kenagaslar bilan ittifoq tuzib, 1732-yil Samarqandni egallab, bu yerga mulla Bahorni hokim etib tayinlaydi va u yerda olti oy turgach, Jizzaxni olib, Ollohqulibekni hokim qilib qoldiradi.

Abdurahimbiy Xo'jandga yetib kelgach, qattiq betob bo'lib, aqldan ozadi, u 1733-yilda suiqasd uyuşhtirilishi natijasida o'ldiriladi. Abdurahimxon o'limidan so'ng Qo'qon xonligi zabit etilgan hududlardan ajragan. Undan Erdonabek degan o'g'il va 3 qiz qolgan bo'lsa ham Qo'qon xonligi taxtiga ukasi Abdulkarimbiy o'tiradi.

ABDULKARIMBIY
Abdulkarimbiy ibn Shohruhbiiy
(1710-1750)
(1733-1750)

Ming sulojasidan bo'lgan Qo'qon xoni. Shohruxbiying o'g'li. Akasi Abdurahimbiy vafot etgach (1733), *taxtga o'tirgan. Xonlik o'rdasini Qo'qon yaqinidagi Tepaqo'rg'onдан Qo'qonga ko'chirgan.* 1746-yil O'ratega hokimi **Fozilbiy** yordamida *Qalmoqlar* hujumini qaytargan. Abdulkarimbiy Qo'qon shahrida saroy, madrasa, bozor va Isfara, Qatag'on, Marg'ilon, Toshkent, Haydarbek nomli shahar darvozalarini qurdigangan.

Akasi vafot etgach hukmdor etib tayinlanadi, u Qo'qonga ko'chib boradi va uni qaytadan quradi. 1746-yilda xitoyliklar Qoshg'arni bosib oladilar va jung'or davlatini tor-mor qiladilar, qalmiq ko'chmanchilarining bir qismi g'arbga yurib, Farg'ona vodiysiga bostirib kiradilar. Abdulkarim qalmiqlarga qarshi Qipchoq bachcha boshchiligidagi qo'shin yuboradi, lekin u o'ldiriladi. Uning ishongan qo'shini esa qochib ketadi, natijada qalmiqlar Qo'qonga yaqinlashib qoladilar. O'ratega xoni Fozilbiy (Sodiqbiying o'g'li va Abdulkarimning atalgan o'g'li) buni bilib qolib, qo'shin bilan yordamga keladi. Qonli janglardan so'ng qalmiqlar Qo'qondan chekinadilar.

Abdulkarim 1750-yilda 40 yoshida vafot etadi, Qo'qon xonligi taxtiga esa uning o'g'li Abdurahmon o'tiradi.

U o'z poytaxtini Tepaqo'rg'onдан Qo'qon shahri o'rniiga ko'chiradi. U Qo'qonning Eski o'rda degan joyida o'rdaqal'a qurdiradi. Atrofini shahar qilib, devor bilan o'ratadi. O'shanda Qo'qonning Qatag'on, Marg'inon, Toshkand, Haydarbek degan to'rt darvozasi bo'lgan.

Abdulkarimxon o'z davlatini mustahkamlashga, xalq farovonligini oshirishga intildi. 1745-1746-yillari qalmoqlar Farg'ona vodiysiga hujum qilib O'sh, Andijon, Marg'ilon shaharlarini bosib olib, Qo'qon ostonalariiga kelib poytaxtni qamal qiladilar. Qo'qonliklar og'ir ahvolga tushib qolganda O'ratega hokimi Fozilbek qo'shini bilan birga qalmoqlarga yordamga yetib keladi va xoinlar ham tor-mor etiladi. Shu tariqa, farg'ona vodiysi dushmanidan ozod qilinadi.

ABDURAHMON
(tug'ilgan yili nom` alum)
(1750-1751-yillar, 6 oy)

Ming sulojasidan bo'lgan Qo'qon xoni. Abdulkarimbiying o'g'li. 1750-yilda Abdulkarimbiy vafot etgach xonlik taxtiga o'tirgan va atigi olti oygina hukmronlik qilgan. Ammo, olti oy o'tgach u Marg'ilonga hokim qilib yuboriladi. Taxtga esa Erdona (Erdon) o'tqaziladi.

ERDONABIY
Erdonabiyl ibn Abdurahimbiy
(? - 1762-yil)
(1751-1752; 2-marta – 1753-1762)

Ming sulojasidan bo'lgan Qo'qon xoni. Abdurahmon Qo'qonda olti oylik hukmronligidan so'ng xonlik taxtiga o'tirgan. Uning hukmronligi davrida (1751-1762) xonlikning qudrati ortgan. U O'sh, O'zganni bo'yundirgan. 1758-1759-yillarda esa Xitoy tomonidan zabit etilgan sharqiy Turkistonga

ham harbiy yurish uyushtirgan. Shu tariqa, Erdona davrida Qo'qon xonligi g'arbda Buxoro, sharqda Xitoy bilan tengma-teng kurash olib bora olgan davlatga aylangan. U ham tez orada taxtdan tushirilib, uning o'rniqa Bobobek o'tqaziladi. Abdulkarimxon zamonida Qaynar tomondan qalmoqlar bostirib kelib, sulu tuzib, Muhammad Rahimxonning o'g'li Bobobekni garov tariqasida olib ketgan edilar. Qalmoqlar Bobobekni xonlikka ravo ko'radilar. U Qo'qonda bir yil hukmronlik qiladi. Bobobek Beshariqqa borganda, u yerda o'ldiriladi va taxtga yana Erdona o'tqaziladi.

Uning davrida ko'p urushlar bo'ladi, mehnatkash xalqning ahvoli o'g'irlashadi. Erdona 12 yil hukmronlik qilgan. Undan so'ng Qo'qon xonligi taxtiga Shodibekning o'g'li Sulaymonbek o'tqaziladi.

Erdona Qo'qon xonligini ichki tomondan mustahkamlashga ko'p urungan siyosatchi hisoblanadi. Shuningdek u Farg'ona vodiysining o'ziga xos darvozasi hisoblanmish Xo'jandni xonlik ixtiyoriga kiritishga obdon harakat qilgani, ammo buxorolik kuchlar bunga yo'l qo'yaganliklari ma'lum. O'sha zamon tarixchisi ta'rifi bilan aytganda, Erdona zamonida xonlik qudrati ancha yuqori ko'tarilib, vodiya tinchlik va farovonlikka erishilgan. Erdona Qo'qon xonligining sharqida joylashgan O'sh, O'zgand kabi yerlarni ham bo'ysundirishga erishgan siyosatchilardan. U bu bilan cheklanmasdan, 1758-1759-yillari Xitoyning hukmron sulolasi bo'lmish *sinlar* (1664-1911) tomonidan zabit etilgan Sharqi Turkistonda ham o'z siyosatini yurgizishga urinib, u yerga harbiy yurishlar uyushtirib turgan.

BOBOBEK
Bobobek ibn Abdurahimbiy
(? – taxm. 1753)
(1752-1753)

Minglar sulolasidan bo'lgan Qo'qon xoni. *Abdurahimbiyning* katta o'gli. Jung'orlar (ba'zi manbalarda qalmoqlar) 1740-yillarda Qo'qonni qamal qilganlarida *Abdurahimbiy* jiyani Bobobekni garov sifatida *oq uylik* qilib dushmanlarga berishga majbur bo'lgan. Bobobek Qo'qon yaqinidagi Qaynar degan qishloqda jung'orlar (qalmoqlar) orasida yashagan va taxminan 1752-1753-yillarda Qo'qon taxtini qalmoqlar nomidan 10 oy boshqargan. 1753-yil beklar kengashi Qo'qon lashkarini O'rategani egallash uchun jo'natishga qaror qilgan. Qo'shin safarga otlanib, Beshariqqa yetganda Bobobek o'ldirilgan.

SULAYMONBEK
Sulaymon ibn Shodibiy
(? - 1763-yil)
(1762-1763, 3 oy)

Qo'qon xonligida 12 yil hukmronlik qilgan Erdonabiy vafot etgach (1762), Shodibiyning o'g'li Sulaymonbek taxtga o'tqaziladi, lekin suiqasd tufayli uch oy hikmronligidan so'ng o'ldiriladi. Sulaymonbekning qotillari **Abdulla Qushbegi**, G'urumsaroy hokimi **O'tov Bakavul** va yana bir qancha qo'qonlik aslzodalar Norbo'tabiyni davlat boshqaruv ishini qabul qilib olishga ko'ndiradilar va uni xon deb e'lon qiladilar.

NORBO'TABEK
Norbo'ta
(taxminan 1749-1798)
(taxminan 1763-1798)

Qo'qon xoni. Abdurahmonning o'g'li, *Abdulkarimbiyning* nabirasi. 14 yoshidan taxtga chiqqan. Namangan beklarining separatizmini bostirgan. Qo'zg'alon ko'targan Xo'jand begini yengib, shaharni o'ziga bo'ysundirgan. Ammo, O'ratega nomigagina Buxoroga tobe bo'lib qolgan.

OLIMXON
(? – 1810-y.y.)
(1801-1810)

Qo'qon xoni. **Minglar** sulolasidan. Norbo'tabiyning o'g'li. Uning davrida sultanat hududini kengaytirish davom ettiriladi. U Ohangaron, Chimkent, Sayram, Toshkent viloyatining hammasini, Rossiyaga boruvchi karvon yo'llaridagi muhim manzilgohlarni zabb etadi. U Buxoro amirligiga qarshi turishga kuchi yetajagini ko'rib xon unvonini qabul qiladi, davlati esa **Qo'qon xonligi** deb atala boshlandi. Poytaxt – Qo'qonning siyosiy ahamiyati oshgan. Olimxon tog'li tojiklar: qorateginlar, sho'g'nonliklar, badaxshonliklar, eroniylar va boshqalardan iborat yollanma qo'shin tuzgan. Bu qo'shin hokimiyatni markazlashtirish uchun kurashda uning tayanchi bo'lgan. Olimxon davrida Rossiya bilan 1-marta savdo aloqalari o'rnatilgan. Olimxon diniy sohada ham o'zgarishlar qilishga intilgan, xususan, diniy unvon hisoblangan "eshon"ni bekor qiladi, kambag'al, bechoralarga va qalandarlarga yer maydonlari va chorva beradi, shu bilan ularni ijtimoiy-foydali mehnatga jalb qiladi. Ayrim diniy arboblarni imtihon qiladi va fosh qilinganlarni jazolaydi. Ulamolar uning bu hatti-harakatlardan norozi bo'ladilar. Uning Toshkentdaligidan foydalanib, fitna uyuştiradilar, u o'ldiriladi, deb mish-mish tarqatadilar. Taxtga uning ukasi **Umarxon** o'tkaziladi. Olimxon xiyonatni bilib qolib, qisqa yo'l bilan Qo'qonga jo'naydi. Yo'lda qo'yilgan pistirma Olimxonni otib o'ldiradi.

Qo'qon xonligining mavqeい ayniqsa Olimxon zamonida yuksaladi. Avvalo mazkur hukmdor xonlik maqomini qabul qilgani bilan mashhurdir. Minglarning undan keyingi namoyandalari ham xon maqomida bo'lganlar. Shu sababdan ham 1709-1876-yillari markazi Farg'ona vodiysi hisoblangan va ninglar nomi bilan bo'g'liq siyosiy birlikni Qo'qon xonligi deyish odat tusiga kirgan.

Olimxon Qo'qon xonligining kuchayib borishida o'zini ko'rsatganlardan biridir. 1805-yili u Xo'jandni egallab, yuqorida aytiganidek, Farg'ona vodiysi uchun strategik ahamiyat kasb etgan mazkur chegarani uzil-kesil xonlik tarkibiga kiritadi. 1809-yili esa XVIII asr oxirlaridan boshlab mustaqil bo'lib olgan va shayx Xovand Tohur (hozirda Shayxontohur nomi bilan mashhur XIV asrning ko'zga ko'ringan din peshvolaridan) avlodlaridan bo'lmish Yunusxoja (1784-1801) yetakchilik qilayotgan Toshkent viloyatini ham Qo'qonga bo'ysuntirishga erishadi. Natijada Sayram va Chimkent tomonlarga qarab siljish imkonи tug'iladi. Shu tariqa u Turkiston (Yassi) va Avliyo otagacha bo'lgan yerlarda harbiy yurishlar uyuştiradi.

Olimxon harbiy islohot o'tkazib, Xo'jandni, Ohangaron vohasini, Toshkent, Chimkent va Turkistonni o'ziga bo'ysuntirdi. Natijada, Rossiya bilan savdo yo'li ochiladi. U o'z davlatini 1805-yili rasman **Qo'qon xonligi** deb e`lon qildi, o'ziga esa "**xon**" rutbasini oldi va uni rasman **Olimxon** deb atay boshlashdi. Olimxonning markazlashgan nisbatan kuchli davlat tuzishga intilayotganligi ayrim qabila boshliqlari orasida keskin norozilik tug'dirdi. Natijada, ular Qo'qonda «Olimxon Toshkentda o'ldi» deb mish-mishlar tarqatishadi va uning ukasi Umarbekni xon deb e`lon qiladilar. Olimxon bundan xabar topib Qo'qonga bormoqchi bo'ladi, ammo, yo'lda Oltiqush mavzeida andijonlik Qambar mirzo sheriklari bilan Olimxonni otib o'ldiradilar.

AMIR UMARXON
Amiri
(1787-Qo'qon-1822)
(1810-1822)

Qo'qon xoni, zullisonayn shoir. **Norbo'tabiyning o'g'li**. O'zbeklarning ming urug'idan. Boshlang'ich savodini oilada chiqarib, keyin madrasada tahsil olgan. Yoshligidan saroy xizmatiga jalb qilingan: akasi – Qo'qon xoni **Olimxon**ning davlatni boshqarish ishlarida faol ishtirot etgan. Olimxon 1807-1808-yillarda unga Farg'ona hokimligini topshirgan. Shu yillarda u Andijon hokimi Rahmonqulibiyning

qizi *Mohlaroyim (Nodiraga)*ga uylangan.

Hokim tabaqalar Olimxonning Toshkentda ko'tarilgan g'alayonni bostirish uchun qo'shin tortganligidan foydalanib, fitna uyuştiradilar va 1810-yilda Umarxonni xon qilib ko'taradilar, Olimxon esa o'ldiriladi. Umarxon Qo'qon xonligi hududini kengaytirish, hokimiyatni mustahkamlash siyosatini olib boradi. Buxoro amiriga qarshi Turkiston shahri (1815), O'rategani (1817) bosib olgan. Sirdayo bo'yidagi yerlarda yangi qo'rg'on, Julek Qamishqo'rg'on, Oq machit, Qo'shqo'rg'on nomli harbiy istehkomlar qurdirgan. Ular O'rta Osiyon Rossiya bilan bog'laydigan muhim savdo yo'lida joylashgan edi. U Rossiya bilan diplomatik munosabatlar o'rnatishga harakat qilgan. Umarxon davrida Qo'qon, Toshkent, Turkiston, Chimkent, Sayram, Avliyootada masjid va madrasalar qurilib, qabristonlar tartibga keltirilgan. Shahrixon shaharchasi barpo etilgan, yangi qishloqlar vujudga kelgan. Xon amldorlarining talonchilik siyosatiga qarshi Chimkent va Sayramda ko'tarilgan qo'g'alon bostirilgan. XIX asrning 1-yarmida Qo'qonda o'ziga xos ilmiy-madaniyat muhit vujudga kelgan – uning boshida turgan ma'rifatparvar hukmdor Umarxon ilm, madaniyat, san'at, adabiyot, turli kasb-hunarlearning rivojiga katta etibor berilgan, madrasalarda o'qish-o'qitish ishlarini yaxshilagan, turli hunar maktablari ochilishini qo'llab-quvvatlagan. Ozi ham «**amiriyya**» tahallusi bilan she`rlar yozgan. Uning atrofida 70 dan ortiq shoir yig'ilgan. 1821-yilda Fazliy Namangoniy Umarxon amriga binoan, 63 shoirning she`rini o'z ichiga olgan «**Majmuai shoiron**» to'plamini tuzgan. Uni ulug'lab qasidalar yozish, g'zellarga tatabbular bog'lash bu shoirlar ijodida yetakchi o'rinn tutgan.

Umarxon Lutfiy, Jomiy, Navoiy, Fuzuliy, Bedlni o'ziga usto sanab, ulardan ijod sirlarini o'rgangan, ularga ergashib ijod qilgan, g'zallariga muhammaslar bog'lagan. Aruzning Turkiy adabiyotda mashhur, xalq ijodida ham keng tarqalgan yengil va o'ynoqi vazinlaridagina yozilgan bu she`rlarning barchasi ishqu muhabbat mavzuida. Ularda an'anaviy motivlar tasuvvufiy ruh ustun. O'zbek va forstojik tilidagi she`rlarini to'plab, devon tartib berilgan. Devon g'azal, muhammas, musadda, tuyuq janrlaridagi o'n ming misradan ortiq she`rni o'z ihiga olgan.

O'zbekiston FA Alisher Navoiy nomidagi Adabiyot muzeyining matnshunoslik va yozma yodgorliklarni nashr etish bo'limining ilmiy hodimlari tomonidan Umarxonning turli dvrlarda ko'chirilgan 26 ta qo'lyozma devoni hisobga olinib, ularning ilmiy tafsifi berilgan. Bu qo'lyozmalar Snkt-Peterburg, Toshkent, Samarcand va Buxoro kutubxonalarida saqlanadi. Ozbekiston FA Sharxshunoslik instituti qo'lyozmalar ondida Umarxonning 17 ta qo'lyozma devoni mavjud. Bundan tashqari, litografik usulda chop etilgsen devonlari va shoir she`rlarida namunalar berligan bayozlar bor.

MUHAMMAD ALIXON (taxminan 1803/ 06-1842, Qo'qon) (1822-1841)

Minglar sulolasidan bo'lган Qo'qon xoni. **Umarxon** va **Nodiran**ning o'g'li. Otasi Umarxon vafotidan keyin 17 yoshida taxtga o'tirgan. Hukmronlik davrida xonlik hududini kengaytirishga uringan. Janubiy Olay tog' etagida tojiklar bo'ysundirilgan. Qorategin butunlay, Darvoz, Shug'non, Roshan, Vohonfaqat nomigagina zabit etilgan. 1829-yilda Qashqarga yurish qilgan. Uning bu harakatidan foydalangan Qashqar musulmonlari xitoylarga qarshi bosh ko'targan. Mag'lub bo'lgan uyg'urlardan 70 mingi **Muhammad Alixon** bilan birga qaytib, Qo'qon xonligidagi shaharlarga (jumladan, Toshkentga) joylashtirilgan. Muhammad Alixon Qashqarga qilgan qayta-qayta hujumi natijasida Sharqiy Turkiston shaharlaridan boj yig'ish huquqini olgan. Muhammad Alixon hukmronligi davrida sug'orish ishlari yo'lga qo'yilgan. Toshkent yaqinida Xonariq qazilgan. Toshkent hokimi *Lashkar qushbegi* Muhammad Alixonning yaqin maslahatchisi bo'lib qolgan. Rossiya bilan savdo va diplomatik aloqalar yaxshi yo'lga qo'yilgan. 1828-yilda Qo'qondan Sankt-Peterburgga elchilar boradi va ular yaxshi kutib olinadi. 1830-yilda Qo'qonga Rossiya elchisi xorunjiy Potanin keladi.

Muhammad Alixonning hukmronlik davrida Qo'qon-Buxoro munosabatlari keskin yomonlashadi.

Ular orasida bo'lib o'tgan urushlar natijasida Buxoro amiri *Nasrullahxon* Qo'qon qo'shinini tor-mor qiladi. Muhammad Alixon o'zini noiloj amirning noibi deb e'tirof qiladi. Oradan ikki yil o'tgach, 1841-yilning oktyabrida Qo'qonda xon zulmiga qarshi xalq qo'zg'oloni ko'tariladi.

Muhammad Alixon ichkilikbozlik va axloqsizlikka beriladi. Buxoro-Qo'qon o'rtasidagi munosabatlar yomonlashuvi va tez-tez takrorlanib turadigan harbiy to'qnashuvlar shunga olib keldiki, Muhammad Alixon 1841-yil noyabrdan ukasi Sulton mahmud foydasiga taxtdan voz kechadi, shunday bo'lsa ham 1842-yilda aprelda Buxoro amiri Nasrullahxon Qo'qonni zabit etdi va Muhammad Alixonni, ukasi Sulton Mahmudxonni, onasi Nodirabegimni qatl ettiradi.

Muhammad Alixon g'azallar yozgan, uning buyrig'iga binoan, xattotlar Alisher Navoiy asarlarini miniyaturlar bilan bezatib ko'chirgan, ko'plab tarixiy asarlar fors va arab tillaridan o'zbek tiliga tarjima qilingan. Muhammad Alixon davrida maktab va madrasalar qurilgan (mas. Madalixon madrasasi), Qo'qonning eski o'rddasi ta'mirlangan.

SHERALIXON
Sheralixon Hojibek o'g'li
(taxm. 1797-1845-yillar)
(1842-1845)

Qo'qon xoni. 1842-yil Buxoro amiri *Nasrullo* Qo'qonni bosib olib **Ibrohim Xayolni** noib etib tayinlab ketadi. Uning zulmidan norozi bor'lgan qo'qonliklar qo'zg'olon kortharadilar va xon avlodlaridan bor'lmish Sheralini Qo'qon xoni deb e'lon qiladilar. Sheralixon qo'zg'olonga rahbarlik qiladi. Qo'zg'olonchilar Qo'qonga kiradilar va Buxoro qo'shinini tor-mor keltiradilar. Ibrohim Xayol Buxoroga qochgan. Sheralixon Buxoro amiri Qo'qonga yangi yurish uyushtirishi mumkinligini bilib, qabila va harbiy boshliqlar, aminlar, oqsoqollar va obrorli, nufuzli arboblar kengashini chaqirib, unda shoshilinch ravishda miltiq, qilich, to'siqlar tayyorlashga qaror qilingan. Qo'qon atrofida tor'siq va qo'rg'onlar barpo qilishga kirishilgan, lekin qurilish nihoyasiga yetmay, Buxoro qo'shini Qo'qonga yaqinlashib shaharni qamal qiladi. Buxoro qo'shnlari tevarak-atrofdagi qishloqlarni vayron etiladi, lekin shaharni egallay olmaydi. Qo'qon mudofaasida ayollar ham faol ishtirok etadilar. Nasrullo 40 kunlik qamaldan so'ng Buxoroga qaytib ketgan.

Sheralixon o'g'li **Abdurahmonbekni** amiri lashkar qilib tayinlab, uni Toshkentni zabit etish uchun yuboradi. Qo'shnlar Sirdaryodan o'tib, Quramaga kelganda Xor'jand hokimi Xudoyerboy ahvolni aniqlab, amir Nasrulloga xoinlik qiladi va Sheralixonning oliy hokimiyatini tan oladi. Qo'qon xoni unga Xo'jand viloyati hokimligini tortiq qiladi. Qo'qon va Toshkent qo'shnlari o'rtasidagi jangdan so'ng Toshkent va Dashti Qipchoq zabit etilib, qaytadan Qo'qon xonligi tarkibiga kiritilgan.

Sheralixon davrida xonning soliq siyosatiga qarshi xalq qo'zg'oloni bilan turgan. Sheralixonning mustaqil ravishda hokimiyatni boshqarishga intilishi qipchoqlar rahnamosi **Musulmonqulning** qarshiligiga uchraydi. Musulmonqul isyon ko'tarib, Isfara hokimi Sotiboldibekni xat bilan sobiq Qo'qon xoni Olimxonning o'g'li **Murodbekning** oldiga yuboradi va uni Qo'qon xonligining taxtini egallahga taklif etadi. O'shda qo'zg'olon boshlanganidan xabar topgan Shahrixonning hokimi, Musulmonqulning rejasini bilmagan holda, tezda qo'shin to'plab, O'sh qo'g'oloni bostiradi. Ammo Musulmonqul or'z rejasini bajarish uchun O'shga qo'shin bilan borib, qo'zg'olonda ishtirok etganlarni beshafqat jazolab va qonga botirib, 5-10 ming kishini asirga oladi. Qo'zg'olon rahbari Mulla Yusuf ham qo'lga olinib O'shda dorga osiladi.

Bu vaqtida esa Murodbek Qo'qonga kelib, Sheralixon huzuriga kiradi. Sheralixon vaziyatni anglagan holda unga taxtni topshiradi. Musulmonqulning sodiq odamlari tunda Sheralixonni qatl etishadi.

MURODXON
Murodxon ibn Olimxon
(?-1845)
(1845-yil 7 kun)

Minglar sulolasidan bo'lgan Qo'qon xoni. **Olimxonning** o'g'li. Isfara hokimi Sotiboldi doddxoh Qo'qon xoni **Sheralixonga** qarshi fitna uyuştiradi, bu ishga Murodxon ham tortiladi. Ular Musulmonql mingboshi qirg'izlar isyonini bostirish uchun ketganidan foydalanib xonni asirga oladilar va Murodxonni **xon** deb e`lon qiladilar. 3 kundan so'ng Sheralixon o'ldirilgan, saroyi talanib, o'g'illari qamoqqa olingan. Qo'qon aholisi taxt o'zgarishidan norozi edi, buning ustiga yangi xon o'zini Buxoro amirining noibi deb e`lon qilgan. Musulmonql bu voqeadan xabardor bo'lib o'z qabiladoshlari bo'lgan qipchoqlarni to'plab, Murodxonga qarshi hujum qilgan. Ular Namangan begi **Xudoyorxonni** o'zlar bilan olib kelishadi. Qipchoqlar uni oq kigizga o'tqazib xon qilib ko'taradilar. Musulmonql qo'shini Murodxonning qirg'izlardan iborat unchalik katta bo'lмаган qoshinini tezlik bilan yengib, o'r dasini egallab oladi va atigi 7 kun xon bo'lgan Murodxon qatl etiladi.

MALLAXON
Mallaxon ibn Sheralixon
(tahminan 1830-1862)
(1858-1862)

Ming sulolasidan bo'lgan Qo'qon xoni. **Xudoyorxonning** akasi. 1858-yilgi taxt uchun kurashda Xudoyorxon qo'shini Somonchi qishlog'I yaqinida yengib Qo'qonni egallagan va o'zini xon deb e`lon qilgan. 1860-yil Mallaxon qo'shin to'plab Pishpak (hozirgi Bishkek)ka, u yerdan esa Chu daryosi bo'yiga kelgan. Bikat mavzeida to'plar bilan qurollangan 2 ming kishilik rus qo'shini bilan bo'lgan jangda Mallaxon qo'shini g'olib chiqqan. Lekin 1860-yil G.A. Kolpakovskiy otryadi tomonidan Uzunog'och mavzeida tor-mor keltirilgan. 1860-1861-yillari Turkistonni himoya qilish uchun Qanoatshohni jo'natgan, biroq bu qo'shin Turkiston shahrini, Julek, Yangiqo'rg'on atrofidagi dasht aholisini talab orqaga qaytgan. Mallaxon qal`alarni qaytarib olish uchun bir necha bor harakat qilgan, lekin bu zoya ketgan. Bu esa unga qarshi norozilikni yuzaga keltirgan. Shuningdek, og'ir soliq va majburiyatlar, muholifatga qarshi jazo choralar unga qarshi fitna uyuştirilishiga olib kelgan. Mallaxon 1862-yil mart oyida o'ldirilib, o'rniga 17 yoshli Shoh Murod xon deb e`lon qilinadi. Mallaxon aqli davlat arbob, mohir sarkarda bo'lgan.

Uning davrida qipchoqlar mavqeい tiklangan, harbiy intizom mustahkamlangan. Qorategin viloyati Qo'qonga tobe ettirilgan. Xitoy va Rossiya bilan diplomatik munosabatlar o'rnatishga harakat qilingan. Xalq farovonligini oshirish, yangi yerlar o'zlashtirish, irrigatsiya inshootlarini qurish yo'lida bir qancha ishlari amalga oshirilgan. Xususan, uzunligi 20 km dan ortiq Mallaxon arig'i qurilgan. XIX asrningt 20-yillarida Muhammad Alixon tomonidan joriy qilingan har bir harbiy yurish oldidan olinadigan ulov puli va tilla puli kabi soliqlar bekor qilingan, 1861-yilda Hazrati Sohib madrasasi qurilgan. Farg'ona vodiysidagi bir necha qishloq Mallaxon nomi bilan ataladi.

SULTON SAYIDXON
Sulton Sayidxon ibn Mallaxon
(?-1868)
(1863-1865)

Qo'qon xonligida Sulton Sayidxon 1863-yil iyulda qirg'izlar va qipchoqlar amiri lashkar **Alimqul** boshchiligidagi hokimiyatni egallagan. Sulton Sayidxon nomigagina xon qilib ko'tarilgan, amalda davlat ishlari Alimqul qo'lida bo'lgan. Rus qo'shini bu paytda Yangiqo'rg'on, Pishpak, Marki, Avliyoota,

Turkiston, Chimkentni bosib olishgan. 1865-yil bahorida M.G. Chernyayev boshchiligidagi qo'shin Toshkentni qamal qilgan. Sulton Sayidxon Alimqul bilan birga Toshkent mudofaasiga rahbarlikni o'z qo'liga olgan. Alimqul jangda o'ldirilgach, qirg'iz va qipchoqlar qo'shini Qo'qonga qaytib kelib, taxtga boshqa xonni o'tqazish payiga tushgan. Tarixchi Muhammad Solihning yozishicha, Toshkent xalqi Sulton Sayidxonga sodiq qolib, uni qayta xonlik taxtiga o'tqazishadi. Shu ravishda Toshkent o'z xoniga ega bo'lib, Qo'qondan mustaqilligini namoyish etadi. Sulton Sayidxon Rossiya tajovuziga qarshi yordam so'rab Turkiya sultoniga, Buxoro amiriga va Qo'qonga elchilar jo'natgan. Buxoroga sebzorlik eshon *Hakimxo'ja qozikalon* boshchiligidida har dahadan to'rt oqsoqol yuboriladi. Buxoro amiri o'z maktubida Sulton Sayidxon uning huzuriga kelib bo'yusunishi va shundan keyingina Toshkentga yordam berishi mumkinligini yozgan. Amiring bu talabi qoldirilgan.

XUDOYORXON

(1831, Qo'qon – 1884, Karrux, Afg'oniston)
(1845-1858; 1862-1863; 1865-1875)

Minglar sulolasiga mansub bo'lgan Qo'qon xoni (1845-1875- tanaffuslar bilan). *Sheralixomning* o'g'li. Qaynotasi *Musulmonqul* tomonidan taxtga o'tqazilgan. Ammo yosh bo'lganligi tufayli amalda davlat ishlarini Musulmonqul boshqarib borgan. Eng muhim lavozimlar qipchoqlar qo'liga o'tadi va ular hohlaganicha beboshliliklar qila boshlaganlar. Natijada ichki kursh kuchayib, 1853-yilda qipchoqlar qirg'ini boshlangan. Buning oqibatida 20 mingga yaqin qipchoqlar o'ldirilgan, Musulmonqul esa Qo'qonda dorga osilgan. Shu yildan Xudoyorxon davlatni mustaqil idora qila boshlagan. Ammo, tajribasizligi tufayli ko'p xatolarga yo'l qo'yan. Bundan foydalangan akasi *Mallabek* taxt uchun kurashni boshlab yuborib 1858-yilda o'zini Qo'qon xoni deb e`lon qilgan. Xudoyorxon Buxoroga qochishga majbur bo'lgan. 1863-yilda Buxoro amiri *Muzaffar* yordamida Qo'qon taxtiga qayta o'tirgan. Ammo Musulmonqulning o'g'li mingboshi alimqul xonzodalardan bo'lmish yosh *Said Sultonmurodhi* xon deb e`lon qiladi va Xudoyorxonni yana Buxoroga qoxhishga majbur etgan. Alimqul amir ul-umaro bo'lib amalda davlat ishlarini yakka o'zi boshqarib borgan.

Qo'qon xonligidagi ichki kurashlardan foydalangan Rossiya imperiyasi xonlikka tegishli Turkiston, Chimkent (1864-y) va Toshkentni (1865-y.) bosib olgan. 1865-yilda Qo'qon taxtiga *Xudoyqul* («Belboqchixon» degan laqabi ham mavjud) o'tirgan. Ammo u 14 kundan so'ng xazinani o'zi bilan olib Qashqarga qochib ketgan. Bundan foydalangan Xudoyorxon yana taxtga chiqqan.

Xudoyorxon davrida qishloq xo'jaligiga e`tibor berilgan, yangi anhor va ariqlar qazilgan. Qo'qonda 1873-yilda xon o'rdasi bitkazilib nihoyasiga yetkazilgan. Bundan tashqari, Xudoyorxon davrida "**Madrasai Oliy**", "**Madrasai Hokim oyim**", "**Madrasai Sulton Murodbek**"lar qurilgan. Xudoyorxonning farmoni bilan mahzun (Ziyovuddin Ho'qandiy) 1696 sahifalik "*Shohnoma*" asarini yozgan (qo'lyozma Istambulda saqlanmoqda).

Xudoyorxon davrida xonlik hududi ancha qisqarib, turli soliqlar o'ylab chiqilgan. Buning ustiga 1868-yilgi Turkiston general-gubernatori **K.P.Kaufman** bilan tuzilgan "teng huquqli" shartnomaga muvofiq, rus savdogarlariga xonlikning hamma shahar va qishloqlarida bo'lish va karvonsaroylar qurish, rus tovarlarini xonlik hudui orqali boshqa davlatlarga boj to'lamasdan bemaol olib o'tish huquqi berilgan; rus savdogarlar qo'qonlik savdogarlar bilan bir miqdorda boj to'laydigan bo'lgan. Xudoyorxon Turkiya va Buxoro bilan yaxshi aloqaga bo'lishga, angliya emissarları bilan uchrashib, ulardan madad olishga intilgan. Ammo, yuzaga kelgan siyosiy vaziyat tufayli u K.P. Kaufman bilan ko'proq yaqinlashishga majbur bo'lgan.

Taxt uchun kurashlar, o'zaro urushlar, soliqlarning ko'payib ketishi aholi turmushini og'irlashtirgan. Natijada xonlikda tez-tez qo'zg'olonlar bo'lib turgan. Shulardan eng kattasi 1873-yilda boshlangan "*Po'latxon qo'zg'oloni*" bo'lgan. Qo'zg'oloni bostirishning ilojini topa olmagan Xudoyorxon, barcha xazinani olib K.P.Kaufmandan harbiy yordam olish uchun Toshkentga qochgan, so'ngra Orenburgga surgun qilingan. U bu yerdan qochib Makkaga borgan. Keyinchalik, Qo'qon xonligining qolgan

hududlarini ham Rossiya bosib olganidan so'ng, Xudoyorxon K.P. Kaufmanga rasman murojat qilib siyosiy ishlarga aralashmaslikni va`da qilib Qo'qonga qaytishga ruxsat so'ragan, ammo rad javobini olgan. Xudoyorxon ikkinchi marta murojat qilgan. Bu ariza senatda ko'rib chiqilib Xudoyorxonga Qo'qonga qaytishga ruxsat berilgan. Ammo bundan xabarsiz Xudoyorxon yashirin holda Qo'qonga qaytmoqchi bo'lgan. Yo'lida vafot etgan.

**- BXSR (BUXORO XALQ SOVET RESPUBLIKASI) -
(1920-1924)**

MUHITDINOV Abdulqodir
(1892-yil, Buxoro - 1934-yil 1-iyun, Toshkent)

Buxorodagi jadidchilik harakati namoyandasasi, siyosat arbobi. Boshlang'ich ta'limdi Buxoroda olgach, Istanbul madrasasida o'qidi. Otasi yirik savdogar **Mirza Muhitdin Mansurov** ilk jadid gazetasi "Buxoroyi sharif"hi moddiy jihatdan ta'minlab turgan, yangi usul maktablariga homiylik qilgan. A. Muhitdinovning ilk maqolalari Orenburgdagi "Vaqt" gazetasida e'lon qilingan (1910).

Buxoroda 1917-yil aprel namoyishidan keyin *yosh buxoroliklar* partiyasi MKga a'zo bo'ldi. *Kolesov voqeasida* keyin Samarqand, Toshkent, Moskvada muhojirlikda yashashga majbur bo'ldi (1918-19). U Turkiston musulmonlari byurosi a'zosi (1919-20) hamda "Qutulish" gazetasi muharriri (1920) edi. Buxoroda amirlik qizil askarlar kuchi bilan ag'darilgach, A. Muhitdinov Umumbuxoro Inqilobiy qo'mitasi raisi (1920-yil sentabr - 1921-yil sentabr), BXSR dehqonchilik noziri (1920-21) kabi mas`ul lavozimlarda ishladi. BXSR ning dastlabki Konstitutsiyasini ishlab chiqishda qatnashgan, Buxoroda yer-suv islohoti o'tkazilishi tashkilotchilaridan biri. A. Muhitdinov BXSR ning xorijiy mamlakatlar bilan Rossiya vositachiligesiz mustaqil aloqa o'rnatish, bosqinchi qizil armiyani olib chiqib ketish, xalq militsiyasi singari milliy armiya tuzishni qat'iy talab qilgan.

Shuning uchun ham Markazning Turkistondagi tayanchi bo'lgan Turkkomissiya tomonidan A. Muhitdinov va uning tarafдорлари "o'ng og'machilik"da ayblandi va lavozimidan bo'shatildi. Lekin, shunga qaramasdan u 1921-24-yillarda BXSR savdo va sanoat vaziri, Buxoro Xalq xo'jaligi Oliy kengashi raisi, Buxoro Iqtisodiy kengashi raisi, BXSR nozirlar sho'rosi raisining 2-muovini lavozimlarida ishladi va Buxoro Respublikasining mustaqilligi, e'tiqod erkinligi, demokratik islohatlarni yoqlab chiqdi.

O'rta Osiyoda milliy hududiy chegaralanish o'tkazilib, O'zbekiston SSR tarkibida Tojikiston ASSR tashkil qilingach, A. Muhitdinov Tojikiston ASSR Xalq Komissarlari Soveti raisi qilib tayinlandi (1925-29). Tojikiston SSR tuzilgach, u O'zbekiston SSR ta'minot Xalq Komissarligida ishladi.

1933-yil 21-avgustda sovet rejimi tomonidan A. Muhitdinov qamoqqa olinib, unga "burjua millatchisi" tamg'asi yopishtirildi va 1934-yil 1-iyunda otib tashlandi.

XO'JAYEV Fayzulla
(1896-yil 1-iyul, Buxoro – 1938-yil 15-mart, Moskva)

Davlat va siyosat arbobi, *Jadidchilar* harakatining rahnamolaridan biri. Savdogar oilasida tug'ilgan. Buxoro madrasasida 2-yil tahsil olgach, 1907-12-yillarda Moskvada xususiy maktabda o'qigan. Buxoroga qayt-gach, 1912-yildan yosh buxoroliklar partiyasining, 1913-yildan partiya MKning a'zosi bo'ldi. Otasidan meros qolgan katta boylikni yangi usul maktablari ochishga, yosh buxoroliklar siyosiy faoliyatini moddiy qo'llab-quvvatlashga sarfladi. 1917-yildan boshlab Xo'jayev va *Fitrat* partiyaning so'l qanotiga boshchilik qilib, Buxoroda avval konstitutsion monarxiya, so'ngra demokratik respublika tuzish uchun kurashdilar. Yosha buxoroliklar amir tomonidan ta'qib qilingach, Xo'jayev va uning safdoshlari Buxoroni tark etishga majbur bo'lishdi. Xo'jayev 1920-yil yanvarda Toshkentda tuzilgan inqilobchi yosh buxoroliklar partiyasi Turkiston Markaziy byurosi raisi, «Uchqun» gazetasi muharriri (1920-yil aprel-sentabr)dir.

1920-yil 14-sentabrda BXSR hukumati - *Xalq Nozirlar Sho'rosi* tuzilib, Xo'jayev hukumat boshlig'i qilib saylandi. F. Xo'jayev BXSR tashqi ishlar noziri (1920-22), harbiy ishlar noziri (1921-24), ichki ishlar noziri (1922), BXSR Mehnat va mudofaa kengashi raisi (1922-24). Shuningdek, Sharqiy Buxoro Inqilobiy harbiy kengashi raisi (1923-24), SSSR Harbiy-Dengiz ishlari xalq komissarligining

O'zbekiston SSR bo'yicha rasmiy vakili (1925-yildan)dir.

F.Xo'jayev «Yosh buxoroliklar» g'oyalari ruhidagi dasturiy hujjat - maromnomani tuzdi va nashr etdi, Xo'jayev rahbarligidagi "*Inqilobchi yoshsuxoroliklarning Turkistondagi markaziy byurosi*" tashkiloti nufuzli siyosiy kuchlarni o'zida ifoda etmadni. U O'rta Osiyonni butunlay zabit etish va uni boshleviklar to'liq rahbar bo'lgan yangi davlat tarkibiga qo'shib olish uchun bolsheviklarning kurash vositasiga aylandi. Fayzulla Xo'jaev rahbarlik qilgan yoshsuxoroliklarning birgalikdagi sa'y-harakatlari bilan Buxoroda to'ntarish tayyorladilar va amir armiyasini parokandalash bo'yicha faol ishlar olib borishdi hamda mahalliy aholi orasida tashviqot ishlari yurgizishdi. "Tong" jurnali va "Qutulish" gazetasini nashr eta boshladilar.

Respublika nozirlar kengashining raisi Fayzulla Xo'jayev Buxorodagi jadidchilik harakatida faol ishtirok etgan. U yosh buxoroliklar partiyasi rahbarlaridan bo'lgan. Yevropa sivilizatsiyasini o'zlashtirgan edi. Hukumat raisligidan tashqari harbiy nozir, tashqi ishlar noziri bo'lgan. Yosh buxoroliklarning progressiv-demokratik g'oyalariiga amal qilgan. Buxoro rahbariyati 1921-yil mart oyida qator chet mamlakatlar hukumatlariga yo'llagan murojaatnomasida «Buxoro xalqi... Yosh Buxoroliklar ta'sirida uyg'ondi», deb ta'kidladi. BKPni F. Xo'jayev «*Sun'iy tuzilgan partiya*», deb atadi. F.Xo'jayevning qat'iyati bilan Buxoro Chekasi tugatildi, tribunallar, siyosiy bo'limlar tomonidan fuqarolarni jazoga tortish vaqtinchalik to'xtatildi. Islom dini, masjid-madrasalar xizmati, ruhoniyarlarning faoliyat erkinligi tiklandi, yangi qoziliklar ish boshladi. 1924-yil yozida F.Xo'jayev aholining qashshoqlashganini e'tirof etib, bundan qutulish tadbirlarini izchil amalga oshirish zarurligini uqtirdi. F. Xo'jayev Rossiya tashqi savdo birlashmasini BXSRdan «hamma narsani olishga, ammo hech narsa bermaslikka qodir...» deb aybladi. Natijada 1922-yil bahorida BXSRga bir qator qurilish materiallari, kerosin, neft, temir mollar, qog'oz, daftar, gugurt, kalishlar olib kelindi. 1924-yil may oyida F.Xo'jayev aholining turmush darajasi pasayganini e'tirof etdi. F.Xo'jayev boshliq Buxoro Xalq Respublikasi hukumati qo'rbosehilar bilan yashi-rin aloqa o'rnatib, muzokara asosida tinchlik yo'li bilan murosa qilishga intildi. Afsuski, F. Xo'jayev boshchiligidagi Buxoro hukumati tarkibidagi milliy vatanparvar kuchlar (sobiq Yosh buxorolik jadidlar) bilan muxolifatdagi qurolli guruylar yo'boshchilari o'rtasida kelishuv amalga oshmadi. Bu totalitar rejim sharoitida amalga oshishi mumkin ham emas edi.

Xo'jayev BXSRning mustaqil ichki va tashqi siyosat yuritishiga, iqtisodiy islohotlar o'tkazish va demokratik erkinliklarni joriy qilishga alohida e'tibor qaratib, Sovet Rossiyasidan tashqari Eron, Turkiya, Afg'oniston, Xitoy, Ozarbayjon, XXSR, shuningdek, Germaniya va Yaponiya bilan diplomatik aloqalar o'rnatgan. U talabalarni xorijga jo'natib o'qitishning tashabbuskorlaridan biri bo'lgan.O'zbekiston SSR Inqilobiyo qo'mitasi (Revkom) - Muvaqqat ishchi-dehqon hukumati raisi (1924-yil noyabr -1925-yil fevral), O'zSSR XKS raisi (1925-1937), SSSR MIK raislaridan biri. Xo'jayev o'z faoliyati davomida o'zbek xalqining iqtisodiy va madaniy ravnaqiga xizmat qiluvchi tadbirarni amalga oshirishga intildi. U VKP(b) MK O'rta Osiyo byurosi va O'zbekiston KPMKga nisbatan muxolifat mavqeida turgan "o'n sakkizlar guruhi" (1925-yil noyab.)ga xayrixoh bo'lgan. U bu guruhning rasmiy a'zosi bo'lmasa ham, aslida ularning g'oyaviy ilhomchisi edi. "Quloq"larni sinf sifatida tugatish siyosatini yoqlamagan. O'zbekistonda yoppasiga chigit ekilishi paxta yakkahokimligiga olib keladi, deb hisoblagan. O'zbekistonda zamonaviy sanoat inshootlari qurilishida tashabbuskor bo'lgan.

PO'LATO'JAYEV Usmonxo'ja (1878-yil, Buxoro - 1968-yil, Turkiya)

Buxorodagi jadidchilik harakatining yirik namoyandasini, taniqli davlat va jamoat arbobi, *Buxoro Markaziy Ijroiya komiteti (MIK) raisi* (1921-yil sentabr - 1922-yil avgust). Otasi Qori Po'latxo'ja buxorolik savdogar bo'lgan. U dastlabki tahsilni Buxorodagi madrasada oldi va ilk jadid maktablaridan birini ochdi. 1908-yil do'sti *Xamidxo'ja Mehriy* bilan Turkiyada - Istanbulda tahsil oladi. 1913-yil Usmon Xo'ja Buxoroga qaytadi va yana jaded maktabi ochadi. U 1910-yil tuzilgan "Tarbiyai atfol"

maxfiy tashkilotining faol a`zolaridan bo'ladi.

Usmon Xo'ja Po'latxo'jayev va uning ukasi *Otaxo'ja* (1894-1938) yosh buxoroliklar partiyasining yirik namoyandalaridan edi. Kolesovning Buxoroga bosqinidan so'ng (1918-y, mart) U. Po'latxo'jayev sovet Turkistoniga muhojirlikka ketishga majbur bo'ladi. 1918-yil aprelda u Toshkentda yosh buxoroliklarning so'l eserlar guruhini tuzdi. 1920-yil fevralda U. Po'latxo'jayev inqilobchi yosh buxoroliklar partiyasi Turkiston Markaziy byurosining a`zosi bo'lib saylanadi.

Usmon Xo'ja BXSR tuzilgach, *moliya noziri* (1920), *davlat nazorati noziri* (1921), *BXSR MIKning birinchি raisi* kabi lavozimlarda ishladi. U Buxoro Xalq Respublikasidan bosqinchi qizil askar qo'shinlarini olib ketilishi, Buxoroning haqiqiy mustaqilligi uchun kurashadi. 1921-yil dekabrda U. Po'latxo'jayev Sharqiy Buxoroda (Dushanbe atrofida) istiqlolchilar safiga o'tadi va 1922-yil Afg'onistonga o'tib, Buxoro Respublikasining mustaqil milliy armiyasi uchun zamonaviy qurollar sotib olishga harakat qiladi.

Po'latxo'jayev muhojirlikda Afg'oniston, Polsha, Eron va Turkiyada bo'ladi. U. Po'latxo'jayev endi Turkiston mustaqilligi uchun kurashni mafkura maydoniga ko'chiradi. 1927-1932-yillarda u Istanbulda "Yangi Turkiston" jurnalini nashr qildirdi. U Turkiston tarixiga oid ko'plab asarlar muallifidir.

**XO'JAYEV Porso
Porso Xo'ja Hasan**
(1867-yil, Buxoro - 1937-yil 25-oktabr, Toshkent)

Buxorodagi *jадидчиллик* harakatining namoyandalaridan biri, davlat va jamoat arbobi. Buxoroda madrasa tahsilini olgan. 1905-yildan Buxorodagi jadidchilik va Yosh buxoroliklar safida *Yangi usul maktablari* ochish va jadid gazetalari chiqarish, ko'plab qiroatxona va kutubxonalar tashkil etishda faol qatnashgan. 1918-yilmartdan Samarqand, Shahrisabz, Qarshi, Buxoroda amirlik tuzumiga qarshi kurashda ishtirok etgan.

Buxoro Xalq Sovet Respublikasi (BXSR) tuzilgach, Xatirchi va Karmana viloyatlari inqilobiy qo'mitasi raisi (1920-21), BXSR dehqonchilik noziri va nozir o'rribosari (1921), Buxoro markaziy kasabalar ittifoqi raisi (1922), BXSR Markaziy Ijroiya Komiteti raisi (1922-yil avgust -1924-yil noyabr). 1925-yildan Buxoro shahri ijroiya qo'mitasi raisining o'rribosari, Buxoro okrugida yer islohoti bo'yicha komissiya raisi, 1929-yildan Toshkentda yashagan, BXSRning rahbar arboblari bilan birgalikda millatchilikda ayblanib, 1937-yil 14-oktabrda otishga hukm qilingan, 1962-yil 26 noyabrda oqlangan.

**- XXSR (XORAZM XALQ SOVET RESPUBLIKASI) -
(1920-1924)**

YUSUPOV Polvonniyoz Hoji
(1861-yil - Xiva - 1936-yil 14-may)

Xorazmda jadidchilik harakatining yirik namoyandası, *yosh xivaliklar* partiyasining asoschisi va davlat arbobi bo'lgan P. Hoji Yusupov Xiva shahrida savdogar oilasida tug'ilgan. Eski mакtabda tаhsil olgach, savdo ishlari bilan shug'ullangan. U arab, fors, rus tillarini yaxshi bilgan. 1904-yili Turkiya, Misr, Suriya mamlakatlарida va Makka shahrida bo'lgan. 1914-yili u jadidlarning "so'l oqimi"dan ajralib chiqqan *yosh xivaliklar* partiyasini boshqardi. P. Yusupov 1917-yil 5-aprelda Xiva xoni Asfandiyorxoniga taqdim etilgan davlat boshqaruvida islohatlar o'tkazish to'g'risidagi manifest mualliflaridan biri edi. Manifestga binoan 1917-yil 8-aprelda Xiva xoni huzurida mamlakatni yangicha boshqarish uchun Majlis tuziladi. P. Yusupovga Rossiya hukumati va rus qo'shinlari bilan munosabatlarni barqarorlashtirish vazifasi yuklatildi. Biroq Asfandiyorxonning jadidlarga qarshi siyosati natijasida Yusupov 1917-yil oxiridan boshlab 2 yil davomida Toshkentda muhojirlikda yashadi. Turkkomissiya muhojirlidagi *yosh xivaliklar* partiyasidan Xiva xonligini ag'darib Xorazmda sovetlar andozasidagi yangi hukumat tashkil qilishni rejalashtiradi. 1918-yil boshida Toshkentda muhojir *yosh xivaliklарdan* tashkil qilingan Komitet bolsheviklar ta'sirida edi.

Shu tariqa P. Yusupov quyidagi lavozimlarda faoliyat ko'rsatgan: bolsheviklar ta'siridagi *Yosh xivaliklar inqilobiy qo'mitasi raisi* (1918-yil boshidan). *Turkiston ASSR Milliy ishlар xalq komissarligida Turkman sho'basi boshlig'i* (1919). Xiva xonligi ag'darilgach (1920-yil 1-fevral), yangi tashkil qilingan **Xorazm Xalq Sovet Respublikasi Nozirlar Sho'rosining birinchi raisi** (1920-yil 27 aprel - 1921-yil 6 mart).

Yusupov XXSR hukumati raisi sifatida mustaqil siyosat yuritish va Xorazm Respublikasida demokratik islohotlarni qaror toptirish uchun intilgan. Biroq Turkiston komissiyasi (Turkkomissiya) va Turkiston fronti qo'mondonligi Polvonniyoz Hoji Yusupovning bu siyosatiga qarshi chiqib, Xivada yangi hukumat to'ntarishini amalga oshirishgan. Yusupov faol siyosiy kurashdan voz kechganligi uchun keyinchalik bolsheviklar tomonidan afv qilingan va XXSRda turli lavozimlarda xizmat qilgan.

- TASSR (TURKISTON AVTONOM SOVET SOTSIALISTIK RESPUBLIKASI) -
(1918-1924)

TURKISTON ASSR MARKAZIY IJROIYA KOMITETI (MIK) RAISLARI

TO'RAQULOV Nazir To'raqulovich
(1892-yil, oktabr, Qo'qon - 1937-yil 3-oktabr)

Davlat, siyosat arbobi, tilshunos olim va diplomat. O'ziga to'q qozoq oilasida dunyoga kelgan. Qo'qondagi rus-tuzem maktabi (1905), savdo bilim yurtini (1913) tugatgan. Moskva savdo institutining iqtisod fakultetida o'qigan (1913-16). 1-jahon urushi paytida g'arbiy front (Minsk yaqini)da Butun Rossiya Zemstvo ittifoqining yo'rirqchisi (1916). "Erkin dala" yashirin tashkiloti rahbari (1916). Eserlar partiyasining a'zosi (1918).

1918-19-yillarda Qo'qondagi sovet idoralarida turli lavozimlarda ishladi. Keyinchalik *Turkiston ASSR Maorif xalq komissari* (1920), *Turkiston ASSR MIK raisi* (1920-yil sentabr - 1921-yil avgust), *Turkiston KP MK mas'ul kotibi* (1921-22). *Turkiston MIK huzuridagi Qirg'iz (qozoq) bo'limi raisi* (1921-22). Turkiston "Qo'shchi" uyushmasining tashkilotchilaridan biri. N. To'raqulov bu lavozimlarda ishlash jarayonida sovet hokimiyati va bolsheviklar partiyasiga sadoqatini namoyish qildi. T. Risqulov va uning tarafdarlari bo'lgan milliy communist rahbarlar fikrlariga qarshi turdi.

Turkiston muxtoriyati hukumati va Farg'ona vodiysidagi istiqlolchilik harakatiga to'g'ri baho bera olmadi va ularni yo'qotish tarafdoi bo'ldi. Moskvaga chaqirib olindi va *sovet xalqlari Markaziy nashriyoti raisi* lavozimiga (1922-28) tayinlanadi. U mohir journalist va publitsist ham edi. U o'z maqolalarida asosan sovet turmush tarzining afzalliklarini ko'rsatishga harakat qildi.

1928-yilda N. To'raqulov elchilik ishiga jalb qilinadi va SSSRning Hijoz davlatidagi (hozirgi Saudiya Arabiston) *Bosh konsuli* va *Muxtor elchisi* vazifalarida ishladi (1928-1936). U Sharq xalqlari tarixi va madaniyatini yaxshi bilganligi uchun islam olamida shuxrat qozondi.

N. To'raqulov Moskva va Leningraddagi *Sharq xalqlari instituti ilmiy xodimi* va *prorektori* (1936-37) bo'lib ham ishladi.

U qanchalik sovet hukumatiga, bolsheviklar partiyasiga sodiq bo'lmasin, mustabid tuzumning qonli qatag'onidan qutulib qola olmadi. 1937-yil 15-iyunda qamoqqa olindi va otishga hukm qilindi (1937-yil 3-oktabr). 1958-yilda oqlangan.

RISQULOV Turor

(1894-yil 14-dekabr, Yettisuv (hoz. Olmaota) viloyati Verniy uyezdi Sharqiy To'rg'ay volosti - 1938-yil 10-fevral, Moskva)

Turkiston xalqining taniqli davlat va jamoat arbobi bo'lgan T. Risqulov kambag'al qozoq chorvadori oilasida tug'ildi. uning otasi *Risqul Jilhaydarov* volost boshqaruvchisi *Uchkempirovni* o'ldirgani uchun avval Verniy shahridagi qamoqxonagaga tashlanadi, so'ngra Sibirga surgun qilinadi (1904-05). Yosh T. Risqulov otasining xohishi bilan qamoqxonaga ketadi. U ilk saboqni turmadagi savod chiqarish mifik maktabida oladi. So'ngra u Avliyo uyezdi Merki shahridagi rus-tuzem maktabi va Bishkekdag'i qishloq xo'jalik o'quv yurtini tugatadi (1907-1914). T. Risqulov 1914-yili Toshkentga keladi va turli yumushlarni bajaradi. U 1916-yilda chor Rossiyasiga qarshi ko'tarilgan milliy-ozodlik kurashida faol qatnashdi. 1916-1917-yilda Toshkent o'qituvchilar institutida o'qidi.

1918-1924-yillarda T. Risqulov Turkiston Avtonom Respublikasida muhim vazifalarni bajardi: *Turkiston Sog'liqni saqlash xalq komissari* (1918-19), *Ocharchilikka qarshi kurash Markaziy Komissiyasi raisi* (1918-19), *RKP(b) TKP Musulmonlar byurosi* (1919-20), *Turkiston ASSR MIK raisi*

(1920-yil yanvar-iyul), *Turkiston ASSR XKK raisi* (1922-yil sentabr - 1924-yil yanvar) lavozimlarida ishladi. T. Risqulov Turkistondagi ocharchilik va uning dahshatli oqibatlarini tugatish uchun kurashdi, bolsheviklarning mahalliy xalqlarning ochlikdan qirilishiga befarq, mensimaslik munosabatini ochiq tanqid qildi. T. Risqulov boshchiligidagi ayrim milliy communistlar Markazning shovinistik siyosatini, Turkbyuro va Turkkomissiyaning zo'ravonlik kirdikorlarini, qizil askarlarning bosqinchilik va talonchiliklarini oolib tashladilar. O'lka musulmonlari Byurosi raisi sifatida u "Turk Respublikasi" va "Turk Kompartiyasi" tuzish haqidagi masalani Markaz siyosiy rahbariyati oldiga qo'yadi. Biroq Markazning topshirig'i bilan Turkkomissiya Turkiston xalqlari birlashishiga yo'l qo'ymadni. Aksincha, ularni ajratish chora-tadbirlarini ko'radi.

Turkiston xalqlarini birlashtirish tarafdoi bo'lgan Risqulov lavozimidan bo'shatilib Markazga chaqirib olinadi. U Markazning nazoratida: RSFSR Millatlar ishi xalq komissarining ikkinchi o'rinnbosari, ushbu komissarlikning Ozarbayjondagi Muxtor vakili lavozimlarida ishladi (1920-1922). Biroq, Turkistonda istiqlolchilik harakati kuchayib, siyosiy vaziyat keskinlashgach, u Turkistonga yana qaytarildi. T. Risqulov isqtiqlolchilik harakatiga qarshi kurashga rahbarlik qilgan sovet davlat arboblaridan biri bo'lishga qaramasdan, u istiqlolchilar kurashining mohiyatini to'g'ri tushungan va ularga xayrixohlik bilan qaragan edi.

Markaz 1924-yil boshidan Turkiston xalqlarini bo'lib tashlash maqsadida O'rta Osiyoda milliy-hududiy chegaralash o'tkazish uchun tayyorgarlik ishlarini boshlab yubordi. Turkiston xalqlarining birligi, Turk Respublikasi tashkil qilish tarafdoi bo'lgan T. Risqulov Turkistonda turishidan Markaz manfaatdor emas edi. shuning uchun u 1924-yil fevralda Markazga yana chaqirib olinadi. T. Risqulov Komintern Ijroiya Qo'mitasining O'rta Sharq bo'limida ishladi, Mo'g'uliston Respublikasida o'z tajribasini o'rtoqlashdi (1924-1926), *RSFSR Xalq Komissarlari Kengashi raisining muovini* (1926-1936) lavozimlarida faoliyat ko'rsatdi. U qaysi lavozimda ishlamasin, har doim O'rta Osiyo respublikalari, xususan, Ozbekiston va Qozog'iston manfaatlarini himoya qildi.

T. Risqulov Turkistondagi 1916-yil qo'zg'oloni va istiqlolchilik harakati to'g'risida va boshqa mavzularda bir qator maqolalar, asarlar yozdi. Jumladan, uning "*Inqilob va Turkistonning tub aholisi*" (1-qism, Toshkent, 1925) asari hozirgi kunda ham qimmatlidir.

T. Risqulov 1937-yilda Moskvada qamoqqa olinadi va mustabid sovet tuzumi tomonidan 1938-yilda otib tashlanadi.

RAHIMBOYEV ABDULLA (1896-yil, Xo'jand - 1938-yil, 7-may)

Davlat va jamoat arbobi bo'lgan Abdulla Rahimboyev Xo'jand shahrining *Razzoqi mahallasida* savdogar oilasida dunyoga kelgan. 1910-1912-yillarda u Samarqanddagi erkaklar gimnaziyasida, so'ngra Toshkentdagisi o'qituvchilar seminariyasida bilim oldi (1917). U 14 ta tilni bilgan.

A. Rahimboyev 1919-yildan boshlab sovet idoralarida xizmat qila boshladi. *Turkiston ASSR MIKning raisi* (1920-1922), *Turkiston ASSR Maorif xalq komissari* lavozimlarida ishladi. uning ongiga "kommunistik g'oya"ni singdirish uchun 1922-yilda u Moskvaga chaqiriladi. Markaziy hukumat qoshidagi "tayyorlov"dan so'ng A. Rahimboyev *Buxoro Kompartiyasi* va *Turkiston KPning Markaziy Qo'mitasi* kotibi lavozimlarida ishladi (1923-24). O'rta Osiyoda milliy-hududiy chegaralanish o'tkazishda faol qatnashdi va bu tadbirni qo'llab-quvvatladi.

A. Rahimboyev 1925-yildan Moskvada yashay boshladi. *SSSR xalqlari Markaziy nashriyoti boshqarmasi raisi* lavozimida ishladi (1928). So'ngra u Dushanbega yuborildi. *Tojikiston SSR XKNning raisi* (1934-1937) sifatida ham faoliyat ko'rsatdi.

A. Rahimboyev 1937-yilda qamoqqa olindi va 1938-yil 7-mayda otib tashlandi.

XIDIRALIYEV Inomjon

(1891-yil 23-fevral, Namangan uyezdi Pop volostidagi Iskovat qishlog'i - 1928-yil 31-dekabr, Moskva)

Davlat va jamoat arbobi, diplomat. 1903-1905-yillarda Popdagi, 1906-07-yillarda Qo'qondagi rus-tuzem maktabida o'qidi. 1909-1917-yillarda O'sh va Jalolobod shaharlarida Bozorqo'rg'on va Qo'rg'on tepadagi pristavlarda kotiblarda kotiblik va tilmochlik qildi. 1917-yil noyabrida uni O'sh shahar dumasiga a`zo qilib saylashadi.

I. Xidiraliyev 1919-yildan turli sovet idoralarida mas'ul lavozimlarda ishladi: Farg'ona viloyati partiya qo'mitasining kotibi (1920-21), Turkiston ASSR Yer ishlari xalq komissari (1922), Turkiston ASSR Markaziy Ijroiya Komiteti (MIK) raisi (1922-24). RSFSR Yer ishlari, federal komiteti Prezidiumi a'zosi (1923-24). Turkiston ASSRning RSFSRdagi muxtor vakili (1924-yil yanvar - noyabr). I. Xidiraliyev Turkiston respublikasi manfaatlarini himoya qilib, bolsheviklarning shovinistik siyosatiga qarshi kurashdi. Turkistondagi istiqlolchilik harakatiga xayrixohlik bilan qaradi. U "o'n sakkizlar guruhi"ning tashkilotchilaridan biri edi (1925). Yer ishlari xalq komissari (1925) sifatida I. Xidiraliyev O'zbekistonda yer-suv islohotini amalga oshirishda faol qatnashdi. Paxtakor dehqonlarni iqtisodiy jihatdan qo'llab-quvvatlash, ijtimoiy himoya qilish tarafdori bo'lgan. 1926-yilda u O'zbekiston qishloq xo'jaligi banki pravleniya raisi lavozimida ishladi.

I. Xidiraliyev O'zbekistonda yer-suv islohatini amalga oshirishda xalq komissari sifatida faol qatnashdi. U bolsheviklar tomonidan o'tkazilayotgan "quloqlarni sinf sifatida tugatish" siyosatiga qarshi chiqqan edi. Paxtakor dehqonlarni iqtisodiy jihatdan himoya qilishda jonbozlik ko'rsatdi.

Biroq mustabid tuzumning unga o'tkazgan ruhiy tazyiqlari va doimiy ta`qib ostiga olishlari ta`sir qilmasdan qolmadni. I. Xidiraliyev 1928-yil Moskvadagi "Natsional" mehmonxonasida o'z joniga suiqasd qildi. Moskvaning Vagankovo qabristonida dafn etilgan. I. Xidiraliyev vafotidan keyin, 1937-yildagi ommaviy repressiya davrida "xalq dushmani" sifatida qoralangan edi. Andijondagi ko'cha, Qo'rg'on tepe tumanidagi maktabga I. Xidiraliyev nomi berilgan.

**- O'ZBEKISTON SOVET SOTSIALISTIK RESPUBLIKASI -
(1925-1991)**

O'ZBEKISTON KOMPARTIYASI MKNING 1-KOTIBLARI

IVANOV VLADIMIR IVANOVICH

(1893-1938),
(1925-1927)

Davlat va partiya arbobi. KPSSga 1915-yilda a'zo bo'lib kirgan. 1917-yildagi Moskvada bo'lib o'tgan Oktabr inqilobida qatnashgan. 1920-yildan Rossiya Kommunistlar partiyasining Yaroslavl guberna komiteti kotibi. 1925-1927-yillarda O'zbekiston Kommunistlar partiyasi markaziy kengashining birinchi kotibi. 1927-1937-yillarda Butun ittifoq Kommunistlar Shimoliy Kavkaz va Shimoliy o'lka komitetining kotibi. 1924-yildan partiya markaziy kengashiga nomzod. 1934-yildan partiya markaziy kengashi a'zosi.

GIKALO NIKOLAY FYODOROVICH

(1897-1938)
(1929)

Sovet partiya arbobi. 1917-yildan KPSS a'zosi. Shimoliy Kavkazda sovet hokimiyatini o'rnatish uchun kurashganlardan biri. 1925-yildan Shimoliy Kavkazda davlat kotibi. 1929-yilda Gikalo *O'zbekiston Kommunistlar partiyasi Markaziy kengashining I-kotibi* bo'lgan. Keyingi yillarda Ozarbayjon Kommunistlar partiyasi markaziy kengashining bosh kotibi, Moskva Davlat qo'mitasi va mahalliy qo'mita raisi lavozimlarida ham ishlagan. 1932-1937-yillarda Belarussiya Kommunistlar partiyasi markaziy kengashining kotibi. 1930-yildan markaziy-inqilobiq qo'mita a'zosi. 1934-yildan Butun ittifoq Kommunistlar partiyasi markaziy qo'mitasi a'zoligiga nomzod. U SSSR Markaziy ijroiya qo'mitasiga a'zo bo'lgan.

IKROMOV AKMAL IKROMOVICH

(1898-yil, Toshkent - 1938-yil, 13-mart, Moskva)
(1929-yil dekabr - 1937-yil sentabr)

Davlat va siyosat arbobi. Toshkentning O'qchi mahallasida mакtabdor Ikrom domla oilasida tug'ilgan. Otasining maktabida savod chiqargan. Yoshligidan fors va arab tillarini puxta egallab, sharq adabiyotini chuqur o'rgangan. Toshkent shahrida o'qituvchi (1918-1919), "Izchillar to'dasi" va "Chig'atoygurungi" a'zosi, *Elxon* taxallusi bilan she`rlar yozgan. Namangan, Farg'ona, Sirdaryo viloyatlari partiya tashkilotlarida turli lavozimlarda faoliyat ko'rsatgan (1919-1921). Turkiston Kommunistlar partiyasi Markaziy Kengashining kotibi va tashkiliy instrukturlik bo'limi mudiri (1921-1922). Turkiston Respublikasida yangi iqtisodiy siyosat (NEP) ni amalga oshirilishida tashabbuskorlik qilgan. 1922-1924-yillarda Moskvadagi Kommunistik universitetda o'qidi. 1925-yil yanvardan Toshkent viloyati partiya komiteti kotibi. 1925-yil fevraldan *O'zbekiston Kommunistlar Partiyasi Markaziy Kengashi kotibi, birinchi kotibi* (1929-yil dekabr - 1937-yil sentabr). 1931-1934-yillarda Butun ittifoq kommunistlar partiyasi markaziy kengashining O'rta Osiyo byurosi kotibi. Butun Rossiya Markaziy Ijroiya Qo'mitasi a'zosi, 1925-1937-yillarda SSSR Markaziy Ijroiya Qo'mitasi Prezidiumi a'zoligiga nomzod. O'zSSR Markaziy Ijroiya qo'mitasi Prezidiumi a'zosi (1925-1937).

A. Ikromov 1919-1924-yillarda imkoniyati doirasida o'zbek xalqi manfaatlari uchun Markaz siyosatiga qarshi kurashgan. U mohir publisist sifatida O'zbekistonda qishloq xo'jaligini, xususan

paxtachilikni rivojlantirishga, madaniy qurulishga doir ko'plab nazariy maqolalar, ilmiya asarlar yozgan. Ikromov o'z faoliyati davomida O'rta Osiyo byurosi va Markazning ko'rsatmalariga amal qilishga majbur bo'lган. 1925-1927-yillarda o'n sakkizlar guruhi, inog'omovchilikka qarshi g'oyaviy kurash olib borgan. O'zbekistonda yer-suv islohati, majburiy jamoatlashtirish, respublikada zamonaviy sanoat asoslarini qurish va boshqa tadbirlarga rahbarlik qilgan. Jadidlarni "burjua millatchiligi" da ayblagan. Ikromov garchi bolshevistik g'oyadan chekinmagan bo'lsa-sa, mustabid tuzum qatag'onchilari uni ayab o'tirmadilar. 1937-yil sentabrda Toshkentda qamoqqa olindi. sovetlarga qarshi "O'ng troskiychi blok" deb atalgan ish bo'yicha Moskvada sud qilinib, sobiq SSSRni bo'lib yuborish, jumladan, O'rta Osiyo respublikalarini ajratib olish, davlat tuzumini ag'darish, kapitalizmni, burjuaziya hokimiyatini tiklashda ayblandi va otib tashlandi.

1957-yil 3-iyunda SSSR Oliy sudi harbiy kollegiyasi A. Ikromovni aybsiz deb topdi va u oqlandi. Ikromov xotirasi abadiylashtirilib, Toshkent shahridagi tumanga, yirik ko'chaga, mahallalar va maktablarga uning nomi berilgan. Toshkent va Samarqandda haykali o'rnatilgan.

YUSUPOV USMON

(1900-yil 1-mart, Farg'ona tumanidagi Kaptarxona g'ishlog'i - 1966-yil 7-may, Toshkent)
(1937-1950)

Davlat va siyosat arbobi. Mehnat faoliyatini 1916-yil Qovunchi (hoz. *Yangiyo'l shahri*)dagi paxta tozalash zavodida ishchilikdan boshlagan. Toshkent binokorlar uyushmasi raisi, kasaba uyushmalari Toshkent okrugi kengashi raisi (1926-28). O'zbekiston Kompartiyasi MK kotibi (1928-31), VSSPS O'rta Osiyo byurosi raisi (1931-34). O'zbekiston SSR Oziq-ovqat sanoati xalq komissari (1936-37), *O'zbekiston Kompartiyasi MK 1-kotibi* (1937-50). SSSR Paxtachilik ministri (1950-53), O'zbekiston SSR Ministrler Soveti raisi (1953-54), Mirzacho'ldagi "4-Boyovut" va "2-Boyovut" s-zlari va Yangiyo'l tumanidagi «Xalqobod» agrar-sanoat birlashmasi direktori (1955-66).

Yusupov respublikaga rahbar bo'lган yillarda O'zbekistonda xali hashari yo'li bilan yirik suv inshootlari (*Katta Farg'ona kanali*, *Kattaqo'rg'on suv ombori* va b.) qurilgan. 2-jahon urushi davrida mamlakat g'arbidan ko'chirib keltirilgan korxonalarini ishga tushirish, yangilarini qurish, frontni oziq-ovqat, kiyim-kechak bilan muntazam ta'minlash, o'zbekistonliklarni fashizmga qarshi kurashga safarbar qilish, urush tufayli uy-joy va boshpanasiz qolgan aholi hamda etim qolgan bolalarga mehribonlik va insonparvarlik qilishda Yusupov bosh-qosh bo'lган. U o'z siyosiy faoliyati davrida imkoniyat doirasida O'zbekiston xalqi manfaatlarini himoya qilishga intilgan bo'lismiga qaramay ommaviy qatag'on siyosatida (1937-39) Markaz farmoyishlarini bajarishga majbur bo'lган. Toshkentdagi Chig'atoj qabristoniga dafn etilgan. Katta Farg'ona kanali, Farg'ona tumanidagi qishloq, respublikadagi bir necha mакtab, ko'cha, shirkat xo'jaligiga Yusupov nomi berilgan. Yangiyo'l shahrida uy-muzeyi bor, haykali mavjud.

NIYOZOV AMIN ERMATOVICH

(1903-yil 1-noyabr, Farg'ona viloyati, Marg'ilon tumani - 1973-yil 26-dekabr, Toshkent)
(1950-1955)

Davlat va siyosat arbobi. O'zbekistonda xizmat ko'rsatgan binokor (1973). 1920-30-yillarda sovet organlarida ishladi. Moskvadagi Sanoat akademiyasida o'qidi (1930-34). 1940-yil O'zbekiston Kommunistlar partiyasi Markaziy Kengashining qurilish bo'limi mudiri. 1940-46-yillarda respublika Moliya xalq komissari, 1946-47-yillarda O'zbekiston Ministrler Soveti raisi o'rinosbasari. 1947-50-yillarda O'zbekiston Oliy Soveti Prezidiumi raisi, 1950-55-yillarda *O'zbekiston Kommunistlar partiyasi Markaziy kengashining I kotibi*. O'zbekiston Kommunal xo'jalik ministri, Ministrler Soveti Gaz va kommunal xo'jalik Bosh boshqarmasining boshlig'i (1956-60).

MUHITDINOV NURIDDIN AKRAMOVICH

(1917-yil 19-noyabr, Toshkent)

(1955-1957)

Davlat va siyosat arbobi, diplomat. Moskvadagi savdo-kooperativ institutini tugatib (1938), turli lavozimlarda ishladi. 2-jahon urushi qatnashchisi. 1946-yildan uning siyosiy faoliyati boshlandi. Namangan viloyat partiya qo'mitasi kotibi va 1-kotibi (1947-50), O'zbekiston Kompartiyasi MK kotibi (1950-51), O'zbekiston SSR Ministrlar Soveti raisi (1951-53, 1954-55), O'zbekiston Tashqi ishlar vaziri (1953-54), *O'zbekiston Kompartiyasi MK 1-kotibi* (1955-57), KPSS MK kotibi (1957-61). KPSS MK Prezidiumi a'zoligiga nomzod (1956-57), a'zo (1957-61). Sentrosoyuz boshqaruvi raisi o'rinnbosari (1962-66), SSSR Ministrlar Soveti Xorijiy mamlakatlar bilan madaniy aloqalar komiteti raisining 1-o'rinnbosari (1966-68), SSSRning Suriyadagi elchisi (1968-77), SSSR savdo-sanoat palatasini raisining o'rinnbosari (1977-85), O'zbekiston SSR Ministrlar Sovetining maslahatchisi (1986-87), "Yodgorlik" tarixiy madaniy meros jamiyati raisi (1987-96), "Oltin meros" Xalqaro xayriya jamg'armasi bosh maslahatchisi (1996-yildan).

RASHIDOV SHAROF RASHIDOVICH

(1917-yil 6-noyabr, Jizzax shahri - 1983-yil 31-oktabr, Toshkent)

(1959-1983)

Davlat va jamoat arbobi, yozuvchi. Jizzax pedagogika texnikumini (1935), Samarcand Davlat universitetining filologiya fakultetini tugatgan (1941). *Samarcand viloyati* gazetasida mas'ul kotib, muharrir o'rinnbosari va muharrir (1937-41, 1943). 2-jahon urushi qatnashchisi (1941-yil noyabr - 1942). O'zbekiston Kommunistlar partiyasi Samarcand viloyat komiteti kotibi (1944-47), "*Qizil O'zbekiston*" gazetasi muharriri (1947-49), O'zbekiston Yozuvchilar uyushmasi boshqaruvi raisi (1949-50). O'zbekiston Oliy Soveti Prezidiumi raisi (1950-59). O'zbekiston KP MKining 1-kotibi (1959-83). KPSS MK Siyosiy byurosi (Prezidiumi) a'zoligiga nomzod (1961-83). 2 marta Mehnat qahramoni (1974, 1977).

Sh.Rashidov adabiyotga shoir sifatida kirib keldi va 1-yirik asari - "*Chegarachi*" dostoni 1937-yilda nashr qilindi. Fashizmga qarshi kurash tuyg'ulari bilan sug'orilgan "*Qahrim*" she'rlar to'plami 1945-yilda chop etildi. Rashidov davrning muhim hisoblangan muammolaridan biri - qo'riq va bo'z yerlarni o'zlashtirish mavzuida "*Goliblar*" qissasini (1953) yozdi. 2-jahon urushi yillarda front orqasida qahramonona mehnat qilgan xalq hayotiga bag'ishlangan "*Bo'rondan kuchli*" (1958) va "*Qudratli to'lqin*" (1964), "*Goliblar*" (1972) romanlarini yaratdi. Sh.Rashidov xalq va mamlakat hayotida ro'y bergan voqealarni davlat va partiya arbobi sifatida mushohada etib, adabiyotning badiiylik mezonlaridan ko'ra g'oyaviylik tamoyiliga ko'proq e'tibor berdi. Hind xalq afsonasi asosida yozilgan "*Kashmir go'shig'i*" lirik qissasi (1956) Sh.Rashidov ijodida alohida o'rinni egallaydi.

Sh.Rashidov respublikaga rahbarlik qilgan yillarda qator bunyodkorlik ishlari bilan birga qishloq xo'jaligi yerlaridan ekstensiv foydalanish oqibatida ekologik vaziyatning buzilishi, paxta yakkahokimligining qaror topishi kabi noxush holatlar ham yuz berdi. Sh.Rashidov vafotidan so'ng Markaz tomonidan totalitar tuzumning barcha kirdikorlari unga yuklanib, 80-yillar qatag'onida nohaq qoralandi.

O'zbekiston mustaqillikka erishgach, Sh.Rashidovning nomi oqlandi va u Vatanimiz tarixidagi munosib o'rnini egalladi. Prezident I.A.Karimovning tashabbusi bilan Sh.Rashidov tavalludining 75 yilligi nishonlandi. Sh.Rashidov Toshkentdagi Xalqlar Do'stligi saroyi me'moriy majmuasi uchun qurilish g'oyasining muallifi va ijodiy rahbari sifatida vafotidan so'ng Alisher Navoiy nomidagi *O'zbekiston Davlat* mukofoti bilan taqdirlangan (1994). Sirdaryo viloyatidagi tuman, Toshkent va Jizzax shahridagi ko'chalar, maktablar, mahallalarga uning nomi berilgan. Jizzaxda Sh.Rashidov haykali va muzeyi bor. U "*Chig'atoy*" qabristoniga dafn etilgan.

USMONXO'JAYEV INOMJON BUZRUKOVICH
(1930-yil 21-may, Bag'dod tumani)
(1983-1988)

Partiya arbobi. O'rta Osiyo politexnika institutining *arxitektura* fakultetini tugatgan (1955). Marg'ilon shahri bosh me'mori (1959), Farg'ona viloyati partiya komiteti instruktori (1960), Farg'ona viloyati ijroiya qo'mitasi boshqarma boshlig'i (1961), Farg'ona shahri ijroiya qo'mitasi raisi (1962-64), Sirdaryo viloyati partiya komiteti kotibi (1965-69), KPSS MK instruktori (1969-72), Namangan viloyati ijroiya qo'mitasi raisi (1972-74), Andijon viloyati partiya komiteti 1-kotibi (1974-78), O'zbekiston SSR Oliy Soveti Prezidiumi raisi (1978-83). *O'zbekiston Kompartiyasi MK 1-kotibi* (1983-88).

I. Usmonxo'jayev respublikaga rahbarlik qilgan yillarda siyosiy va iqtisodiy vaziyat yomonlashdi, u qat'iyatsizligi va jur'atsizligi tufayli Markazning tazyiqiga dosh bera olmay, 1984-88-yillarda O'zbekistonning ko'plab xo'jalik va partiya arboblarini "paxta ishi" va "o'zbeklar ishi" degan soxta siyosiy ayblovlar natijasida qatag'on qilinishiga, xalqning milliy g'ururi va qadriyatları kamsitilishiga yo'l qo'yib berdi.

NISHONOV RAFIQ NISHONOVICH
(1926-yil 15-yanvar, Bo'stonliq tumani)
(1988-1989)

Siyosat va jamoat arbobi. 1951-yildan tuman partiya komiteti kotibi, Toshkent shahri partiya komiteti bo'lim mudiri, Toshkent shahri ijroiya qo'mitasi raisi. O'zbekiston Kommunistlar partiyasi Markaziy kengashi kotibi (1963-70). 1970-yildan Shri Lanka Respublikasi va Maldiv Respublikasida SSSRning Favqulodda va muxtor elchisi, SSSRning Iordaniyadagi elchisi. O'zbekiston SSR Tashqi ishlar vaziri (1985-86). O'zbekiston Oliy Soveti Prezidiumi raisi (1986-88). *O'zbekiston KP MK 1-kotibi* (1988-89), SSSR Oliy Soveti Millatlar Sovetining raisi (1989-91).

R. Nishonov respublikaga rahbarlik qilgan yillarda qat'iyatsizligi, uzoqni ko'ra bilmagani tufayli Markazning O'zbekistonga nisbatan g'arazli siyosati va qatag'onlari davom etdi, ijtimoiy-iqtisodiy hayat og'irlashdi, millatlararo adovatlar kuchaydi, respublikaning ma'muriy-hududi tuzilishi bo'yicha volyuntaristik qarorlar qabul qilindi.

- O'ZBEKISTON RESPUBLIKASI -
(1991-yil 1-sentabr)

O'zbekiston Respublikasi Prezidenti:

KARIMOV ISLOM ABDUG'ANIYEVICH
(1938-yil 30-yanvar, Samarqand shahri)

Davlat va siyosat arbobi, O'zbekiston Respublikasining birinchi Prezidenti. O'zbekiston qahramoni (1994). 1960-yili O'rta Osiyo politexnika instituti, 1967-yilda esa Toshkent xalq xo'jaligi institutini tugatgan. 1960-yildan "Tashselmash" zavodida avval master yordamchisi, so'ng master, texnolog, 1961-1966-yillarda V. P. Chkalov nomidagi Toshkent aviatsiya ishlab chiqarish birlashmasida avval muhandis, so'ngra yetakchi muhandis-konstruktur bo'lib ishladi. 1966-1983-yillarda O'zbekiston Davlat Plan komitetida fan va yangi texnikani joriy etish bo'limining bosh mutaxassisligidan respublika Davlat Plan komiteti Raisining birinchi o'rinnbosarigacha bo'lgan yo'lhi bosib o'tdi. 1983-yildan O'zbekiston SSR Moliya vaziri, 1986-yilda O'zbekiston SSR Ministrlar Soveti Raisining o'rinnbosari - respublika Davlat plan komitetining raisi. 1986-yil dekabridan O'zbekiston Kompartiyasi Qashqadaryo viloyati partiya komitetining birinchi kotibi lavozimlarida faoliyat ko'rsatdi. 1989-yil iyunida O'zbekiston Kompartiyasi Markaziy komitetining birinchi kotibi, 1990-yil 24-martda O'zbekiston Respublikasi Oliy Kengashi sessiyasida O'zbekiston SSR Prezidenti etib saylandi. 1991-yil 29-dekabrda birinchi bor muqobililik asosida tashkil etilgan umumxalq saylovida O'zbekiston Respublikasi Prezidenti etib saylandi.

Islom Karimov 1991-yil 31 avgustda O'zbekiston Respublikasining davlat mustaqilligini e`lon qildi. 1995-yil 26-martda umumxalq Referendumida Karimovning Prezidentlik vakolati 1997-yildan 2000-yilgacha uzaytirildi. 2000-yil 9-yanvarda O'zbekiston Respublikasi Prezidenti saylovi bo'lib o'tdi. Ushbu saylovda Islom Abdug'aniyevich Karimov yana O'zbekiston Respublikasining Prezidenti etib saylandi. O'zbekiston Respublikasi Konstitutsiyasining 89 va 93-moddalariga ko'ra, Islom Karimov ayni vaqtida, O'zbekiston Respublikasi Vazirlar Mahkamasining Raisi, O'zbekiston Respublikasi Qurolli Kuchlarining Oliy Bosh qo'mondonidir.

1994-yili Islom Karimovga O'zbekiston Fanlar Akademiyasi akademigi unvoni berilgan, shuning bilan, iqtisod, fan va ta`limni rivojlanirishga qo'shgan ulkan hissasi uchun o'ndan ortiq xorijiy mamlakatlar universiteti va akademiyalarining faxriy fan doktori, professori hamda akademligiga saylangan.

Prezident I.A.Karimov O'zbekistonda davlat tuzumini mustahkamlashda, mamlakatning iqtisodiy, madaniy rivojlanishida, Respublikaning ichki va tashqi siyosatida tinchlik va barqarorlikni ta'minlashda jonbozlik ko'rsatgani uchun "*O'zbekiston Qahramoni*" faxriy unvoni (1994-yil), "*Mustaqillik*" (1996-yil), "*Amir Temur*" (1998-yil) ordenlari bilan taqdirlangan. I.A.Karimov xalqaro munosabatlarni rivojlantirishdagi salmoqli hissasi uchun bir qator xorijiy davlatlarning va nufuzli xalqaro tashkilotlarning orden va medallari bilan mukofotlangan.

I.A.Karimovning "*O'zbekistonning o'z istiqlol va taraqqiyot yo'li*" (1992), "*Yangi uy qurmay turib, eskisini buzmang*" (1993), "*Bizdan ozod va obod Vatan qolsin*" (1994), "*Istiqlol va ma'naviyat*" (1994), "*Vatan sajdagoh kabi muqaddasdir*" (1995), "*O'zbekiston XXI asr bo'sag'asida: xavfsizlikka tahdid, barqarorlik shartlari va taraqqiyot kafolatlari*" (1997), "*Barkamol avlod orzusi*" (1998), "*Kuchli davlatdan kuchli jamiyat sari*" (1998), "*Tarixiy xotirasiz kelajak yo'q*" (1998), "*Olloh qalbimizda, yuragimizda*" (1999), "*Ozod va obod vatan, erkin va farovon hayot - pirovard maqsadimiz*" (2000), "*Tinchlik uchun kurashmoq kerak*" (2001), "*O'zbekistonda demokratik o'zgarishlarni yanada chuqurlashtirish va fuqarolik jamiyati asoslarini shakllantirishning asosiy yo'nalishlari*" (2002) va boshqa asarlarida iqtisodiyot, ijtimoiy-siyosiy taraqqiyotning dolzarb masalalari tadqiq qilingan,

O'zbekistonning ichki va tashqi siyosati ilmiy asoslab berilgan, hozirgi va istiqboldagi vazifalar ko'rsatib o'tilgan. Uning eng muhim asarlari ingliz, fransuz, ispan, nemis, hind, xitoy, arab kabi o'nlab turli xorijiy tillarga tarjima qilinib, chet ellarda bir necha bor nashr qilingan. Respublikamizda I.A.Karimov asarlarining 11 jildlik to'plami quyidagi nomlarda nashr qilingan:

- 1-jild. **O'zbekiston: Milliy istiqlol, iqtisod, siyosat, mafkura.** - T.: O'zbekiston. 1996.
- 2-jild. **Bizdan ozod va obod Vatan qolsin.** - T.: O'zbekiston. 1996.
- 3-jild. **Vatan sajdagoh kabi muqaddasdir.** - T.: O'zbekiston. 1996.
- 4-jild. **Bunyodkorlik yo'lidan.** - T.: O'zbekiston. 1996.
- 5-jild. **Yangicha fikrlash va ishlash davr talabi.** - T.: O'zbekiston. 1997.
- 6-jild. **Xavfsizlik va barqaror taraqqiyot yo'lida.** - T.: O'zbekiston. 1998.
- 7-jild. **Biz kelajagimizni o'z qo'llimiz bilan quramiz.** - T.: O'zbekiston. 1999.
- 8-jild. **Ozod va obod Vatan, erkin va farovon hayot - pirovard maqsadimiz.** - T.: O'zbekiston. 2000.
- 9-jild. **Vatan ravnaqi uchun har birimiz mas'ulmiz.** - T.: O'zbekiston. 2001.
- 10-jild. **Xavfsizlik va tinchlik uchun kurashmoq kerak.** - T.: O'zbekiston. 2002.
- 11-jild. **Biz tanlagan yo'l - demokratik taraqqiyot va ma'rifiy dunyo bilan hamkorlik yo'li.** - T.: O'zbekiston. 2003.